


# पजरुक नाद

(वाख सोम्बरन)

चिंद्रा डासी







with good wishes

from Chandha Dassi





# पजरुक नाद

(वाखु सोम्बरन)

चंद्रा डासी

## ”पज़रूक नाद”

(येमि किताबि हंघ् तमाम हाकूक छि कवियत्री हंदि नावु मँहफूज़)

किताबि हंघ् नाव	:	पज़रूक नाद
कवियत्री	:	चंद्रा डासी
काँशुर नाग्री लिपी तु		
काँशुर नस्तालीक		
शवद करनवोल	:	पी.एन.कौल 'सायिल' सेक्टर-1, कोचि-1, डोगरा नगरए जोम।
कमप्यूटर टेकनिशन	:	रिंकू कौल 94191-36369 आई.आई.एल.एस डी.टी.पी सेक्टर, मुठी जोम।
म्वल	:	जु हथ र्वपयि सिर्फ (Rs.200/-)
छापन सनु	:	2005 ई०
छाप खानु	:	
पब्लिशर	:	श्री राजनाथ डासी

0191-2592335

### किताब मेलनुक पतः

1. बादशाह कलंदर आश्रम, पंडोका कालोनी, पटोली जोम।
2. महेश ट्रेडर्स, मेन रोड रूप नगर, जोम। 180002, फोन : 2592492
3. विजेश्वर कार्यालय, पट्टा चुंगी जोम। 180002 फोन : 255564, 2502330
4. सायम स्वामी आनन्द आश्रम, लोवर रूपनगर मुठी, जोम। फोन : 2592822
5. नॅव-दिलः श्री अविनाश गंजू, 304-गुपता प्लाज़ा, एम-4, विकासपुरी, नॅव-दिल। फोन : 9810054554, 25559171

## अर्पण

यि वाखु सौम्बरन छस बु येछि तु पछि पनुन्यून  
गोरू महाराजन हुंघन पोशि पादन अर्पण  
करान। यिहंजि रुचि प्रेरणायि  
मे यि बाश द्युत।



दीक्षा ग्वरु सुंज मनि गॅनिरॉवुम।  
सॅनिरॉवुम स्वय गॅयि प्रजलान।।  
रुचि रचे मे येलि रुमु नॉविम।  
बुमि प्रॉवुम प्रकाशिच खान।

-चंद्रा डासी



1874

महाराष्ट्र राज्य सरकार  
मुंबई नगरपालिका  
मुंबई नगरपालिका  
मुंबई नगरपालिका

मुंबई नगरपालिका  
मुंबई नगरपालिका

मुंबई नगरपालिका  
मुंबई नगरपालिका

मुंबई नगरपालिका




गुरु महाराज स्वामी हरे कृष्णा

# PAZRUK- NAAD

(Collection of Wakhs)

By: CHANDRA DASI



कवियत्री : चंद्रा डासी  
पति देव : श्री राजनाथ डासी  
किताबि हुंद नाव : “पज़रुक नाद”  
(वाख़ा सौम्बरन)  
रोज़नजाय : रूप नगर, ज़ोम ।



# सरनाम

सन 1990 ई० प्यठ अजताम पॅत्य्म्यन पंदाहन  
वॅर्ययन मंज छि कौशरि शौयरी मंज भॅक्ति भावुच वखनय  
येछि तु पछि, आचारु तु व्यचारु, श्रद्धायि तु लोल सान  
सपदान आमुच, यि छु अख नेक फाल ।

यिम भॅक्ती शौयिर छि अहम् मॅशरिथ सूहम गारान ।  
अँदुर्य अँदरी बालु यारस वॅन्यु दिवान । पान प्रजनावनु  
खौतरु नेबरु प्यठ अंदर अचान तु आँथु रोस आनन्द  
सॅदरस मंज डुंग दिथ म्वलुल म्वखतु छांडनुच लगातार  
कूशिश करान ।

पॅत्य्म्यन पंदाहन वॅर्ययन मंज आयि वारयाह ग्वणुमात  
यिमव जदीद कौशरि शौयरी मंज भॅक्ति काव्यु दुबारु  
बारसस यिनुच चेनुवन दिच । यिमनुय मंज छे श्रीमती चंद्रा  
डासी अख बा असर भॅक्ती शौयराह । यूवसु रूवपुद्यद  
ललुद्यद, स्वौमी म्यरजुकाक, स्वौमी परमानन्द, स्वौमी गोविंद  
कौल, भवौणी भाग्यवान द्यद तु स्वौमी प्राणनाथ बट  
'गरीब' सुंजि परम्परायि पछि सान त्वलि ललुवान । चंद्रा  
डासी छे ग्वडु भॅक्तय तु पतु शौयिराह । यिमव छु वॅरीवाद  
साधनायि हुंजि वति प्यठ खँहरनि पान खौरिथ मनु ख्वचर  
गालनुक प्रयास कौरमुत । स्व छे स्वौमी हरी कृष्ण महाराजिन्यु  
शष तु तिमनुय निश छख ग्वरु दीक्षा प्रौवमुच । यि रूज  
वारयाहन वॅर्ययन स्वौमी हरी कृष्ण महाराजस नखु ग्वरु

सीवायि मंज मसरुफ तु हनि हनि गैयस मनि कामन स्यद ।  
चंद्रा जी छे पनुन्यव रुहोनी तजरुबव किन्यु ज्ञान होंसिल  
कौरिथ वाखव दैस्यु बावथ करान । स्व छे रुहोनी तजरुबन  
हुंज मूरैच ति गरान तु गृहस्ती हुंद धर्म ति पालान । यिहुंज  
ग्वडनिच वाख सोम्बरन “चंद्र वाख” सपुज 2002 ई. मंज  
छाप तु व्वन्यु छे पनुन्यु दोयिम वाखु सोम्बरन “पञ्जरुक  
नाद” ह्यथ असि ब्रौह कुन आमुच यथ मंज 293 वाख छि ।

वाख लफजुक मूल छु संस्कृत जबोन्हु हंदिस वाक  
शब्दस मंज । येम्युक माने छु वौणी/आवाज, दोप, अँदर्य  
शेछ, बोलनुच इन्द्रेय या सरस्वती वाख गव जैवि द्रामुच  
कथ या वौणी । कथ या वौणी । शारन हंदिस रुपस मंज छु  
वाख अख चु पौद, यथ मंज अमूमन साधनारत शौरि  
पीरु संज सीरु कथ इशारव दैस्यु बावथ छु करान । येलि  
अख वा पीर साधक पनुन व्वंदु वुशनेर न्यबर छटि तु वाख  
छु प्यवान थनु । वाख दैस्यु हेकि कांह सोन व्यचार तजरुब  
औहसास या आभास वखनुनु यिथ ।

गाहे छु वाख वनन वोल् वतुहावुख बैनिथ ट्योठ तु  
मोदुर चेनुनावान । गाहे इन्सोन्हु प्रकरच हंदि खुर्यलद  
व्यवहारुच निशान दिही करान । गाहे रुहोन्हु सफरुक्यन  
मुखतैलिफ पडावन हुंज ज्ञान करुनावान तु गाहे मूलाधार  
प्यठ आज्ञाचैकरस ताम शन चैकरन हुंज शेछ बोजुनोविथ  
सँहस्रसार याने कैलशवौसी मानसरुक राज हंस बैनिथ  
म्वखतु त्रुकनुच कल कडान । गाहे छु सु सूहम् वखनान तु  
हम सूहुक हम त्रौविथ स्व शेछ बोजुनावन तु गाहे लोल  
ल्वलि ललुविथ वुठ सुविथ अँछव दैस्यु हालि दिल बोजुनावान

तु जानानु संजंन छायेन म्वनि तु मीट्य करान । गाहे छु सु  
तन्जिया बावैच दैस्य कावु गौटल्य इन्सान संजि हून्य प्रकैच  
हुंदिस स्वभावस प्यठ प्रहार करान । तु गाहे ब्रौह कुन यिनु  
वौलिस वक्तस मुतलिक पेश गूयी कैरिथ थावान । सु छु  
पानु आसान कुनि मकामस प्यठ वोतमुत । क्याहताम प्राविथुय  
छु अँदरिम बाव न्यबर छटान ।

वाखु क्यन च्वन पदन मंज गछन कैह खसूसियैच  
आसनि । प्रथ पद गछि मात्रायन हुंदिस गंडस मंज आसुन ।  
ग्वडनिकिस तु त्रैयमिस बैयि दोयमिस तु चूरिमिस पदस  
मंज गछि तुक सम आसुन । चूरयुम पद गछि बेहद  
असरदार आसुन । अँथ्य मंज गछि मानि मतलबुच कथ  
गुपिथ आसुन्य ।

वाखुच तेह छे रूहौनी वुशनेरस मंज ग्रकुवनि म्वगुल्य  
चायि समावारुक्य पौट्य छिक् यिनि, येमिच सुगंधी मंज  
ऑलु बादाम तु दारचीनी हुंज तेह छे च्वपौर्य फँहलान,  
अगर क्वंगु तेहजि च्वम्बरु ति आसनस त्रौविमचु तेलि छेनु  
कथुय । यिमय क्वंगु तेहजि छि वाख वनन वौल्य सुंद जौती  
व्वंद वुशनेर । मै छु पूरु विश्वास यथ कथि प्यठ जि प्रथ  
शौयिर हैकि नु वाख वैनित्थ । तिक्याजि यि छु सनुन । ननुन  
तु वनुन । यि नन्यस तु तिय वनि ।

वाखस मुतलिक यिमन लवौज्यमातन हुंज मै कथ  
कैर । बु छुस नु तिमन ज्यादु अँहमियत दिवान । अमा सना  
ललि कथ स्कूलस मंज पेरिथ ऑस तिमन लवौज्यमातन  
हुंज ज्ञान हौसिल कैरमुच ।

यि छे दर असुल अँन्दुर्य वुजिन्य येमि सुत्य



ઇન્સોની વોજૂદ છુ યિવાન સગવુનુ । અથ છે પનુન્યુ ખૂવસરતી,  
મખસૂસ અંદાજે બયાન, જન્વર્દસ કૅશિશ, નકલી વસતવ  
સુત્ય સજાવનુચ છેનુ અથ કાંહ જરુરત ।

ચંદ્રા જી હુંજ દોયિમ વાખુ સોમ્બરન ‘પજ્જરુક નાદ’  
છે તિહંદિ જોંતી રૂહોંની સફરુચ, ભક્તિ બાવુચ તુ દયિ  
લોલુચ અમર્યતુ વુજિન્યુ ।

ગ્વરુ મહિમા, સત્ સંગ, યૂગ અભ્યાસ, યૂગ ક્રિયા,  
ઁન્દુર્ય નૅગરુ, અદ્વયત વોંદી તસ્સવુર, જ્ઞાન તુ વ્યચાર,  
સંસાર તુ માયા, કર્મ સાધના, જાગ્રત, સોપુન તુ સશફતી  
બ્રહ્મ વ્યચાર, માધુર્ય ભક્તી તુ મુકમલ આત્મ સમર્પણ છુ  
યિમન વાખન હુંદ તવજહ તલબ મોજૂ । બુ કરુ યે ખોંલી ત્રે  
મિસાલુ પેશ:

સોમ ખાર, સોમ ત્રાવ, સોમુય સોમ્બરાવ ।

સોમ લાગ, સોમ વુછ, સોમુય સાર ॥

સોમુય જોંનિથ ઓમુચ તાર પ્રાવ ।

સુમ દિથ દિયિયો ભવુસરુ તાર ॥

મનુ આસનસ ચુય પમ્પોશ વથુરાવ ।

શંખ નાદુ સુતી લાયુસ નાદ ॥

સૂહમુ શબ્દય ઉદગીત બોજુ નાવ ।

શાંત લય ગેછિથુય સપદખ શાદ ॥

મનુચન તારન ગંડ કર પાનો ।

ખારૂંખ વારુ વારુ સ્વર્ગુક સાજ ॥

કનવ બૂજિથ મનુ થાવ ધ્યાનો ।

સૂહમ હમસૂ, બોજ આવાજ ॥

चंद्रा जियि हंजु द्वनवय सोम्बरनु पॅरिथ वोतुस बु  
यथ नतीजस प्यठ जि पॅत्य्म्यन द्वन वॅरययन हंदि मुसलसल  
अभ्यासु सुत्पु छु यिहंजि वाख वनुनुचि सलौह्ययैच मंज  
कॉफी निखार आमुत । यथ वाखु सोम्बरनि मंज छि तिहंदि  
रुहौन्य सफरुक तु सोंचि फिक्रुक तु आध्यात्म क्रियायि तु  
लोलु वुशनेरुक्य कॅह अहम पहलू गौशिरावनु आमुत्पु, चंद्रा  
जी छेनु वाख गरान या लेखान बॅल्यकि छे स्व साधानायि  
हंजु वथ रॅटिथ कदम ब कदम ब्रौह पकान । पावि पावि  
ह्योर खसान । रसु रसु मदु वॅसिथ नूरु ज़ुचव सुत्पु व्वन्द  
गौशिरावान । जौनिथ तु प्रजनिथ छे स्वकुनि कुनि कांह कथ  
लफज़, याद वॅनिस तल अनान तु वाख छु प्यवान थन ।  
वुछतव किथु पौट्यः

मनुचे जैवि सुत्पु पर सूहम् सू ।  
हम त्रौविथ यैति रोजि सूसू ॥  
दम दिथ नोन नेरि पानय हमसू ।  
हमु कुय गलि खम छुय सू सू ॥  
खम त्राव दम दू बोज़ख च़ु सूहम् ।  
ऊँ रठ शम दू डखि छुय थम ॥  
यमु थरु गॅलिथुय च़ली च़े क्रम क्रम ।  
नम तस निश छुय सोरुय सम ॥  
दूरनो बॅसिथुय छुय मंज पानस ।  
मृग नाभि मंज बाग नाफ़ु यिथु छुय ॥  
छांडान हरनुय सौर्यसुय जहानस ।  
मंज लब पानस गछ़तस लय ॥

मे छे व्वमेद जि पञ्जरुक नाद पॅरिथ बासि त्वहि जि  
चंद्रा जी छे नु अख साधारण भॅक्तिन्न् ओँच बॅल्युकि छे अख  
अभ्यासरत शौयिराह (कवियत्री) ति। यिहुंज लफज़ चौर,  
इस्तिआरु, महावरु तु कहावॅच, मुर्चु गॅरथ, मिज़ाज़ लॅहजि  
तु शब्दु व्यवहार छि प्रथ परन वॉलिस मुतॉसिर करान।

शौयिर छु पनुनी सलॉहयॅच सुत्पु तोसु पचि प्यठ  
तिलु छावय करान। सु किथु छु मुर्चु गरान, यि ज़ानि सुय  
युस अँन्दरु बुक यिथ बेजान शिलु गॅर्य गॅर्य गिलि हन्धु  
पॉठ्य बोलुनावान छु। सु छु दर असल कौर्यगरन हुंद  
कौर्यगर।

शौयिर छु पनुनिस प्रथ शारस मंज जुवान तु प्रथ  
गरतस ल्वलुमतु लाय करान। अख मुकमल शार छु तॅहुँदि  
दिलुक सकून बॅनिथ तस ह्यॉती हुंद जाम नोश करनावान  
तु परनवॉलिस आनन्द सॅदरस नखु अँनिथ तस जीव  
अमूर्यथ चनुच दावत दिवान:

योद प्रथ दोहॅ वोन दिख जानानस।

ऑनस ज़ांह नो लगी चॅ खय।।

भयि रोस बेहख मनु ज़ाँपानस।

दानस ल्वति सॅन्दराव अँन्दरय।।

चंद्रा जी ति छे जानानस मुसलसलु वॅन्न् दिथ  
हृदयुक ऑनु नॉपनावान तु ऑनु ज़ाँपानस गछ कॅरिथ ईशर  
मायि ल्वलि ललुनावान तु अँन्दुर्य अँन्दरी बाल तु कोह  
छॅन्डिथ र्वपुवनुक बहार छावान।

बॅरनायी जोम

डाक्टर भूषण लाल कौल

(ड़ी लिट)



# ग्वरु कृपा

ग्वरु कृपायि वरॉय छुनु सोन ज़न्म स्वफल गछुन मुमकिनुय । दपान छिना जि “गुरु बिना गत नहीं” याने ग्वरु सुंदि वरॉय छेनु साधकस कांह गेंती मेलान । यि छे सेजय कथ जि येलि नु वतुहावुखुय दयायि प्यठ आसि । शष या भेक्त्य क्याह करि अँन्य् खलि । कोत पकि ? नारस दिया नरि । ग्वर छु पँजिस भेक्तिस अथस थफ कँरिथ सेजि वति पकनावान । अथु रँट्य रँट्य ज्ञानु मंत्र परुनावान । तवय वोन शॉयिरनः

ग्वर छु अंधकारस मंज गाशी गाश ।

ग्वर छु नज़ुरन सान्यून कडवुन वाश ॥

मोहँ नेन्द्रायि ‘सॉयिलो’ ग्वर छु वुजुवान ।

ग्वरु वंदुयो चरणु कमलन बु टोंट्य प्राण ॥

मगर पोज़ साधक बननु खोंतरु छे तैमिस पनुनि इंद्रेयि म्वछि मंज रटनि प्यवान । तस छु विषयन हँट्यग्रंडम द्युन प्यवान । तस छु संसॉर्य बैन्दिशव तु बन्धनव निशि म्वकृजार प्रावुन प्यवान । पनुन्य् अर्मान तु तमाह छिस कापि अनुन्य् तु मारुन्य प्यवान । ब्रॉच छस कासनि प्यवान । म्वखसर छु तस पनुन पान ग्वरुसुय पूरि पूर हवालु करुन प्यवान । पतु छु अदु ग्वर ति अँहँद्यन् अंतःकरणन सनान । अँहंजि क्रेयायि तु अँहंधन कर्मन म्वलुवन तु मूलु आँकवन करान । येलि तस अँमिस अंदर पोज़ तु शोद भक्तिबाव द्रेंठ यिवान छु तु पतु छु ओहंद ज़न्म रथि खारनु खोंतरु अँमिस

ગ્વરુ શબ્દ દિવાન । પોજ પાત્ર જોનિથ છુ તસ સતુક વ્વપદીશ  
દિવાન । ઍહંદિસ જજવસ ધ્યાનસ । કર્મસ છુ ઍમિસ પનુનિ  
કેહવચિ ઝોરિથ પરખાવાન તુ રંગુ રંગુ પરીક્ષાયિ કરાન ।  
યેલિ તસ પૂરુ વિશ્વાસ છુ ગછાન જિ ભેત્ત્ય હા છુ ધનુ પનુ  
મ્યાનિ હાવિમચ વતિ પ્યઠ પકાન । સુ છુ તસ અદુ પનુન્ય  
કૃપા કરાન ।

“પજરુક નાદ” નાવુચ વાખુ ગોંધહન છે શ્રીમતી ચંદ્રા  
ડાસી જી હંજ દોયિમ વાખુ સોમ્બરન । ચંદ્રા ડાસી જી હંજ  
ગ્વડનિચ વાખુ સોમ્બરન છે “ચંદ્ર વાખ” નાવુ બ્રોટુય બાજર  
પેમુચ । ચંદ્રા જી છે જ્યનુ પ્યઠય ગ્વરુ ચરણન હંજિ ભેત્તી  
વેંજમુચ । અથ છુ ઍહંદ મોલિન્યુ વાતાવર્ણ સ્યટુહસ હદસ  
તામ કોંબલિ જિક્ર । યિહંદિસ ગરસ મંજ છુ સાદન, સંતન તુ  
મહાત્માહન હંદ યુન ગછુન ગ્વડ પ્યઠય પક્વુન રુદમુત । દપાન  
સ્વામી હરે કૃષ્ણ તિ ઍસ્યુ યિહંદિસ ગરસ મંજ વારયાહસ  
કાલસ રોજાન । અદુ ચંદ્રા જી હંધ્ સંસ્કાર વુછિથ બડેયિ  
તિમન તિ ઍહંજિ યિછિ ભેત્તી કિન્યુ ઍહંજ પ્રુતી । ચંદ્રા જી છ  
તિમનુય પનુન ગુરુ તિ માનાન તુ ભગવાન તિ । સ્વ છે યેમિ  
કિતાબિ હંદ ગ્વડન્યુકુય વાખ યિથુ કેન્યુ વનાન :

દીક્ષા ગ્વરુ સંજ મનિ ગેન્યુરોવુમ ।

સેન્યુરોવુમ સ્વય ગેયિ પ્રજુલાન ॥

રચિ રચે યેલિ મેં રુમુનોવુમ ।

બુમિ પ્રોવુમ પ્રકાશુચ કાન ॥

તુ સુતી છે યે બાવથ તિ કરાન :

ધ્યાનુ ધારનાયિ સુત્ય મનુ ગ્વફિ છોંડુમ ।

નોન દ્રાવ જન કાચુ જૂન નૂરુ પાન ॥

मनु अँछिवय सुत्प वारु प्रज़नोवुम ।  
सत् ग्वरु रूपु वुछमय भगवान् ।।

याने स्व छे दपान जि गुरु महाराज रुद्ध मे व्यपदीश  
दिवान तु सुय ग्वरु मंत्र या ग्वरु शब्द गँन्यूरोव तु सँन्यूरोव  
मे पानस अदु तमिकी वरकतु लोब मे ज्ञानु प्रकाश ।

दपान छेना ललद्यद “येम्यू योत कँर्य कल तु कँहर,  
सु तथ शहर वॉलिथ प्यव ।” लल्लेश्वरी कँरना पनुनिस ग्वरस  
स्यदमॉलिस येछि पछि पूजा तु प्रोवुन परमस्थान । नतु ओसा  
यि सम्भव जि नोट फुटि तु पोन्पू रोजि फेकिस प्यठय  
इस्तादु! अँमिय चमत्कारन कोर अँहँदिस बरथाहस सोरुय  
शक दूर । स्व येलि वुछिन खावि प्यठ वेथि अपोर तरान । या  
सँहस प्यठ सवार सपदिथ हँर्यश्वर द्वोहदिश गछान । पतु  
चौप्पू तँम्य हँच्यु मगर ललि ऑस्यु संसौर्य जामन चाख  
दित्पुमुत्प । स्व ऑस शिवस सुत्प मीलित्थ गॉमुच । तस ऑस  
वाक सेब्डी प्राप्त सपुजमुच । येलि तँम्य नुन्दु र्योश अकिय  
वनुनु द्वद चोव । अथ प्यठ वोन चंद्रा जियि:

ह्यस कर ह्यस थव युथनु ह्यसुवय डलख ।

व्यसरिथ डैलिथ गलिय शीन ज़न पान ।।

सुमरणि सुत्प लेम्बि पम्पोशी फ्वलख ।

तैरिथ भवुसरु गछख लबख न्यर्वान ।।

युस आत्म स्वरूप ब्रह्म सोरूपस सुत्प मिलुनावान  
छु, तस छुनु तस दयस तु पानस मंज रछ ति ब्यन रोज़ान ।  
तस ति छे वाक सेब्डी सपदान । यिथु कँन्यू र्वपु देदि हँदि  
वनुनु खिरु दीकचस तोरुच ग्रख लँज तु मंद वुद्धी हश गँयि  
हॉरान तु परेशान यि चमत्कार वुछिथ । अमि रहस्युक

अनुभव कैरिथ छे चंद्रा जी वनानः

यौद कल गनिलय स्व पलसुय सनिय ।

नारु तावय दज्ञान हृदयुक स्थान ।

क्षण मात्रस वैरी बैद्य बासौनी ।।

मनु आसनस बनान परमस्थान ।।

क्रय करन वौल्य् छिनु ज़ुहय ति हावु बावस पतु  
रुद्धमुल्य् । तिमव छे गुप्त रुजिथ क्रक नादु तु चिकुनादु  
वरौय पनुन जन्म रथि खारनुच अछेन्य् साधना कैरमुच ।  
दपान पांडवन हंज मोज ओस वून्त्य् पोरु प्यठु दोहदिश  
मलंग पोर वुडुर प्यठ बनेमुतिस पांडव मंदरस मंज पूजा  
करनि गछान । अमा पोज वेथि ओसनु कांह कंदुल । मगर  
धर्म तु कर्म बलु ओस स्व पानि पेट्य तरान तु पनुन्य्  
साधना करान । दपान अकि दोह वोन तैमिस पनुन्यव  
व्यसव तु दौसियव वेतरि जि - चु क्याजि छख नु रौनी  
ओसिथ गैहनु तु स्वनु वस लागान । दपान तमि कैर  
असनैहना तु दोपनख अँनिव कानिव्य् कैर्य तु तिमय लागु  
बु । हुकुम सपुद तु कानिव्य् कैर्य सपुद्य पेश । तमि लौग्य्  
तु दोपनख वैलिव मै सुत्य् तु द्रायि वेथि गाठस प्यठ । युथुय  
तमि पौनिस प्यठ पोद त्रौव, स्व हैचुन फटुन्य् । सुत्य्  
वाजन्यव मोर पान तु कौरहस ज़ारु पारु । तमि कैड्य यिम  
कैर्य न्यवर तु तैर पानि पेट्य । यिथु कून्त्य् होवुन यिमन  
जि माया तु हावुबाव कोताह खराब छु आसान । यिम  
ओस्य् तोति कानिविय कैर्य । अदु छेनु खबरुय स्वनु, र्वपु  
सुत्य् क्याह बनिहे । चंद्रा जी ति छे मायायि तु विषयन वश  
करनुकि हक यिथु कैन्त्य् वनानः



सथ ग्वरन वथ मे हौवुम ।  
 प्रथ मे कोडुम कामुसुय ॥  
 सुवु शामय याद थोवुम ॥  
 लथ लौयिथ आरामुसुय ॥  
 (या)

नम रुजिथ शम कोरुम ।  
 खाम गोलुम पानुसुय ॥  
 दम रँटिथ सम वुछुम ।  
 सौरिसुय ननि वानुसुय ॥

बहरहाल छै चंद्रा जी वारयाह कॅह न्यमॅच दिवान,  
 बावु बावथ करान, जन्म रथि खारनुक्य वतु पॅद्य बदि कॅडिथ  
 परनवौल्यून तु साधुकन खौतरु व्यछनान । मे छु बासान मज्ज  
 छु यिम सौरी वाख तनु मनु परनस तु यिमन सनुनस मंजुय ।  
 जान रोजि जि यिहुंज यिमु सोम्बरनि यिन वारु पौट्य परनु  
 तु मनस गॅन्य्रावनु । अदु द्यवु लारि कॅह । यिथु पौट्य करु  
 अंदस प्यठ बु युहुंद यि वाख दर्ज येमि सुत्पु म्यौनिस दिलस  
 प्यठ स्यठाह प्रभाव प्यव । दय थॅविन चंद्रा जियि ओरजुव तु  
 स्व पृकृथ रुजिनस वथ हावान । वाख छु:-

चुय सुमरण, चुय तन तन धन ।  
 चुय रोटमख न्यथु नोन मंजु मन ॥  
 शांत गॅयि विषय विकार छन छन ।  
 सूहम बूजिथ गॅयस कुंदन ॥

जेठ ऑठम पृथ्वी नाथ कौल 'सायिल'  
 जून पछ 2062 बि. पटोली - जोम ।  
 जून 2005 ई.

## श्वब प्रेरणा

ऊँ जय हरे कृष्णाय ! दपान छि संत तु यूगी छि तमी चंदन कुलिक्य् पौट्य आसान यिहुंद स्वभाव प्रथ काँसि प्रेयान तु ख्वश करान छु । यथ ज़न ज़हरीलु सरफ ज़हरुकि तावु दैज़िथ नालु मति रटान छि तु पनुन दोदमुत वदन छि शैहलावान । अदु चंदन कुल छु पनुन्य् शैहलथ तु शैहजार दिथ तिमन हुंज़ तैपिश होमरावान । मगर तस छुनु तिहुंद ज़हर कांह असर करान । वनुन छुम तिथी संत औस्य् स्वामी हरे कृष्णा जी म्यौन्य् गुरु महाराज । अदु तिहुंजी प्रेरणायि, हँख्य् हँख्य् तु मठि मठि दिनु सुत्य् बड्यव मे होसलु दयि नाव स्वरनुक तु दयि बैखती हुंज़ि वति पकनुक । यि कैँछा ति बु वुन्य्क्यन छस यि छु केवल तिहुंदुय अनुग्रेह । बु कति अनु स्वज्यव तु तिम शब्द युथ बु तिहुंज़ शुक्रगुजौरी कैरिथ ह्यक । म्योन छुख जय जयकार ! तु मे रुजिन तिहुंज़ श्वब प्रेरणा अन्तु समयस ताम पथ प्रदर्शन तु रहबरी करान । स्वय छम बैड यछ तु गुरु महाराज कैरिनम पूरु ।

वाख वनुनुक या व्यनथ करनुक वाश दिनु वोल् छु मे क्याहताम वनुनावान मे छेनु पानस किंहीं ति खबर । यिम म्यौन्य् वाख सोम्बरिथ तु छापिथ त्वहि ताम वातुनावनुच प्रेरणा छे मे पनुन्यन रुत यछन वाल्यन हुंज़ुय । यिमन मंज़ सरस छि म्यौन्य् पति देव श्री राजनाथ डासी । यिम पनुनि मर्जी तु शोक छि यिमु किताबु छापनावनुच कौम वुछान तु

इन्तिजामात करान वेयि पाँसु टूंक छि खर्चान । तिहंज  
आभोरी तु तिहुंद शुक्रानु करुन छुम ग्वड्युक फर्ज ।

बु छस प्रो. भूषण लाल कौल सौबुन दिली शुक्रानु  
करनस मंज फख महसूस करान यिमव म्योन्यु यि वाखु  
सोम्बरन पॅर तु पनुन्यु तासुरात मे दित्यु तु म्योन होसलु  
बडोव ।

श्री पृथ्वी नाथ कौल 'सायिल' सौबुन शुक्रियि करनु  
वरोंय बेहमनु तिक्याजि तिमव करि येमि किताबि हंज  
द्वशवय लिपियि श्वद तु तेलि हेच यि किताब छापनु यिथ ।  
तिहुंद्य होसलु दिनु वॉल्यु तासुरात ति छि म्यानि खोतरु  
म्वलुल्यु । तिम छि यिछन काम्यन मंज यस बु तस अथु रोट  
करान । तिम छि पानु नामावार तु श्वहरत याफतु भेक्ती  
कवि ति तु तौलीमी मोहिर ति ।

बु छस तिमन सारिनुय हुंद शुक्रानु करुन फर्ज  
जानान यिमव स्वखने कदमे मे यथ कामि मंज हमददी हुंद  
सोबूत द्युत यिमन मंज कम्प्यूटर टेकनिशन श्री रिंकू कौल  
ति शौमिल छि ।

आखरस प्यठ छे मे पूरु आश जि परन वॉल्यु दिन  
म्यान्यन व्यचारन दाद तु पनुन्यु नेक मशवरु ति सोजन मे ।

शुक्रिया ।

- चंद्रा डासी





## हरे कृष्ण!

1.

ब्रह्मा, विष्णु, रुद्र, ग्वर मोनुम ।  
सोरुय ब्रह्मांड ज़ोनुम सुय ॥  
प्रथ अँकिसुय मंज सुय प्रज़नोवुम ।  
प्रॉवुम शाँती तु लोबमो सुय ॥

2.

परुणुय प्यथ बुय शरणुय छस च़ेय ।  
दरुनुय शीतल ध्यानुय चोन ॥  
नोन नेरान बावुय स्वरुनय च़ुय ।  
करुनुय नु केंह यस साया चोन ॥

3.

असुवुन रूप चोन बसुवुन हृदयस ।  
खसुवुन ह्योर ह्योर तमि ध्यानु सृत् ॥  
सॉरुय कृपा चॉन् ॥ आसी अदु यस ।  
पानस सृती सु तारान कृत् ॥

4.

सतु संगय सृत्स् शोद पान थोवुम ।  
मनु मंजुलिस मंज सोवुम सुय ॥  
ग्वरु शब्दय सृत्स् मन शोमरोवुम ।  
प्रजनोवुम तय गॅजमो दुय ॥

5.

कॉचाह दया चै दातो कॅरथम ।  
बोरथम हृदयस मंज मेय बाव ॥  
पनुनुय नावुय पानय पोरथम ।  
अडु छॉविस येति ओनथम छाव ॥

6.

पानय शिव छुख पूजुनु यिवान ।  
पानय पूजान पानय पोशा ॥  
सिरियस चॅन्द्रस जुचु बॉगरावान ।  
पानय दिवान तोरुक होश ॥

7.

ध्यान स्वरुनुय नाव परुनुय ।  
 भवुसरय तरुनुय चै छुय ॥  
 कर्म तैस्य् अर्पण चै करुनुय ।  
 अवु जिंदय मरुनुय चै छुय ॥

8.

हा म्यानि मूर्खा मनु ।  
 चय कोनु छुख चेनान ॥  
 नशवर यि संसार सौरुय छुय ।  
 चय कोनु छुख मानान ॥

9.

ओमुय पोरुम, ओमुय सोरुम ।  
 गोरुम ओमुय व्वंदुसुय मंज ॥  
 यछायि दोबरिथ तृषण मौरुम ।  
 कोरुम गतु गुं शहसुय मंज ॥

10.

मनुय दागव बॅरिथ वुछुम ।  
 हैछिम बॅक्ती तु छुम सुय ॥  
 पॉन्य् पानय पानस तौछुम ।  
 सु छुम प्रज़लान पानुसुय ॥

11.

दय छुय नु मेलान अथु बुथ छलुनय ।  
 न छु मेलान वलुनय अँतलास ॥  
 दय छुय मेलान मनि मल गालुनय ।  
 फवलुनय पोश कर विषय व्वपुवास ॥

12.

न छु मेलान दय डुमु डुमु करुनय ।  
 न छम छम कॅरिथ नचुनय सुत्य् ॥  
 दय छुय मेलान मंज़ मनि बेहनय ।  
 व्रॅचुनुय शोमरॉविथ मील्य् कृत्य् ॥



13.

बार छुय नु शानन यिय आस मानन ।  
 कर अर्पण तस पान पुशाराव ॥  
 विज्ञानुक ज्ञान बरिय चै बानन ।  
 लोत रोज़ख म्वकली हावु बाव ॥

14.

यिय करख तस अर्पण कर च़ुय ।  
 ब्योन रूजिथ कर सोर व्यवहार ॥  
 करुवुनि क्रेयायि रोज़ी नु अदु बुय ।  
 शम दम दिथ लोत गछ़ियो बार ॥

15.

क्याह करु वनु कस गोमुत क्याह छुम ।  
 वनुनस थोवनम न वार मदनन ॥  
 दौर ना छुय यि संसार वुछुम ।  
 गछ़ान छु येति समहार बदनन ॥

16.

अँन्दरी यमु भयि सेंदुरय गँयम ।  
 नेन्दुरय गँजिम तु लँजिम थर ॥  
 आसान शूरमस छँन्दरी छँन्दरी ।  
 ब्रह्म रँन्दरी मंजु वुछुम सथ ग्वर ॥

17.

पानो मतु आसतु वन वन करान ।  
 हॉरिथ वँन्य् वँन्य् सॉरी गँय ॥  
 छ्वपु कर पानो र्वपु सुंज छ्वप छय ।  
 दय अदु गछियो पानय दँय ॥

18.

पारस बनान ज़पु चाने सुत्य् ।  
 कुदंन ज़न चमकान सुमरनि सुत्य् ॥  
 नज़र साफ गछान मन तावुनु सुत्य् ।  
 यिथय पॉठ्य तँस्य् मीलिथ गँयि कुत्य् ॥

19.

योदवय बोज पनुनि ह्यख चय सामय।  
कामय ज़ांह नो करी चे पथ ॥  
मूहस क्रूधस लूभस दिख दामय ।  
प्यालन बरी पानु लोलु अमर्यथ ॥

20.

पोज पानु ऑसिथ अपजिस च लारान।  
तगियेय कड़ अपजि मंजु पोज गाश ॥  
अपजिस मंज रचि रचि छुय नेरान ।  
कमि तान्य् सत् सिरियुक प्रकाश ॥

21.

सथ सुमरिथ चय कथ कर जीवो ।  
मेछर व्वपदी जे वि पानय ॥  
मिलुचारु चानि सुत्य् ख्वश गछि शिवो।  
विष्णार्पन क्रैया गछि जानुय ॥

22.

आगस प्रछ्योम कत्यन बु ज़ागय ।  
कमि ज़ागि सुत्यन मेलुहम च़ुय ॥  
दोपनम बावु पोश लाग अनुरागय ।  
अमि लागि च़ेय निश यिमु पानय बुय॥

23.

विषयय मॉरिथ राजकर मनुसुय ।  
बाज नो अदु शैथरुय हैयि कांह ॥  
लबुहन अती युस बॅसिथ मंज़ तनुसुय।  
ज़गतुक राज़य शहनशाह ॥

24.

दूर नो बॅसिथुय छुय मंज़ पानस ।  
मृगु नाभि मंज़बाग नाफु यिथु छुय ॥  
छांडान हरुनय सॉर्यसुय जहानस ।  
मंज़ लब पानस गछ़तस लय ॥



25.

बंदुगी येलि येलि साहिबस करान ।  
पानय छय अँछ बंद चै गछान ॥  
सौबूत अंदुरय आसनुक य्वहय छुय ।  
तैलि तैलि तस बंदुगी वातान ॥

26.

पानय पुज तय पानय श्राख ।  
कठ च़ुय पानय पानय ग्राख ॥  
पानय नारस प्यठ दिवान पाख ।  
शिव छुय पानय कांह नो ब्याख ॥

27.

वावुचन दावन राम म्वखतु तारुनाव ।  
खसु वसि वारु वारु गछि जानय ॥  
मनुचे ग्वफि मंज़ ध्यानय दारुनाव ।  
सास गाह पछि नोन नेरि पानय ॥

28.

क्वट्यलतायि हुंद मल मे जॉलिथ ।  
 म्वल मे खारुम ज़रु ज़रय ॥  
 श्वद हृदय म्योन वुछिथ तंबुलख ।  
 यिथ बनख सोदागरय ॥

29.

रुमव रुमव ऊँ ऊँ पोरुम ।  
 प्रज़लिथ श्यर मन सपटुन शाद ॥  
 इन्द्रैय चूरन रुमु गंड कोरुम ।  
 मारुख पानय करुम आज़ाद ॥

30.

सुमरने मंज़ चानि रोज़य ।  
 गँछिथ लीन मॉरिथ विषय ॥  
 दोरि लॉरिथ यिख च़ु पानय ।  
 वुछख पानस मेय निशो ॥

31.

मनि खाक तनि अँतलास वल ज़ीवो ।  
मन व्वटि यियियो अदु पानय ॥  
प्रथ काँसि बावु मनु सान कर सीवो ।  
लबुखो मनि ग्वफि जानानय ॥

32.

हा मनु रठ रज़ चन्य्चलताये ।  
माये स्वरुन सुय आदन यार ॥  
ज़ाग लाग मोकर कांह पल ज़ाये ।  
साये थविय युस छु पानु म्वखतार ॥

33.

कैंह नो यस निश तस सोरुय छुय ।  
सुय लोरुय छुय तत् संगस ॥  
द्वयव खोरव ह्यून मोरुय छुय ।  
नैंदुर नंगस छय प्यठ प्रंगस ॥

34.

लोलु नज़रे चानि न्यरलीफ कॅरनस ।  
 शाफ पाप ऑब गॉब गॅयि पानय ॥  
 सायस रूज़िथ ब्रोंह पकुनॉवथस ।  
 सास सिरियि नोन द्राख तीज़वानय ॥

35.

कनुवुय बूज़िथ मनि मंज़ सॅन्य्राव ।  
 गॅन्य्राव लोल यथनु पैठ्य कांह छुय ॥  
 चिहि पतु चिहि पापु परदय तॅन्य्राव ।  
 बॅन्य्राव परमु हंसन हुंद सुय ॥

36.

सथ ग्वरो बस छम चॉनी आशा ।  
 बाशा करुवुन्य् नैशब्बद छस ॥  
 पेमुच ज़न छस प्रानु रोस लाशा ।  
 गाशा अनुम दस बस्तु बुय छस ॥

37.

प्रथ क्षण आगुर च आसान ग्रजान ।  
दजान हावान नार संसार ॥  
आँथु रोस वनान छी येति बोजवान ।  
प्रजवान रोज पोज लोलु दर्बार ॥

38.

लोल छुय सत् च्यथ लोलुय अमर्यथ ।  
प्रथ कुनि ग्रंथुक छुय लोल सार ॥  
लोल रोस ज्ञानी ति गछान भ्रमित ।  
लोलुक सग छुय अशिची दार ॥

39.

सीवायि शरणागेंती छय मेलान ।  
गेंछिथुय शरण सुय कृपा करान ॥  
कृपा मायायि पर्दय तुलान ।  
सर्वग्य गव लूक छुय मेलान ॥



40.

उद्धव ओसुय लोल रोस ज्ञानवान ।  
गूकल सूजुन प्रावि अदु लोल ॥  
नत मस्तक रूदुय सुय बोज़वान ।  
वुछुन गूपियन हुंद हृदय कृष्ण ओल ॥

41.

अँदरी पादन हुंद ध्यान दारान ।  
छारान छारान वुछमख पूर ॥  
दिचथम अँछ यिमु आसम थारान ।  
वुछमख सास भास्कर कुय नूर ॥

42.

ज्ञानस थोद नो श्रोचरावी कांह ।  
ग्वरु ध्यानस थोद नु बैयि कांह ध्यान ॥  
समतायि यूग ज्ञानियस छुय व्वपदान ।  
पानय समयस प्यठ आत्म ज्ञान ॥

43.

अभ्यासु किन्त् मनुसुय मंजु गोरुय ।  
 मौरुम मनुची इन्द्रेय आशा ।  
 तीलु दार ज़न मन अखंड लोगुम ।  
 प्रोवुम ग्वरु रुपु परमु प्रकाश ॥

44.

आशा तृशणा सौरुय त्रौवुम ।  
 प्रोवुम मनु इन्द्रेय व्वपुवास ॥  
 सथ ग्वरु चरणन तल पान त्रौवुम ।  
 नोन द्राव पानय भास्कर सास ॥

45.

भय त्रौविथ अन्तःमन शांत गोम ।  
 ब्रांत गौयि गौब तय चँजमो खय ॥  
 नय वँज पानय छय वनान ऊँ ऊँ ।  
 चोमो परमु दामुक लोलु मय ॥

46.

गर्मस सर्दस मंज ह्युव रोजी ।  
ह्युवुय रोजि मान अपमानस मंज ॥  
स्वखु द्वखुसुय मंज समता थावी ।  
प्रावि परमु आनंद पानस मंज ॥

47.

हा पानु अपजिस मंज छालु मारान ।  
रूदुख पँजिस निश अवय च्चु दूर ॥  
अपजिस मंजुय रोजतो छारान ।  
सतुक प्रकाश पोज नेरि बरपूर ॥

48.

कथ कर सतुची सथ सुमरण कर ।  
पथ मो रोज अखंडु पौठ्य स्वर ॥  
वथ लबख पनुनिस मतस मो थर कर ।  
प्रथ तनुसुय मंज वुछख सथ ग्वर ॥

49.

कुनुय परतो कुनुय स्वर तो ।  
कुनुय वुछख सारयुक सार ॥  
कुनुय आसुवुन छुय अनन्तो ।  
कुनुय दिवान भवुसरु तार ॥

50.

सथ ग्वर मनु मंजुलिस मंजु सोवुम ।  
वावु दावव सुत्य् दिचमस ज़ीर ॥  
सूहम शब्दय उध गीत गोवुम ।  
नोवुम मन तय बोवनम सीर ॥

51.

साहिबो ज़ीर दिनुसुय बुय लगुयो ।  
सगुयो दीक्षशा लोलु अशि बुय ॥  
कल्पु वृक्षिच पापन लागि छगयो ।  
म्यूठुय फल नेरि ख्यावथो च़ुय ॥

52.

साहिबन दोपनम कोताह परख ।  
 रठ कीवल अख दयि सुंद नाव ॥  
 अन्तु रौस सँदरस किथु पॉठ्य तरख ।  
 दम द्यू नोन नेरि सूहम बाव ॥

53.

क्याह जलवु छु तत्त मॉर्यफतस ।  
 सतस असतस बसुवुन सुय ॥  
 बैयि दज़ुवनिस आदुम्य् रतस ।  
 हतस मॉरिथ न्यरलीफ सुय ॥

54.

साहिबो लगुयो चॉनिस नावस ।  
 वावस अथि कॅन्य् शेछ सोज़ान ॥  
 जन्मादिकन हुंदिस गालान लावस ।  
 सहँज़ु स्वबावस पानु बोज़ान ॥



55.

शरणुय च़ेय छस पुशरिथ सोरुय ।  
 मोरुय ज़न ओवरस छस नच़ान ॥  
 शाफ गॉलिथ त्रोवुथ यलु तोरुय ।  
 पोरुय खॉरिथ च़ु पानु पच़ान ॥

56.

विषयन पतु पतु वॉन्स रावुरॉवुम ।  
 हावु बावन येति थॉनम नु ज़ान ॥  
 सुमरणि ज़ानस शानु नोमरॉविम ।  
 प्रोवुम आनंद रथि खोत पान ॥

57.

युस ओश खारी आयस्थानस ।  
 जानानस गोड दियि अँदरय ॥  
 पम्पोश फ़वलुनस सैकि मॉदानस ।  
 पानस मंज ड़ेंशी स्वंदरय ॥

58.

माया ज़ीवन नचुनावान छय ।  
 सुत्य् रोज़ान छय ज़न छाया ॥  
 काया अपज़ुय पँज बासान छय ।  
 भक्तव यिय गँयि भगवत माया ॥

59.

अंतु रोस समयस दोरान रूदुख ।  
 ब्रोंह दोरुनय सुत्य् दूर्योय सुय ॥  
 पोत फेर पानो थर विषयन कर ।  
 हरु हरु परुनय लबुहन सुय ॥

60.

हा ज़ीवु अहंकारण वोलुनख ।  
 लोसुवुन सिरियि च़ु अँछ ज़ु खोल ॥  
 ज़न्मन फीरिथि च़ु कोताह दोलुनख ।  
 सुलि गरि प्वन्य् पाफ पनुनी तोल ॥

61.

अपजिस दम मारुन छुनु गाटुजार ।  
छुख वनान गरुबार करान बुय ॥  
कुय येलि फुटी अदु पोनिय सार ।  
बुय बुय करुन त्राव सोरुय सुय ॥

62.

ग्वरु सुमरण कर ग्वर छुय दयावान ।  
रथि पान खारी अँछ वँट्यथुय ॥  
कनुनुय सन च़ुय गछ़ियो कनुवान ।  
बोठ खारी योद च़ु छुख फँट्यथुय ॥

63.

लोलु ओश त्रॉविथ वुछुस वतन ।  
हतन मंज़ प्रज़नावुन सुय ॥  
कुनी रंगु छुय रंगन सतन ।  
नच़ुवुनि व्रँच़ शोमरावुख च़ुय ॥

64.

पोंपरिन्त् गथ कर तस जानानस ।  
मनु ज़ाँपानस मंज छु बँसिथुय ॥  
धारणायि प्राण खार आयस्थानस ।  
जहानस निश ह्योर गछख खँसिथुय ॥

65.

व्वछि होत ख्यावुनु तृफती यिवान ।  
अथ मंज ति पनुन तमाह छुय ॥  
सोरुय पुशिरिथि फल रोज दिवान ।  
भँक्त्यन शूभान छे मा दुय ॥

66.

मंज भक्ति बावुकिस लोलस लीन रोज ।  
शीनु माँन्त् मन ईकाग्र गँछिथुय ॥  
पँचिथुय कर्मन मो व्वन्त् दीन रोज ।  
बीन बोज़ान गछख ह्योर खँसिथुय ॥

67.

ग्रजुवुन सागर ग्रजान रोजान ।  
दजान रोजान शाफ तु संताप ॥  
ध्यानय तँम्यसुंद कर्मन बुजान ।  
ज्ञानुक भान गालान मनु ताप ॥

68.

सुमरण गालान जन्मन हुंघ शाफ ।  
त्रे ताफ म्वकलान सीवायि सुत्य् ॥  
ध्यानय तँम्य सुंद मनि त्रावान छाप ।  
माफ सोरुय गछान भावनायि सुत्य् ॥

69.

मन डंजि थॉविथुय प्राण ह्योर ह्योर खार ।  
आत्मस सुत्य् रोज मिलुवान तार ॥  
नखु वसन जन्मादिकन हुंघ पापु बार ।  
वीदन तु शास्त्रन हुंद लबख सार ॥



70.

दय नो दूरि सु छु मनसुय मंज ।  
मनु रुप पानय छुय सथ ग्वर ॥  
नेबरिम्य बंद कर अँदरी अछ अंदर ।  
टाकारु पौठ्य वुछिहन सुय स्वंदर ॥

71.

जेरि जेरे पोश लागुस शेरे ।  
नेरे नोन सुय आदन चार ॥  
नतु योद दुसतिस जहानस ति फेरे ।  
कुनि नो लबि भवसरु कुय तार ॥

72.

सोन थौविथ च़ुय नोन मो हावुन ।  
थावुन च़ूरि यिथु नाफ़ आसान ॥  
लोलु सौदरस मंज ग्वतु द्यावुनावुन ।  
प्रावुन लेम्बि पम्पोशास्थान ॥

73.

वोनमुत कनव च़ेय बूजुथ पानय ।  
जहानय सारिकुय च़ु आसुवुन सार ॥  
टाठ्यन प्यठ रोज़ुवुन दयावानय ।  
कठिने भवुसरु दिवान सुय तार ॥

74.

सोम्बरान सोम्बरान पान मो गोबराव ।  
सोम्बरिथ केंह नो न्युन छुय सृत्त्य् ॥  
लोत रूज़िथ च़ुय यछ़ायि दोबराव ।  
मन गँडिथ तारु तँरिथ गँयि कृत्त्य् ॥

75.

मन लाग तस कुन कन वँटिथ्य थव ।  
धनु त्रेशना त्राव रथि तन खार ॥  
बोज़ख पानय छु आगुर ग्रज़ान ।  
यीरु गौमतिस पानस लगि तार ॥

76.

संसार वृक्षुक फल छुय नशवर ।  
 आसान ट्योठ तय बासान म्यूठ ॥  
 भ्रम सँदरय मंजु नेरुन दुशवार ।  
 छोटरिथ रटुन सुय मव पख ज्यूठ ॥

77.

करनस मंजुय न करुन बासी ।  
 आसी सत्च्यथ स्वरुवुन सुय ॥  
 सोरुय कँरिथ रोजी व्वदोसी ।  
 सन्योसी मालि आसुवुन सु छुय ॥

78.

बेयि सुंदि सुती फ्रठ नो गछ्यस ।  
 नव करि पनुनुय वठ काँसि ज़ांह ॥  
 ज़ठ कासि पनुसुय खसि मनु यँदरस ।  
 जीनिथ गछि सुय शँत्रय काह ॥

79.

कंजे ख्यावान रूदुखा पौरान ।  
अथ नो रोजी खाक तय सूर ॥  
वैषियन थर कर ऊँ रोज़ स्वरान ।  
प्रज़ली काय तय बनख पुर नूर ॥

80.

कतरस मंज़ुय सोदुर छु बँसिथुय ।  
सौरुय काँयनात अँथ्य् मंज़ छय ॥  
ज़ोतुवुन्य् ज़ितिन्त्य् न दोर छु सोरुय ।  
सन अथ दूर गछि सोरुय भय ॥

81.

जीवो तस सृत्य् पज़रुच थव लय ।  
खय गँलिथुय प्रज़ुनावख पान ॥  
रुत्यव कर्मव बनुखो न्यर्भय ।  
लोलु नय वज़ि नेरि अमर्यतु कान ॥

82.

लोलस थोद नो कांह मंत्र छुय ।  
 यन्त्र ति नो वातान लोलुसुय ॥  
 लोलस निश हॉरान तंत्र छुय ।  
 साह्यब बस टोठान लोलुसुय ॥

83.

सथ थाव तॅम्य् सुंज वथ हावि पानय ।  
 कथ मोदुरय कर पेयिय शेहजार ॥  
 मायायि पर्दय पथ त्राव पानय ।  
 लथ लॉयिथ खसख ह्योर संसार ॥

84.

रुत्य् भूग भूगान वॉन्सा गॅयियो ।  
 पैयि यो नेन्द्र चैय व्वन्य् वख वोत ॥  
 त्राव आसकती यि बॅड क्रय छयियो ।  
 लय तस सृत्य् थव विषयन दि द्रोत ॥



85.

ग्वर त्रन दीवन मंजु थोद आसान ।  
जन्मदिकन हंघ कासान भय ॥  
शब्दुय विषयन गंड करुनावान ।  
हावान सारिनुय मंजु छु पानु दय ॥

86.

मनु किन्यु सत् ग्वरुसुय गछ शरणुय ।  
अदु प्रजुनावख पनुनुय पान ॥  
सीवि तँम्यु सुंजि जीव पानय तरुनुय ।  
परुनुय ऊँ गछ मनि रठ प्राण ॥

87.

क्रेँजलि पोन्थु सारान सारान जग मूद ।  
गछान थिम कोत जांह सन्योख नु ओर ॥  
वुनि छय सुल बस दयि नावुय रूद ।  
सुलि गरि सुमरण कर खुलि तोर ॥

88.

ध्यान धारणायि सृत्पु मनु ग्वफि छोंडुम।  
 नोन द्राव ज़न काचु ज़ून नूर पान ॥  
 मनु अँछिवुय सृत्पु वारु प्रज़नोवुम ।  
 सत्ग्वरु रूपु वुछमय भगवान ॥

89.

च्वपॉर्य ड्यूठुम सॉरिसुय अंदर ।  
 प्रज़लान पनुनिस गरुसुय मंज़ ॥  
 म्योन म्योन करुनय फँट्य मंज़ समन्दर।  
 बुय नो केहं सुय सॉरिसुय मंज़ ॥

90.

चीतन ऑसिथ मूड्य मो बन ।  
 सुमरनि सृत्पु मनुसुय सँन्दराव ॥  
 प्राणु चूर रँटिथुय कनुनुय द्यू कन ।  
 ज्ञानु गाहँ पनुनी पान प्रज़लाव ॥

91.

शम द्यू दम द्यू चीतन रूज़िथ ।  
 वेषियन गंड कर तु तरख च़ुय ॥  
 शन हुंदिस सौमियस शौछा सूज़िथ ।  
 शौयव बु मोरुस मारुख च़ुय ॥

92.

लोत खार प्राणुय अपानुय लोत त्राव ।  
 धारणायि ध्यान दार मनि मंज़ थाव ॥  
 मनुकिस यँदरस शब्दुक पन खार ।  
 राज़ु हंस बनख योद च़ु आसख काव ॥

93.

दोह दोह गँछिथुय काल पतु दोर्योम ।  
 बुथि बुजरुय आम छस थारान ॥  
 प्रारान प्रारान ल्वकुचार सौर्योम ।  
 हा पानु शिव शिव गछ़ स्वरान ॥

94.

ग्वण त्रेय छिय ज़ीवस प्रकरच मंज़ ।  
 सथ रज रँटिथ तमो गुण व्वपदान ॥  
 यिथय सत तम रँटिथ गछान रजिसुयमंज़ ।  
 ज़ीवु रज तम रठ सतो गुणस दि प्राण॥

95.

ह्यस कर, ह्यस थव युथनु ह्यसुवय डलख।  
 व्यसरिथ डॅलिथ गली शीन ज़न पान ॥  
 सुमरणि सुत्थ् लेम्बि पम्पोशी फ्वलख।  
 तँरिथ भवुसरु गछ़ख लबख न्यर्वान ॥

96.

हा जानानो वंदुयो बु प्राणो ।  
 कॅन्थ् शेछ वॅनिथम स्यठा म्वलुवान ॥  
 सॅन्थुय स्वय गॅछिथ बॅरिथ आम बानो।  
 प्राणुय ह्योर खोत प्रकाशस्थान ॥

97.

बंद अँछ कँरिथुय प्रकाश वुछिखो ।  
व्वंदु साफुय छय स्यंदुवुजुवान ॥  
ग्रजुन गंगायि हुंद बंद कनव बोजुखो ।  
न्यर द्वंद छिय अंदु वंद बोजुवान ॥

98.

नट बँनिथुय च़ुय आखो ज़ीवो ।  
करने नट रूपुक व्यवहार ॥  
आसी योद रुत क्रुत ज़ान ह्युवो ।  
कर त्युथ युथ लगि भवुसरु तार ॥

99.

सोम खार सोम त्राव सोमुय सोमराव ।  
सोम लाग सोम वुछ सोमुय सार ॥  
सोमुय ज़ॉनिथ ओमवी तार प्राव ।  
सुमु दिथ दिथियो भवुसरु तार ॥



100.

कनुनुय कन दिथ रोज़तो पानो ।  
 ल्वति ल्वति बोज़ख शब्दय सार ॥  
 ध्यानय धारणा थव बोज़ सानो ।  
 मोदरुय वज़ान क्याह स्वर्गच तार ॥

101.

पानस ब्वन कुन नज़रुय थॉविथ ।  
 शांत मन गँछिथुय बडियो बाव ॥  
 कथ ज़ेछरय छुख च़ुय थफ कॅरिथ ।  
 छु वुरुन यूतुय त्यूत ख्वर वहराव ॥

102.

शारदायि हुंद छुय दया रूप चोनुय ।  
 आँथु रोस आसान अमिकुय लोल ॥  
 यूत वर्तावख बडान छु त्यूतुय ।  
 खर्चनु सुत् न्नी छुय गटन वोल ॥

103.

अज्ञानु किन्त् बासान सोरुय म्योनुय ।  
 ज्ञानुक गाह बस पोज़ हावान ॥  
 शास्त्र वनान पॅजिसुय गछि सनुनुय ।  
 पोज़ वुछुनुय गव लबुन भगवान ॥

104.

दय छुय रचि रचि बैसिथुय पानय ।  
 शीनस पोन्त् रंग माँजे जान ॥  
 अभ्यासु किन्त् नोन नेरि जानानय ।  
 ह्युव रूजिथ रठ च्यु मान अपमान ॥

105.

योद कल गनी स्व पलसुय सनी ।  
 नारु तावय दज्ञान हृदयुक स्थान ॥  
 क्षणु मात्रस वैर्ययि बैद्य बासौनी ।  
 मनु आसुनस बनान परमु स्थान ॥

106.

हा सथ ग्वरु हा बडि महाराजो ।  
तावु कोडथम मन मे स्वन चमकान ॥  
ध्यान चोन करान पापन तहराजो ।  
भक्ति प्रकाशि सोरुय ज़ोतान ॥

107.

सुलि कन थोवथम म्यान्थन नादन ।  
लादन बस छम अख मे चॉनी ॥  
दयायि सुत्य् क्षय करवुन अपराधन ।  
नाव चोन भवुसरु तारॉनी ॥

108.

फॅटमुच्र ऑसुस भवसरुसुय मंज़ ।  
लोलुकि ज़ोरु बोठ खॉरथस च़ेय ॥  
गंगु वानि नॉविथ अंतः हॉविथ ।  
कॅन्ड दागव बॅरिथ डींठुम मेय ॥

109.

यकदम दीन सपञ्जस मनुसुय मंज ।  
 कांह वथ न तरनुच न बासेयि मेय ॥  
 नोन नेरि च़ेय नॅन्य् पॉठ्य वोनथम ।  
 कर मनु ध्यान तारथ बु पानु च़ुय ॥

110.

ज़लु मंज़ु नीरज च़ेय फ़ोलुरोवुथ ।  
 दोहु पूर्णिमाये दया कॅरुथ च़ेय ॥  
 त्रन भवनन हुंद सार हैछिनोवुथ ।  
 अड छॉविस छाव औनुथ मेय ॥

111.

तन चॉन्य् ऑसिथ मन चोनुय छम ।  
 अन्न सोरुय चोनुय छुम धन ॥  
 कन दिथ कनन सनुन चोनुय छुम ।  
 छन छन बोज़ कर गंटायि ठन ॥

112.

यावुन ज़ोलमुत ओसुम कामन ।  
 क्रूधन ति ज़ॉजिमुच ओसुम काय ॥  
 मूहन लूभन ओस वोलमुत दामन ।  
 नोन द्राख भास्कर गॉब गॅयि छाय ॥

113.

नशवर संसारन च़य वोलमुत ।  
 बोज़ ह्यतु कॉम येति पोज़ क्याह छुय ॥  
 यिय रेशव अवतारव वोनमुत ।  
 मनु अँछिवुय वुछ सथ असथुय ॥

114.

मॅन्ज्य् तूशुख मॅन्ज्य् रूशुख पानय ।  
 मॅन्ज्य् हॉविथ गुपुत पनुनुय पान ॥  
 मॅन्ज्य् च़ेय सुमरण दिच़थ क्याह जानुय ।  
 हा ग्वरु वंदुयो पनुनुय प्राण ॥



115.

हा पानु यि केँछा येति मेलान ।  
तैथ्य् मंज संतोषा करुन गव जान ॥  
मव रोज अलांघन थपु दिवान ।  
स्वखु द्वखुसुय मंज ह्युव थव पान ॥

116.

यछ ओसुम बर पूर गनेमुच ।  
दँदु वन ओस बासान सोरुय ॥  
अँदरय ज्ञानुच ज्यूत्याह जॉलिथ ।  
मनु गुर रँटिथ त्रोवुथ तोरुय ॥

117.

कल कल कँरिथुय पल पल मा गोम ।  
छल कँरिथुय मा संसार गोम ॥  
मल कँडिथुय दागव निशि दूर गोम ।  
मनु विषयन चूर प्यथ नूर प्योम ॥

118.

मंदर मस्जिद तीर्थ तु अस्तान ।  
मव छांड पानो अति छुय नु सुय ॥  
पज़ि लोलु मनुकुय बनतो मस्तान ।  
ब्रोंठ कनि वुछिहन छ्वपु कॅरिथुय ॥

119.

सूर मॅलिथुय नूर बॅरिथुय छुख च़ुय ।  
तनि सुहु मुसुलाह वॅलिथुय च़ुय ॥  
खोहवुर्य कनि बेहनावान रनि च़ुय ।  
मनि ग्वफि नोन नेर प्रेनि प्रोन च़ुय ॥

120.

दया रूपस चॉनिस छुय नमस्कार ।  
न छस सुम कुनि न कुनि तार ॥  
यस सॅदरस बोठ खॉरिथि संसार ।  
पान दिथ पनुन ति रोज़ान बे करार ॥

121.

हा जीवु इन्द्रेय मनु रोस छि आसान ।  
मन इन्द्रियव सोस आसान छुय ॥  
जीव याद नेंद्रायि मंजु ति छुय आसान ।  
इन्द्रेय बंद ति मन जागान छुय ॥

122.

ग्वरु दीक्षायि रठ नम च्यथ नावे ।  
नूर डींशिथ त्राव पूर्य दूर दूर ॥  
सतुचे वति पॅकिथ मन अहम् त्रावे ।  
प्रावे परमु आनन्द सु पूरि पूर ॥

123.

मव हाव तस युस नो छुय यछान ।  
कोताह छु बोड सुय तु तॅम्य सुंद बाव ॥  
मूडस वॅन्य वॅन्य कॅन्य पॅत्य गछान ।  
बुज्य बुज्य निवान छुस वर्जुन वाव ॥

124.

गाटुल युस छुय त्रुकुय सु आसान ।  
 बासिय योद मूड सुय ज्ञानुवान ॥  
 अकि अकि ग्वण चारान मंज सासन ।  
 जन्म रथि खँसिथुय लबान न्यर्वान ॥

125.

हरे कृष्ण सत्वरु आगुर च्च म्योनुय ।  
 गागुर च्च लोलुच बँरुथ क्याह जान ॥  
 मनुक सागर वुज्जनोवुथ प्रोनुय ।  
 अकि जेरि कँडथो अमर्यतु कान ॥

126.

मनुचे त्रेशनायि नो अंत आसान ।  
 वुछ वुछ तु बूज्य् बूज्य् बडान छय ॥  
 गंड कर रुमु रजि युथ मन मानि आना ।  
 ज्ञानु व्यचार सुत्य् करतन लय ॥

127.

मनस भूगन हंज आहुती दिवान ।  
 जन्मादि जन्म गँचियो हुमान ॥  
 कम कर हुमुनुय तँम्य् संजुय कनुवान ।  
 अँथ्य् मनुसुय मंज वुछुन भगवान ॥

128.

कन थव सत कथुनुय सथ वरताव ।  
 वथ अथि यिथ वुछिहन पानु सुय ॥  
 सन पूरु मनुकुय नागुय वुजुनाव ।  
 छाय गँलिथुय छुय ननि वानु सुय ॥

129.

सत् ग्वरन वथ मे हॉवुम ।  
 प्रथ मे कोडुम कामुसुय ॥  
 सुबु शामय याद पोवुम ।  
 लथ लॉचिथ आरामुसुय ॥

130.

नाना रूपव वुछमख साहिबो ।  
 कुनुय प्राण सौरिसुय मंज ॥  
 पंच भूतव सुत्य् ख्यवान दाना ।  
 बहाना भवुसरु तारुनुकुय संज ॥

131.

च्युय अँगुन पवन आकाश ।  
 प्रकाश गगन तु भूतल च्युय ॥  
 रज तम सतकुय छुख प्रकाश ।  
 ज्ञानुक गाश मनि वुजनाव च्युय ॥

132.

कोत गछान बब मॉज बांधव सॉरी ।  
 शुन्याहस मीलित्थ शुन्य् सपदान ॥  
 रोज़ुवुन नो येति केंह संसॉरी ।  
 प्राणु चूर रठ पतु लारी नु स्वान ॥



133.

क्रूर कर्मन हुंद गोब बोरुय च़ेय ।  
डखि रूज़िथ नखु वोलुथ सोर ॥  
अदु च़ेय निश वॉच़ुस बावु सानुय ।  
रँछिथस मुच़रुथ भँक्ती तोर ॥

134.

मंगनु निशि रछतम जानानो ।  
जन्मस यिथ बस मोंगुमख च़ुय ॥  
प्राणन मंज़ बाग दोरुम ध्यानो ।  
मरुन जानुय मंगनु निशि छुय ॥

135.

लोलुकि सबकय लगख नो शाठस ।  
गाठस वातख पानय च़ुय ॥  
पम्पोश फ़वलुनय दँद्यमुतिस काठस ।  
पाठस पँज़िस नो छु कांह पाठुय ॥

136.

पानय सिरियुक प्रचंड तापुवान ।  
 सुगंद पृथ्वी हुंद छुख चय ॥  
 औशादियन पूरि पूर बनावान ।  
 रसु रूप चॅन्दम बरुसान चय ॥

137.

कति छांडथ बुय ल्वति ल्वति हावुम ।  
 कति नुय आसान छुय चोन दार ॥  
 मनु मंजलिस ज़ीर दिनुसुय थावुम ।  
 नखु वालुम गोब पापुन बार ॥

138.

हा ज़ीवु मतु रोज़तु प्रथ काँसि मंगान ।  
 नंग रछ नंगन तु सत् संग कर ॥  
 रछी सु पानय मूलन तु लंगन ।  
 मंगुन मंगुन त्राव ज़िंदय च़ु मर ॥

139.

जाग्रत सोपुन सुशपति तूर्या ।  
 अवस्तायि चोर यूगियन हंजु छय ॥  
 अभिमान दीहुक थावुन छु मिथ्या ।  
 सुलि प्रजनावुन गछतस लय ॥

140.

शुनी ओसुख शुनी आसख ।  
 शुनी रोजान छुय पतुवथ ।  
 शुन्यस मंजुय क्याहताम लबख ।  
 शुन्युक सौमी छुय अख सथ ॥

141.

च्यथ तय चीतन कुनुय कॅरिथ ।  
 चु तु बु कासतो पानस चुय ॥  
 परमानन्दस पानुय वॅरिथ ।  
 म्युल तस सुत्य् गछि गलियो दुय ॥

142.

दिहिकुय गरु तस क्युत थव नॉविथ ।  
 पॉविथ थावुख शॉत्रुय चोर ॥  
 इंद्रेयि म्वखतय तथ जरुनॉविथ ।  
 छॉविथ गछुख अवस्थायि चोर ॥

143.

पनुनुय पान प्रज़नॉविथ मु आसुय ।  
 ग्रासुय सर्व संकल्पन चु कर ॥  
 त्राव सॉरी तलु प्यठु तलुवासुय ।  
 सत् संगुकुय व्वपुवासुय कर ॥

144.

योदवय मन गछि ब्रह्म व्यचारस ।  
 गरि बिहिथुय करख यात्रा चुय ॥  
 प्रदिक्षण पानय गछि आचारस ।  
 प्रचारस केंह नो करुनुय छुय ॥

145.

संसौर्य यशुकी नशिनय वोलनख ।  
 नेषकाम जामु कोनु छुख पौरान ॥  
 मोहु नेंदरे येति वारय वोलनख ।  
 च्यतु फुरनाह कोनु बेहेनावान ॥

146.

नजरन मंज नजरि सुत्य् गाह त्रॉविथ ।  
 कॅरिथि आँब गाँब मनि प्रजल्योख च्यय ॥  
 नावुक म्वखतय वावु दावि तॉरिथि ।  
 खॉरथस ह्योर येमि सॅदरय बुय ॥

147.

ओरय पानय तोरुय त्रोवुथ ।  
 सोरुय बोवुथ तु होवुथ चेंय ॥  
 व्वचार दोवुथ मनुय सोवुथ ।  
 फोलुरोवुथ पोश छोवुथ चेंय ॥

148.

नाकारु कुस छुय कुस छुय जानुय ।  
 अंगुय व्योन थव क्व संगु निश ॥  
 सत् संगु सुती रंग द्यू जामय ।  
 मव मंगुय छुय पानस निश ॥

149.

छ्योट श्रूच कॅरिथुय कुन नो वातख ।  
 लबख नो कुनि अपारुक् पार ॥  
 श्रोच्च्युक श्रूचुय च्च कुनुय आसख ।  
 सबक यी मनि छुय सार्युक सार ॥

150.

जॉविजि रजि थपि तार द्यू पानस ।  
 दानु दानस ख्यनु वॉल्य् सुंद नाव ॥  
 ख्यावान सुय मव गछ्छ अभिमानस ।  
 वातख थानस बडियो बाव ॥



151.

तस रोस केहं मतु स्वरतो जीवो ।  
पर तो नेष्काम तैम्य सुंद नाव ॥  
सुय जॉनिथ कर प्रथ काँसि सीवो ।  
न्यवानु पद अविनॉशी प्राव ॥

152.

अंतः श्वद कॅरिथुय सोम वरुन ।  
संतोषि तम कड ऊँ रठ प्राण ॥  
गम्भीरतायि शाह वालुन तु खारुन ।  
गली शक वुछख सारिनुय कुन प्राण॥

153.

विकल्पुय बोज छुय भ्रमुरावान ।  
संकल्प द्रड करतु रठ मन प्राण ॥  
ध्यानय कॅरिथुय लोत त्राव अपान ।  
द्वन बुमुनुय मंज प्रकाशिच कान ॥

154.

कथ छुख बोज़ान इंद्रैयि छ्वने ।  
 त्रुकुय वनिय चीतन रोज़ ॥  
 सनिरस रोज़ान छुय मंज़ मने ।  
 गने शब्दुक च़ ठने बोज़ ॥

155.

हा पानु सूर गछ़ान नूरु तने ।  
 खन हनि हने दयि सुंद नाव ॥  
 नने तस युस मनय सने ।  
 सौरूप बने बडियो बाव ॥

156.

ऑखरस प्यवान छय तस कने ।  
 अने अँछ युस शवान संसार ॥  
 मव कर मँखुर व्वन्य् निशि रने ।  
 कर धन्य धने लबखो सार ॥

157.

हा साहिबो च़ेय मुच़रिथ तॉर्य ।  
 नख़ु वॅथ्य् बॉर्य यिम ऑसिम लॉर्य ॥  
 यस साहिबो च़ुय छुख करान यॉर्य ।  
 तॅमिसुय शॅमिथुय व्रॅच गॅयि सॉर्य ॥

158.

मायायि स्रुत्य् बनान ज़ीव छि शॉर्य ।  
 ज़ानान बुय छुस वनान छिय चॉर्य ॥  
 यस वातान येमि विज़ि छय वॉर्य ।  
 सु गछ़ान संसारु मंज़ु हॉर्य हॉर्य ॥

159.

ज़ीवो ड्यकु डून्य् क्य़ाज़ि फुटुरावान ।  
 असमॉन्य् गाडु छुख बुज्य् बुज्य् ख्य़वान ॥  
 कालुनि च़ंजे दिह येलि प्य़वान ।  
 कुस मूद कुस रूद बन व्य़चारुवान ॥

160.

सत् ग्वरु चरणन नाव बनॉविथ ।  
 शब्दुकि फिहिकुय दिवान गछ ज़ोर ॥  
 चरणन परमय दामुय सपदिथ ।  
 प्रॉविथ गछख अवस्थायि चोर ॥

161.

कनुवुय बूज़िथ मनुसुय सनतो ।  
 वनतो क्याज़ि गँयी डुल्य् ब्रॉर ॥  
 नावु ट्वंगरे सुत्य् वावु डरू खनतो ।  
 बनतो पूरु श्वदि इंद्रेयि नॉर ॥

162.

काल छुय अँद्य अँद्य गरि गरि फेरान ।  
 कुनि विज़ि दिग दिथ नियी संसार ॥  
 भ्रमु संसारु मंज़ु नेरतो चु दोरान ।  
 चठ ज़ॉव्युल ज़ाल लबखो सार ॥

163.

युस नमि चाने अथ पादु जोरि ।  
 अदु मो पोरि तस यम तय काल ॥  
 तस त्रन भवनन मंज नो सोरि ।  
 गलुनस भ्रम तय छ्यनुनस जाल ॥

164.

संकल्प शुन्य् कँस्थिय सुय गारुन ।  
 मारुन्य् प्रेयमु सँदरस मंज छाल ॥  
 कीवल ऑसिथ कीवल छारुन ।  
 तारुवुन शाह तस रोज नॉली नाल ॥

165.

मनु आसुनस च्युय पम्पोश वथुराव ।  
 शंखु नादय सुत्य् लायुस नाद ॥  
 सूहम शब्दय उद्धगीत बोजुनाव ।  
 शांत लय गँछिथुय सपदख शाद ॥

166.

अनुवॉर्य मीलिथ सरु कर संसार ।  
 मरु मरु चलि वुछ पनुन्य असरार ॥  
 थर कौसिथ नोन कड़ पजि कुय सार ।  
 शर नेरि सुम दिथ लगियो तार ॥

167.

दयि बतु शूरथम बावय पॅहरॉच ।  
 भवु श्वहरॅच निशि रॅछिथस बुय ॥  
 लीलु रॉचन येति बनहहॉन दुहु रॉच ।  
 योद आरॅच शरण आसिहेनु च़ेय ॥

168.

कम कम ग्रेंड्य वुछ पॅथरिस लारान ।  
 सारान पोत कर्मन हुंघ बॉर्य ॥  
 केंह रूद्य केंह मूद्य केंहन छु तारान ।  
 प्रारान केंहन गॅयि ज़न्मुय सॉर्य ॥



169.

दारि दरवाज़ु इन्द्रेयि यथ पानस ।  
 प्रथ जानस मंज सुमरथ सुय ॥  
 कर बंद अँदरी सँदराव दानस ।  
 आँनस खय गलि ननि वानु छुय ॥

170.

हा ग्वरु कति छांडथ लबथ कति ।  
 मति रॉच सारेय डाँक्क्य गँयि मेय ॥  
 सुमरनि चानि वॉचुस असलुचि वति ।  
 स्वति स्वति दीदार होवथम च़ेय ॥

171.

प्राणस अपानस कुनुय कँरिथ ।  
 वारु वारु दम द्यू मंज पानस ॥  
 संकल्प सॉरी शोमरॉविथ ।  
 मनुसुय प्रज़लाव जानानस ॥

172.

योद पोथि परख तु पूजा करख ।  
 तीर्थन फीरिथ गालख पान ॥  
 बावु रोस जपय पानस फरख ।  
 तरख नो भवुसरु लबख नो स्थान ॥

173.

शौयव थाँवुम कौर मूरिथ ।  
 तंबुलॉविथ हाँवुहम पोशि वॉर ॥  
 पोज़ जॉनिथ शाह गँयम रॉविथ ।  
 कलु छाँविथ मलुनुय डुलु बॉर ॥

174.

पज़ि अपज़े यिम दोह रावु रॉविम ।  
 प्यादन राज़य बनोवुम पान ॥  
 क्वकर्यनुय येति म्वखतु छोकुम ।  
 मनि रावुराँवुम खँचुम हान ॥

175.

हमसू करान मनि मंज छोंडुम ।  
 नैन्ऱ् अदु मेय वैनिनम कँन्ऱ् कथ ॥  
 अँन्ऱ् ज्ञानुक धन्य् मे प्रोवुम ।  
 सार बोवुम मेय पतुवथ ॥

176.

हखा दिथुय च्वपॉर्य वोनुम ।  
 क्रख च्ऱु म्यॉनी बोजतो ॥  
 केंह ति नो रोजी यि अपज्जुय ।  
 प्रेयम बावय च्ऱु रोजतो ॥

177.

अन्तु रोस विषयव कोताह वोल्हख ।  
 दोल्हख दानि ज़न कंजुसुय मंज ॥  
 तिलु वॉन्ऱ् दांदु सुंद् प्रदिक्षण दोवहख ।  
 मोच्चरोवहख सुह शालु सुंद क्रंज ॥

178.

ज्ञानी ग्यानुकि बजरय छि लबान ।  
तोतु सुंज रट केंह छिय लगावान ॥  
वुन्य् वुन्य् हॉरिथि कुन नो वातान ।  
प्रेयमु थॅन्य् बनि किथु तॅथ्य् थव ध्यान॥

179.

क्रूधस ह्युव नो कांह शोथरुय छुय ।  
कंजे रचि रचि खून जालान ॥  
जीवस पॉर्यजान मॅशरावान छुय ।  
ब्बजु भ्रमसुय मंज छुय त्रावान ॥

180.

हाजीवु स्थूल दिह नो छुख च़ुय ।  
नो सूक्षम छुख आसुवुन च़ुय ॥  
आसुवुन छुख दृष्ट आत्मा च़ुय ।  
आमुत मृत्य् लूकस यि ज़ानुनि च़ुय ॥

181.

बावु लोलु सुती पृष्ठ सथ ग्वरस ।  
छुम क्याह करुन तु किथु तरु बो ॥  
पान पुशारोविथ सुमरण करतस ।  
पछ योद थावख तु तरख हो ॥

182.

काँसि हुंद आह मतु ह्यतो जीवो ।  
आह गॅरीबु सुंद चाह छु करान ॥  
व्योन रूजिथ कर प्रथ काँसि सीवो ।  
शाह बॅनिथुय प्रावख निर्वान ॥

183.

सुय बिहिथ मंज नॉभिस्थानस ।  
हृदयि स्थानस मंज छुय सुय ॥  
बॅल्य् छुख गोमुत च़ुय अभिमानस ।  
अद्यात्मु ज्ञानस चेनतो च़ुय ॥

184.

च्वदुहन भवनन युस सौमी छुय ।  
यस थोद नु केह मंज त्रिभवनसुय ॥  
रेयि हुंद र्वनि शब्दय बोजुवुन छुय ।  
वीदु शास्त्रन हुंद ओंकार सुय ॥

185.

क्षणु मात्रस तारन वोल् सुय ।  
मारन वोल् ह्योर खारन वोल् ॥  
भैक्त्यन अवतार धारन वोल् सुय ।  
मनि गारुन बर शब्दन लोल ॥

186.

लोलुच दगुय गौर क्याह ज़ाने ।  
ज़ाने क्याह सुहु ग्रज़नुय ब्रौर ॥  
सूहम शब्दय कौर यस फाने ।  
तस ल्यूख लाने लँजिस नु तौर ॥



187.

पोथ्युन तु ग्रंथन हुंद छुय यि सार ।  
मनुसुय मार तु बरुस प्यार ॥  
द्वन बुमुनुय मंज नजर खार ।  
सारिनुय बोज मव कर तकरार ॥

188.

अज्ञानु वुनल चॅशमन बीठुय ।  
म्यूठुय बास्योव क्रूठ संसार ॥  
दिलु कुय सथ तु असथ हो मोठुय ।  
दोहॅ अकि तुलन मा चोर कहार ॥

189.

आत्मुचि त्रेय अवस्थायि आसान ।  
जाग्रथ सौपुन तु सुशप्ती ॥  
ज्ञॉनी परमु पदस छि वनान ।  
तूरिया तीत आत्मा छु आसान ॥

190.

केंचन वुछमय न ख्यनस दानय ।  
 केचन बानय बैरिथ छिय ॥  
 केंचन ख्यथ चथ यड छय वदानय ।  
 केहं ख्यनु रोस तृप्त आसान छिय ॥

191.

योदवय आँबथ तु गौबथ करख ।  
 स्वरखनु दयि नाव ज़ांह ति मुलैह ॥  
 व्यचारु रोस्तुय पोश ह्युव मरख ।  
 फरख पानस तु करख नो केहं ॥

192.

केहन छांडान गँयि ज़न्म सॉरी ।  
 मोर गोख मोचिथ तु सपद्योख क्रंज ॥  
 केहन नादुच कँरुथ यॉरी ।  
 केहन म्यूलुख गरुसुय मंज ॥

193.

दय छुख बौड चॉन्ग् दया छे बँडुय ।  
 कँन्डुय मै दागय बँरिथि आँस ॥  
 रुम ऊँ पँरिथुय दौगन्यार कोडुथ ।  
 अँडुय आँसिथि पूरु कँरथस ॥

194.

संसार छुय अंधकारन दोलमुत ।  
 बाज़ार वोलमुत मायाये ॥  
 सत् व्यचारुक होश छु डोलमुत ।  
 लगि तार सत् ग्वरु यछाये ॥

195.

बहु व्यचार द्युतनम ग्वरन ।  
 कथ वनुनय वोनुनम सोरुय ॥  
 व्यचार आम तु पैयसस परन ।  
 शरण गँयस मुचरुन तोरुय ॥

196.

शन मंज बिहिथ शोछा सूजुन ।  
 अँछवुय अँछन वँनिन कथ ॥  
 मनुसुय सँनिथ कनव बूजुन ।  
 लछिवुय मंजय प्रॉवुम गथ ॥

197.

नम रूजिथ शम कोरुम ।  
 खाम गोलुम पानुसुय ॥  
 दम रँटिथ सम वुछुम ।  
 सॉरिसुय ननिवानु सुय ॥

198.

अँदरु ओसुम बिहिथ सु पानय ।  
 नैबरु ऑसुस छांडान बुय ॥  
 बंद कँरिथुय प्रजल्योव पानय ।  
 शिबरि रामुय ड्यूंठमय ॥

199.

सथुय छु सत् ग्वर ग्रजुवन छु सागर ।  
 वीद ग्रंथ शास्त्रनुय हुंद छु आगर ॥  
 यस नावि नम रटि चलि तस यमुन्थर ।  
 अकि नजरि सुती दियि तार भवसर ॥

200.

ओंकार रजि हृदयस्थानस लोमुन ।  
 होवुन अ उ तु म छुस बुय ॥  
 कुनुय अहम् अकि नजरि शोमुन ।  
 हुमुन पानय तु रँछिनस बुय ॥

201.

युस मेली तस लोल बर चय ।  
 बुय करुनुय त्राव सोरुय सुय ॥  
 जीवस ब्वछि त्रेश बैयि ख्यावान सुय ।  
 बस सुय छुय, बस सुय छुय सुय ॥

202.

व्यचार कर पानु करतो आचार ।  
 प्राणन मंजुय प्राण हुमु नाव ॥  
 नतु यूगी बननुय छुय दुशवार ।  
 हमसू सूहम पर ऊँ प्राव ॥

203.

मायायि भ्रमुक परदय चँटिथ ।  
 रँटिथ थावुन अख ओंकार ॥  
 शन मॉरिथ थावुन खँटिथ ।  
 वँटिथ अदु रोजी पनुनी खार ॥

204.

वुछान लोसान वन्य् सोरुय प्रान्योव ।  
 मान्योव न ज़ांह कॉल्य् मा व्वथि बूज ॥  
 म्वकलन यिम दोह मा ज़ान्योव ।  
 खॉली कलु ख्वपरुयन नु सूज बूज ॥



205.

खम त्राव दम द्यू बोज़ख च़ु सूहम ।  
 ऊँ रठ शम द्यू डखि छुय थम ॥  
 यमु थर गॅलिथुय च़ली च़े क्रम क्रम ।  
 नम तस निश छुय सोरुय सम ॥

206.

दीक्षा ग्वरु सुंज़ मनि गॅनिरॉवुम ।  
 सॅनिरॉवुम स्वय गॅयि प्रज़लान ॥  
 रचि रचे मे येलि रुमु नॉविम ।  
 बुमि प्रॉवुम प्रकाशुच कान ॥

207.

बारम्बार बुय युतुय वनय ।  
 लबख मंज़ मनय अती छुय ॥  
 तीर्थान अस्तानन सुय छु नय ।  
 बुमुनुय वुछ मंज़ुय अँछिनुय ॥

208.

व्यचार करुन तु समय स्वरुन ।  
वरुन शमुय त्रॉविथ गमुय ॥  
ओंमुय गरुन रुमव परुन ।  
मरुन जॉनिथ थरुन नु चेंय ॥

209.

इंद्रियन छय ज्यव तति चिवान ।  
पानय वनान पनुन्य् असरार ॥  
युथ चीतन मनुष्य छुय वुछान ।  
पनुन्य् ग्वण अवग्वण बड़ि दर्बार ॥

210.

मनुचे जैवि सुत्य् पर सूहम सू ।  
हम त्रॉविथ पतु रोज़ि सू सू ॥  
दम दिथ नोन नेरि पानय हमसू ।  
हमुकुय गलि खम छुय सू सू ॥

211.

जेवि पॅरिथुय रोज़ कनव बोज़ान ।  
आनन्द अमर्यथ चवान गछ च़ुय ॥  
ज़ॉचन हुंद दौगन्यार पानु मव ज़ान ।  
आत्म रूपु रोज़ान सु प्रथ अँकिसुय ॥

212.

सत् संग छुय बोज़ हुंद आहार ।  
अमिकुय रस स्वय चवान छय ॥  
रूपु रोस ऑसिथ करान व्यवहार ।  
भ्रमु तम गालान अमिची लय ॥

213.

हा पानु खम त्राव कलु कथ गिलुवान।  
पिलुवान रोज़ ल्वति स्वर दयि नाव ॥  
अथ ह्युव नो बेयि केँह छुय म्वलुवान।  
गिलुवान पानस छुय हाव बाव ॥

214.

अँछ बंद कँरिथुय वुछमख अँछिनुय ।  
मंज बिहिथुय गाह त्रावान चुय ॥  
व्यवहार वक्तुक वुछान अँछिवुय ।  
बस छुख चुय, चुय बस छुख चुय ॥

215.

संसारुक पार अपार आसुवुन ।  
कुनि गमखार कुनि छुय रंगदार ॥  
दजुवुन नार कुनि, कुनि छुय सब्जार ।  
अथ नो तार कुनि छुय यि बॉज्युगार ॥

216.

योद चुय होश करख मंज संसार ।  
दजुवुन नार ति दियिय शोहजार ॥  
सँहलुय बासिय अपारस करुन पार ।  
न कुनि बॉज्युगार न गमखार ॥

217.

अछ बंद कॅरिथुय ग्वरु सुंद कर ध्यान।  
 वुछिहन ब्रोंठ कनि वुछान सु च़ेय ॥  
 प्राणस सम गछि पानय अपान ।  
 लोलु रस च़ेयि बैयि चाविय च़ेय ॥

218.

दम द्यू दम द्यू शम ह्यथ दम द्यू ।  
 गम गॉलिथ च़ॅलुरावी माय ॥  
 सम संसारुय वुछ येति कॅम्यू ।  
 सोरुय भ्रम ज़ान प्रज़ली काय ॥

219.

मनुचन तारन गंड कर पानो ।  
 खारुख वारु वारु स्वरुगुक साज़ ॥  
 कनव बूज़िथ मनु शव ध्यानो ।  
 सूहम हमसू बोज़ आवाज़ ॥

220.

पालुन सुगव वारु वारय वालुन ।  
 खारुन तु रटुन नॉभिस्थान ॥  
 ब्रह्म रुंदरस प्यठ नज़रुय दारुन्य् ।  
 अदु हो प्रखटिय पानु भगवान ॥

221.

चुहॉठ कुसमु सीलन हुंद छुख चुय ।  
 तैयित्रह करोर वर्ग अथ मंज छिय ॥  
 फेरुवुन यिमुवुय च्वयिशीथ लछुय ।  
 अख तारिय मनुष्य जन्मुय सु छुय ॥

222.

ज्ञानु ज्ञानुक भंडार बैरिथुय ।  
 मनि जीवस छुख वुज़ुनावान ॥  
 हॉरान छस क्या क्याह हावान चुय ।  
 कुस छुय परान कुस परनावान ॥



223.

ॐ तत्सतकुय ज्ञान अलग छु परनुय ।  
 अँछ बंद अँछिवुय छुय हावान ॥  
 जीव मनु किन्य् छुय पानय परनुय ।  
 समयस प्यठ छुय यिवान भगवान ॥

224.

हा लालु रटुहथ लालन मंज च्रुय ।  
 चूरि थवुहथ यिथु नाफु आसान ॥  
 मनुची लाकम रटुनावुहथ च्रुय ।  
 बैगम रूजिथ रोजु गथ मारान ॥

225.

युस लोलुच दग जिगरस चाले ।  
 वाले अँछवुय अशिनी धार ॥  
 तस रूत आसान थदि थोद ताले ।  
 वसान चरणव तसुंदि धरती बार ॥

226.

संसौर्य द्वखुवय चीटिथ त्रोवहख ।  
छावनोवहख कलु पलुनय चुय ॥  
वावु ख्वतु जॉविजि दावि दब दोवहख ।  
व्यसुरोवहख छुय नु सामरथ सुय ॥

227.

मधुरुय रूप चोन स्वंदर छु क्याह जान ।  
शीतल नज़रव दिवान शोहजार ॥  
अँछिवय सुत्यन् अर्पण चु करान ।  
माधुर्य बाव युस छु सार्युक सार ॥

228.

मन ज़ेनुन छुय नु जंगस नेरुन ।  
न फेरुन वति वति बँनिथ फलवा ॥  
मन ज़ेनुन गव मनि मन थावुन ।  
अँती बैहैनावुन वुछुन जलवा ॥

229.

थ्यर पुर्जय क्याह अजब बनेमुत् ।  
 कम कम तारु अथ लाजिमचु छय ॥  
 बँड्य बँड्य विज्ञानवान अथ छि सनेमुत् ।  
 हॉरिथ नु ह्यकान कॅरिथ कांह यि क्रय ॥

230.

रथ माज़ अँडिजव बॅनिथ यि पानाह ।  
 फानाह करान सोगातन छुय ॥  
 कथ छुख शोलान छु म्योनुय जहानाह ।  
 बहाना कॅरिथ कुनि विज़ि निवान छुय ॥

231.

वुछिम दीदन मंज़ चॉन्य् नेत्रु जूरी ।  
 कॅरिथ बंद ति रोज़ान छिम मेय वुछान ॥  
 गँयस शरण दातस लॅजिसस ब पॉरी ।  
 दोपुन प्रथ दुहुक छुस हिसाब चोन थवान ॥

232.

योद प्रथ दोहें वैन्य दिख जानानस ।  
 आनस ज़ाह नो लगी च़ेय खय ॥  
 भयि रोस बैहख मनु ज़ाँपानस ।  
 दानस ल्वति सँन्दराव अँदरय ॥

233.

पाताल रँटिथुय आकाश वुछख ।  
 लबख रवस पनुनी गरय ॥  
 इंदेय च़ूरन पानय मुछख ।  
 सबख वारय करख सरय ॥

234.

अँदरय पानस रोज़ दिथ कनुय ।  
 शुनि मंज़ु बोज़ख शब्दय सार ॥  
 लज़ुय त्रॉविथ सोम खे अन्नय ।  
 छोन्य गछन पानय पापुन्य बार ॥

235.

हा नूर मत्यो सूरुय कोरथम ।  
 अद्रु हेछिनाँवथस मुचुरुन्यु तौर्य ॥  
 मनु क्यन कूनन प्रकाश बोरथम ।  
 हॉव्यथम यिम छिय तिम रुफ सौर्य ॥

236.

अँदरय नूर तय नैबरय नूर ।  
 आसुवुन सुय छुय नूरुक नूर ॥  
 विषय विकारण करान सूर ।  
 भँक्त्यन चावान प्यालु बरपूर ॥

237.

भ भक्ति बरन पोशन करान ।  
 क ज्ञानुच प्राप्ती करुनावान ॥  
 त स्वखुकुय अनुभव करुनावान ।  
 ई सारिनुय ख्वतु बँड आसान ॥

238.

कर भक्ती छय अथ सौरुय शक्ती ।  
 म्वक्ती ति अथ निश केंह नो छय ॥  
 जन्मन हुंज कासान आसकती ।  
 भय गौलिथ चावान लोलु मय ॥

239.

अँदरिम मंदर छु स्यठाह स्वंदर ।  
 गंदर छु अथ मंज गाह त्रावान ॥  
 सौरुय काँयनात हावान अंदर ।  
 ज्ञानुय गुप्त पौठ्य परुनावान ॥

240.

अकि नजरे संसारय कँडथस ।  
 दौयमे कँडथस मंज अज्ञान ॥  
 त्रैयमे पानस सौरुयसुय हौवथस ।  
 चूरिमि अदु द्युतथम आत्म ज्ञान ॥



241.

वनु क्याह चानि नज़रे हुंद बलुय ।  
छलय संसारय मंजु स्वय कडान ॥  
सार हेछि नॉविथ दिवान आत्म बलुय।  
नलय नु गछान ज्ञान तस बडान ॥

242.

वंदुयो रथ पादन म्यानि ग्वरो ।  
कोताह बोड चु तु चोनुय बाव ॥  
संसारस मंजु यीरु ऑसुस गॅमुच ।  
बोठ खॉरिथ द्युतथम लोलु ताव ॥

243.

ब्बद ठंडु थॉविथुय स्वख मेलान छुय ।  
त्राव संकल्पुय तु बैयि वसवास ॥  
लॉनिस लीखिथ यि आसी ति मेली ।  
सर फिरा आसख चु या सन्यास ॥

244.

पानय स्वग्वणुक व्यवहार कॅर्यथुय ।  
 न्यर ग्वणसुय मंजु मिलुनावान ॥  
 शुनिकिस ध्यानस मनुय वुरिथुय ।  
 चूरिमि अवस्थायि वातुनावान ॥

245.

दिह छुय कुंड शक्ती छस मंजुय ।  
 यूग्य् यथ कुंडलिनी शक्ती वनान ॥  
 मोहॅ नॅंदरि जीवस ज़ाग्रथ कॅरिथुय ।  
 भ्रम गॉलिथ लोलु मस चावान ॥

246.

चाल त्युथ वाल बानु सॅंदरस मंजुय ।  
 ज़ुचु पम्पोशि पादन श्रोपराव ॥  
 काचु ज़ून ज़न नेरि न्यग्वणु मंजुय ।  
 लबुहन यार तस पान पुशाराव ॥

247.

आयस कति आश्चरुसुय बु गौमुच ।  
 न्यग्वणु मंजय स्व ग्वण यि द्राव ॥  
 सग्वणस न्यलीफ पौठी वॅरमुच ।  
 माधुर्ययि बावुक अमर्यथ मे चाव ॥

248.

चुय सुमरण चुय तन मन धन ।  
 चुय रोटमख न्यथु नोन मंज मन ॥  
 शांत गॅयि विषय विकार छन छन ।  
 सूहम बूजिथ गॅयस कुंदन ॥

249.

प्रेच बोज नचुवुनि व्रेच शोमरावुख ।  
 होमुरावुख ज्ञानु अँगनस मंज ॥  
 सूहम पॅरिथुय थ्यर रुमुनावुख ।  
 शोमरावुख यथ सग्वणस मंज ॥

250.

बुछ चय लोलुच अजब शक्ती छय ।  
तृप्ती अतृप्ती द्वनवय छस ॥  
विषय विकारन निश यिवान तृप्ती ।  
अतृप्ती लोलुच बडान छि बस ॥

251.

वर दिम च दीवो थर चलि मनुसुय ।  
शर नेरि जन्मन हुंद सोरुय ॥  
सीवय चरण चॉन्य फल दिम सीवुय ।  
फलुक फल अर्पण चैय सोरुय ॥

252.

योद ब्रह्मा विष्णु रुदुर पद चैय मेली ।  
लोलु रोस यिम छिय शुन्य आसान ॥  
लोलु पद आसान यिमुनुय थोद छुय ।  
क्याजि लोलस यिम छि मॅल्य् मेलान ॥

253.

चैन्द्रस जन्मुय गोय चैय छांडान ।  
 आँखरस ह्योतमख लोलसुय मँल्य् ॥  
 लोलु मोत ग्वर आव लोलस गंडान ।  
 हॉरान आँसुस गँमुच बु बँल्य् ॥

254.

मूल्स थफ द्यू नोन नेरि पानय ।  
 मव फेर लंजि लंजि छुनु सुय ॥  
 सथ चँकुर मूलय जाग्रथ गछी ।  
 मृगु नाभि मंज कोस्तूरी छुय ॥

255.

न्यग्वण मान या पूज सग्वण ।  
 द्वनवय तस सुत्य् मिलुवान छिय ॥  
 न्यग्वणस मंज लीन गछि दोगुन ।  
 व्रँच गूपियि गिंदान सग्वणस छिय ॥

256.

योद चय ब्रह्म व्यचारस गछख ।  
 बय नो कुनि ति लबख चय ॥  
 दोगन्यार अदु चय पानय मुछख ।  
 वुछख प्रथ ज़रुसुय सुय सुय ॥

257.

पानय रोटमख अदु चय नालय ।  
 लालय वुछमख वुछान मेय ॥  
 जन्मादिकन हुंद गोलथम मलालय ।  
 लालय लालन बैसिथ च मेय ॥

258.

पानस अंदरुय प्रज़लान वुछुम ।  
 मुछुम सोरुय तु बैरमस प्रय ॥  
 आहारस नो येति ज़्यादु तोछुम ।  
 सु छुम शाहदत तु कोसनम भय ॥



259.

कस वनु क्याह गोमुत छुम पानस ।  
 दजुवनिस जहानस करु क्याह बो ॥  
 मायायि छाय सौर्यसुय असमानस ।  
 सँदरोव दानस गँयस शाह बो ॥

260.

ग्वरन सोरुय होवनम अँदरय ।  
 शष रँछिनस चरणन तल बो ॥  
 यछायि त्रोवुन विद्यायि बरय ।  
 शब्द परनुक हैछुम छल हो ॥

261.

वावु दावन द्वन कुनुय कँरिथ ।  
 मॉरिथ वासुना स्वरुन चु दय ॥  
 कनुनुय कन द्यू शब्दुय पँरिथ ।  
 द्वन कुन गँछिथुय रोज़िनु बुय ॥

262.

दम द्यू पानो दमन हालि ।  
 अदु मालि ननी पनुन्य् ज़ाथ ॥  
 सूहम कनव बोज़ख तालि ।  
 छालि लबुहन वैताल नाथ ॥

263.

अँछिवुय अँछव कथा कँरिथ ।  
 मन आत्मस सृत्त्य् मिलुविथ गोख ॥  
 इंद्रेय चूरन रुमु गंड कँरिथ ।  
 गुप्त पौठ्य ज्ञानुय पिलुविथ गोख ॥

264.

सतुचे वते जीवो पख च़ुय ।  
 कुनि विज़ि पानय लबुहन यार ॥  
 सार संसारुक् युस आसुवुन छुय ।  
 ब्रह्म सरु मंज़ु सुय दिथियो तार ॥

265.

आगस ज़ागय मनु किस बागस ।  
 लागस गुलाब तय पम्पोश ॥  
 ज़ितिन्य् दिथ गोम वनु वॉरानस ।  
 कागज़ कलम दिथ द्युतनम होश ॥

266.

वनान पानय लेखान पानय ।  
 पानय पृछान पानस कुस ॥  
 पानय बैसिथुय छुय दानु दानय ।  
 ननि वानु वनान बस बुय छुस ॥

267.

सँदुर ह्युव व्वदुर छुय सनि ख्वतु सोनुय ।  
 ज़ांह नो पूर्ती तु तृफती यिवान ॥  
 युथुय सोन विषयन हुंद सागर छुय ।  
 यूताह दिहस त्यूत त्रेशानाह बडान ॥

268.

सोमुय हुमान गछ ज़ठर अँगनस ।  
तृफती यिचियो अदु पानय ॥  
ब्बद चुय अर्पण करतो सग्वणस ।  
मन म्वकलिथ गछि कौद खानय ॥

269.

शाहानु पानो रोज़ आज़ाद चुय ।  
दाद हे तँम्य् सुंज़ि मायाये ॥  
थ्यरुसुय मंज़ बाग न्यलीफुय छुय ।  
मेचि मेलान छि यिमु कायाये ॥

270.

पानस मंज़ुय च़ेय परनौवथस ।  
होवथम सोरुय मंज़ पानस ॥  
सूहम शब्दुय सरु करु नौवथस ।  
प्रज़ल्योख पानु मनु ज़ाँपानस ॥

271.

सत्ग्वरु टोठ्योक चँद्रस टाठि नावु ।  
 ज़गि दावि दावि मंज़ छुख बँसिथुय ॥  
 मायि बेहनॉवथस च़ेय पनुने नावि ।  
 च़ेय च़ेय करान मीजिस च़ेय बुय ॥

272.

धनु ख्वतु टोठुय छय जँन्य् आसान ।  
 ज़नि ख्वतु आसान पनुनुय पान ॥  
 पानु ख्वतु छय टाछि इंद्रेयि आसान ।  
 इंद्रियव ख्वतु छिय आसान प्राण ॥  
 प्राणव ख्वतु टोठ आत्मा छु आसान ।  
 आत्मा पतुवथ छुय रोज़ान ॥  
 हा जीवु ह्यस कर छुख आत्मा च़ुय ।  
 आत्मस सृत्त्य् थव च़ुय पूर ज़ान ॥

273.

योद चय राजु बनख तोति क्याह गव ।  
फकीर योद छुख तु गव तोति क्याह ॥  
मोर बदलौविथ फीरिथ न वुछख ।  
ओसुस बु क्याह तय व्वन्य् छुस क्याह ॥

274.

नर्मस मंज बल आसुवुन सोरुय ।  
त्रकुजार कथ छुय बकार यिवान ॥  
ज्यव छय नर्म तय शक्ती सौरुय ।  
अँड्यजव रोस अँड्यजि टापुनावान ॥

275.

पानस मंज छय इंद्रेयि यिथु पौठ्य ।  
रचि रचि खँटिथि जिनिस मंज नार ॥  
माँजे मंज व्वजुजार छुय यिथु पौठ्य ।  
तिथय दय बैसिथुय मंज संसार ॥



276.

खोवुर्य दँछिन्य् पतु ब्रोंठ सुय छुय ।  
 अँदरु नेबुरु हैरि ब्वनु छुय पानय ॥  
 वुछिवुन बोज़ुवुन बोलुवुन सुय छुय ।  
 तस वरॉय कुनि नो मुलेह दानय ॥

277.

रचि रचि जमाह कँरिथि च़य थावख ।  
 ऑखरस केंह नो न्युन छुय सुत्य् ॥  
 बॉगरुनु सुत्य् धनु मनु प्रज़ुनावख ।  
 यिय कँरिथ्य येति तँरिथि गँयि कृत्य् ॥

278.

दान दिनु सुती शान छय बडान ।  
 पज़ि अपज़्युक छुय बडान ज्ञान ॥  
 पापव मंज़ु मनुष्यस छुय कडान ।  
 पानय शाँती बडान ज़यि सान ॥

279.

जन्मस यिथ क्याह पानो प्रोवुथ ।  
 रावु रोवुथ अपजिस मंज पान ॥  
 लूकु नेंद्याये कन चैय दोरुथ ।  
 वौनुथ सारिनुय निश ब्रुय छुस जान ॥

280.

हा ग्वरु रुमु रुमु ऊँ परुनावुम ।  
 वारु वारु हावुम पान चमुकान ॥  
 सत्व्यचार प्रथ विजि करुनावुम ।  
 वुजु नावुम प्रोन आत्म ज्ञान ॥

281.

तथ व्यचारस येलि चु सनख ।  
 वुछख यि सोरुय असथ पूर ॥  
 इंद्रेय विषय दानि ज़न मुछख ।  
 बनखा पूर तु वुछखा नूर ॥

282.

कल गनुनी गँयि पोंपुर बनून ।  
 पनुनिस अन्तर आत्मासुय ॥  
 मल कँडिथ अंतः छलून ।  
 वलुनुय ज्ञानुक अँतलासुय ॥

283.

योद मॉछस बोडुरावख मॅछ चुय ।  
 खसि ह्योर बेयि मॉछी रोज़ि साफ ॥  
 आत्म ज्ञॉनी सुंद आत्मा छुय ।  
 मल प्यथ ति साफ आसान निशपाप ॥

284.

यिथु पारुद छुय नु ठीकिथ रोज़ान ।  
 पकुवुन ज़ल युथनु छुय ठँहरान ॥  
 चलुवुन वाव युथनु म्वछि मंज़ रोज़ान ।  
 तिथय चन्य्चल मन छुय नु ठँहरान ॥

285.

सुमरण करनु चलि मनुच व्वदोसी ।  
व्वपासुय संकल्पन करुन जान ॥  
प्रथ कर्मय गछि करुन व्वलोसी ।  
पानय क्षणु क्षणु बडियो ज्ञान ॥

286.

कनुवुय बूजिथ मनुसुय स्वरुनाव ।  
बनुसुय बोम्बुर यॅम्बरुजलि चुय ॥  
तैथ्य् गासस मंज पानुय डुलुनाव ।  
तथ लोलस छु जयकार म्योनुय ॥

287.

मव दोर पानो सोर नो संसार ।  
येमि संसारु हॉरिथ सॉर्य गॅय ॥  
मायायि पर्दय छ्यनुन छु दुशवार ।  
त्राव वसुवास सायस सुय छुय ॥

288.

लाला लगुयो रँछिथस बाला ।  
थाला सति सिनि बोरथम च़ेय ॥  
ध्यानस द्युतुथम तोरुक खयाला ।  
प्याला बोरमुत चोवुथ मेय ॥

289.

दय छुय नु कँन्य् तय थपि सृत्य् च़ेनख ।  
मेनख तु वनख च़ युथ छुय दय ॥  
दय छुय आभास साधनायि ज़ेनख ।  
फ़ेनख ज़ॉविलि परिने च़ुय ॥

290.

लगुयो पादन थॉवथम लादन ।  
नादन पानय कन दोरथम ॥  
ज्ञानुय बोवुथ मनु समवादन ।  
नमु पादन यिय आदन छुम ॥

291.

वैन् मेय दित्यमय सौरिसुय वति वति ।  
 कति रुजिथ चय मे ति हाव पान ॥  
 स्वति स्वति नन्योख मनुसुय हा मति ।  
 गति चय गोछहम छयतु प्रजलान ॥

292.

सोपनस मंज स्वख द्वख छुय बासान ।  
 जाग्रतस सौरी छि म्वकुलान ॥  
 आत्म ज्ञानियस ज्ञान येलि व्वपदान ।  
 संसौर्य स्वख द्वख भ्रम बासान ॥

293.

सथ नो संसार भ्रम तय बौज्य गौर ।  
 बासान पोज सौरुय अपजुय ॥  
 चठ जौव्युल जाल योद छुय दुशवार ।  
 दयि नाव तारान छु फॅट्यमुतिसुय ॥



## लीला

कन दोरथम लोलु बॅर्यत्यन नादन,  
सत् ग्वरो छम कृपा चॉनिये ।  
लोलु पोन्य् वुज़ि पानय नागरादन ॥  
सत् ग्वरो छम कृपा चॉनिये ॥०॥

सुमरण पनुनी करनाव गरि गरि,  
विषयन मंज़ मु रावुराव म्योन पान ।  
शरणय गॅछिथुय च़े प्यमयो पादन ॥  
सत् ग्वरो छम कृपा चॉनिये ॥०॥

मोहॅ नॅदरे छिय अॅस्य् वारु वॅलिमुत्य्,  
दॅलिमुत्य् छिय अॅस्य् संसारन ।  
फोलराव ग्वलाब ज़न छुख सोन आदन ॥  
सत् ग्वरो छम कृपा चॉनिये ॥०॥

छस नो ह्यकान व्वन्य् खरु अंतः गँयि,  
 आभासु चानि सुत्य् साहिबो मेय ।  
 दाद चैय द्युतथम लोलु सम्वादन ॥  
 सत् ग्वरो छम कृपा चॉनिये ॥०॥

शम दम दिम बैयि सुमरण पनुनी,  
 लोलु अशि छलु हॉय पाद चॉनी ।  
 यितु ब्रॉह कुन करुयो आराधन ॥  
 सत् ग्वरो छम कृपा चॉनिये ॥०॥

केंह ति नो पोज़ छुय येमि संसॉरी,  
 बब मॉज बैनि बॉय बांधव तु यार ।  
 तारन वाल्यो छम चॉन्य् लादन ॥  
 सत् ग्वरो छम कृपा चॉनिये ॥०॥

‘गनिका’ तॅरिथ गँयि अकि रामु नावय,  
 ‘शिबरी’ तॅरिथ गँयि प्रेयमु बावय ।  
 पुशि त्राव पानय होंज़न तु रादन ॥  
 सत् ग्वरो छम कृपा चॉनिये ॥०॥

सेजि नजरे चानि न्यलीफ कॅरनस,  
 सायि थोवथम पकुनोवथस बुय ।  
 वायि त्रॉविथ पॅचसो सुत्य् सादन ॥  
 सत् ग्वरो छम कृपा चॉनिये ॥०॥

विद्यायि हुंज शक्ती छुख पानय,  
 सॉरी जंजाल चटवुन चु पानय ।  
 बावु सान प्यमुयो परणुय पादन ॥  
 सत् ग्वरो छम कृपा चॉनिये ॥०॥

क्षण क्षण शरनुय गछ 'हरे कृष्णस',  
 कर तिय यि पजि 'चंद्रय' करुनुय ।  
 कर चु भक्ती यिछ कॅर प्रहलादन ॥  
 सत् ग्वरो छम कृपा चॉनिये ॥०॥

कन दोरथम लोलु बॅरित्यन नादन ॥  
 सत् ग्वरो छम कृपा चॉनिये ॥०॥

ॐ हरे कृष्णाय नमः





پزُرک ناد

چندرا ڈاسی





# پزړک ناد

(واکھ سۆمبرن)

چندرا ڈاسی



## پزُرک ناد

﴿نیمہ کتابہ ہندو تمام حقوق چھ مصنفہ ہند ناؤ محفوظ﴾

پزُرک ناد

کتابہ ہند ناؤ

چندرا ڈاسی

شاعرہ

پی۔ این۔ کول سائیل

کاشتر ناگری پٹی تہ کاشتر نالین شود کزن وول :

سکٹر 1، کوچہ 1، ڈوگر انگر۔ جوم۔

ز ہتھ روپیہ صرف (Rs.200/-)

مول

2005ء

چھان سنہ

رنگو کول

کمپیوٹر ٹیکنیشن

IILS D.T.P CENTRE # 94191-36369

شری راجناتھ ڈاسی

پبلشر

0191-2592335

کتاب کتہ ہیکہ ملتھ

۱۔ بادشا قلندر آشرم، پنڈوکا کالونی، پٹولی، جوم۔ (جے۔ کے)

۲۔ مہیش ٹریڈرس، مین روڈ، روپ نگر، جوم۔ 180013۔

۳۔ وجیشور جیوتش کاریالیہ، بورڈی پنہ چنگی، جوم۔ 180002۔ فون: 255564

۴۔ سویم سوآمی آئند آشرم۔ لور روپ نگر، مٹھی، جوم۔ فون: 2592822

۵۔ تودی: شری آویناش گنجو، 304 گپتا پلازا، ایم۔ 4، وکاش پوری،

تودی۔ فون: 011-25559171, 9810054554





گور و مہاراج سوامی ہرے کرشنا



## ارپن

یہ وا کھ سو مبرن چھس بہ پیرھ تہ پڑھ پنہ نین  
گورؤ مہاراجن ہندہن پوشہ پاؤن ارپن  
کران۔ پھنز رٹ پڑیرنایہ مے یہ باش دیت۔



دیکھشا گوہ سہز منہ گنر اوم  
سُز ر اوم سوے گیہ پڑلان  
رٹ رٹے مے ییلہ رُمہ ناوم  
بُمہ پڑ اوم پڑکاشچ کھان



## سرنامہ

سنہ 1990ء پیٹھ ازتام پتر مہن پندہن وری سن منز چھ کاثر شاعری  
منز بھکتی بھاویج وکھنے یڑھ تہ پڑھ، آثر اتر تہ وڑا، شردھالیہ تہ لولہ سان  
سپدان آمڑ۔ یہ چھ اکھ نیک فال۔

یہ بھکتی شاعر چھ اہم مشرتھ سوہم گاران۔ اُندری اندری بالہ یارس و نحر  
دوان۔ پان پڑناونہ خاطر نیہر پیٹھ اندر ازان تہ اٹھ رو س آئند سدرس منز  
ڈنگ دتھ مولل موحہ ژھانڈنچ لگاتار کوشش کران۔

پتر مہن پندہن وری سن منز آے واریاہ گونماتھ یو جدید کاثر شاعری  
منز بھکتی کاویہ دبار بارسس تیچ تینہ ون وڑ۔ یمنہ منز چھ شریکتی چندرا ڈاسی  
اکھ با اثر بھکتی شاعرہ، یوسہ روپہ دبد، لل دبد، سوامی میرز کاک، سوامی پرمانند،  
سوامی گوویند کول، بھوانی بھاگینوان دبد تہ سوامی پزان ناتھ بٹ غریب ستر  
پر مہر ایہ پڑھ سان لولہ لکھ وان۔

# PAZRUK- NAAD

(Collection of Wakhs)

By: CHANDRA DASI



چنڈرا ڈاسی : شاعرہ  
شری راجناتھ ڈاسی : پتی دپو  
”پزُرک ناد“ (واکھ سو مبرن) : کتابیہ ہندنا  
رؤپ نگر، جوم۔ : روزن جائے

شمن ژکھرن ہنز شچھ بوز ناوتھ سہسہ سار یانے کیلاش و اسی مان سرک راجہ  
 ہنس بٹھ موحہ تر کچ کل کڈان۔ گاہے چھ سہ سہم وکھنان تہ ہم سہک ہم  
 تر اوتھ سو شچھ بوز ناوان تہ گاہے لول لولہ لکھ و تھ و تھ سوتھ اچھو دس حالہ دل  
 بوز ناوان تہ جانہ ہنز پوت ژھاسن مونہ تہ مٹھ کران، گاہے چھ سہ طزیہ  
 باوژ دس کاو گاہو انسان ہنز ہونی پز کرژ ہندس سو بھوس پٹھ پز ہار کران تہ  
 گاہے بزوفہ کن پنہ ولس و قس متلق پیش گوئی کر تھ تھوان۔ سہ چھ پانہ  
 آسان کنہ مقاس پٹھ وومت۔ کیاہام پز اوتھ چھ سہ اندریم تاو نیبر ژھنان۔  
 واکھ کمن ژون پدن منز گرھن کینہہ خھو صیڑ آسنہ۔ پز تھ پد گڑھ  
 ماتریہ ہندس گندس منز آسن۔ گوڈ نکس تہ تر تیس پینہ دویمس تہ ژورمس  
 پدس منز گڑھ تک سم آسن۔ ژوریم پد گڑھ بے حد اتردار آسن۔ اٹھ منز گڑھ  
 مانہ مٹھ کتھ گتھ آسن۔

واکھ تہہ چھے روحانی و شیرس منز گرکہ ونہ موغل چاہہ سماوار کر پاٹھ  
 چھکھ پنہ، تیج سوکندی منز آلہ بادام تہ دارچینہ ہنز تہہ چھے ژوپار پھہلان۔  
 اگر کوئلہ تہہ ژومہر تہ آسنس تر اوہر تہ تیلہ چھے نہ کتھ۔ یکے کوئلہ تہہ چھ  
 واکھ وئن واکر سندا ذاتی وونڈ و شیر۔ مے چھ پور ویشواس تہہ کتھ پٹھ ز پز تھ  
 شاعر ہیکہ نہ واکھ و تھہ تکیلاز یہ چھ سُنن، نُنن نہ وئن۔ یہ نُنس تہ تی ونہ۔

واکھ متلق یمن لو ازمائن ہنز مے کتھ کر، بہ چھس نہ تہمن زیاد  
 اہمیت دوان۔ اما سنا لکھ کتھ سکولس منز پز تھ اُس تہمن لو ازمائن ہنز زان حاصل

چندرا ڈاسی چھے گوڈ بھگتی تہ پتہ شاعرہ۔ یو چھ واری واد سادھنلیہ ہنر  
 وتہ پٹھ کھمر نہ پان کھارتھ منگ کھوچر گالنگ پزیاس کورمت۔ سو چھے سوامی  
 ہری کرشن مہاراجی شش تہ تمبے نش چھکھ گور دیکھشا پڑا دہتر۔ یہ روز  
 واریا ہن وری سن سوامی ہری کرشن مہاراجس نگھ گور سپاہی منز مصروف تہ ہنہ  
 ہنہ گیس منہ کامن سید۔ چندراجی چھے پنہ نو رُحانی تجربہ بوکری گینان حاصل کر تھ  
 واکھو دسر باوتھ کران۔ سو چھے پنہو رُحانی تجربہ بن ہنر مورث تہ گران تہ  
 گزہست دھرم تہ پالان۔ پہنر گوڈنچ واکھ سو مہرن ”چندر واکھ“ سپر 2002  
 منز چھاپ تہ وونی چھ ہنر دویم واکھ سو مہرن ”پُزُرک ناد“ بھتہ اسہ بڑو تھہ کن  
 آہو۔ تھ منز نہ تھ تہ اکہ نمہ واکھ شامل چھ۔

واکھ لفظک مول چھ سنسکرت زبانی ہندس واک شبدس منز تیمیک مانے  
 چھ ”وآنی / آواز“، دپ اُندر شچھ، بونچ اندریے یا سر سوتی۔ واکھ گو زیو  
 دز اوکھ یا وانی۔ شارن ہندس رُپس منز چھ واکھ اکھ ٹپو دیتھ منز عمو من  
 سادھنارت شاعر پیر ہنر سہر کتھ اشارو دسر باوتھ چھ کران۔ ییلہ اکھ باپیر  
 سادھک پٹن وونڈ وشنیر نیہر تھہ تہ واکھ چھ پوان تھنہ۔ واکھ دسر ہیکہ کانہہ  
 سون ووار، تجربہ، اسخاس یا آہاس وکھنہ تھ۔

گاہے چھ واکھ وُن وول وتہ ہاؤک بھتہ ٹیوٹھ تہ مؤدُر تہنہ ناوان۔  
 گاہے چھ انسائی پز کر تہ ہند کھر کد وپ ہارچ نشان دی کران۔ گاہے رُحانی سفر  
 کین مختلف پڑاون ہنر زان کر ناوان تہ گاہے مؤلا دھار پٹھ آگیا تکر س تام



مَچَن تارَن گَنڈ کر پانو  
کھارَکھ وار وار سورگل ساز  
گَنو بُوڑتھ مَنہ تھاو دھیانو  
سُوہم، ہَم سُو، بوز آواز

چَندرا ڈاسی ہنر دُووے وا کھ سو مبر نہ پرتھ وٹس بہ یِتھ ہِتس پٹھ ز پتر مین  
دون وری ن ہنر مُسلسل اہنیاسہ ستر چھ ہنر وا کہ ونہ نچ صلاچہ منز کافی نکھار  
آمت۔ یِتھ وا کھ سو مبر نہ منز چھ تہند رُحانی سفرک تہ سوچہ فکرک تہ ادھیاتم  
کریا تہ لولہ وشنیر کر کیتھہ اہم پہلو گائراونہ آمت۔ چَندرا جی چھ نہ وا کہ گران یا  
لیکھان بک کہ چھ سو سادھنایہ ہنر و تھ رُتھ قَدَم بہ قَدَم بڑوٹھہ پکان۔ پاو پاو  
ہنر رکھسان۔ رَسہ رَسہ مد و ستھ نو ز ترو ستر و ونڈ گائراوان۔ ز اُن تھ تہ پزرتھ  
چھ سو گنہ گنہ کاٹھہ کتھ لفظ یاد و نس تل اَنان تہ وا کہ چھ پہوان تھہ۔ وچھن  
کتھ پٹھ

مَنے زیو ستر پر سوہم سُو  
ہم تراوتھ بیتہ روز سُو سُو  
دم و تھ تون نیر پانے ہم سُو  
ہمہ گے گلہ خم سُو سُو





کُرمز۔ یہ چھے دراصل اُندر وُزنی، سیمہ سترِ انسانی ووجود چھہ یوان سگہ  
وہ۔ اتھ چھہ پکڑی خوبصورتی مخصوص اندازِ بیان، زبردست کشش، نقلی و ستر  
سجادہ چھہ نہ اتھ کاٹھہ ضرورتھ۔

چندراجی ہنز دویم واکھ سو مبرن ”پُزُرک ناد“ چھہ ٹھنڈ ذاتی روحانی  
سفر چ، بھکتی باوچ تہ دیہ لوچ امریتہ وُزنی۔

گور مہما، ست سنگ، یوگہ ابھیناس، یوگہ کڑیا، اُندر نگہ، ادویت  
وادی تصور، گیان تہ وبزار، سنسار تہ مایا، کرم سادھنا، زاگرت سپن تہ سُشفتی،  
بڑہمہ وبزار، ماڈریہ بھکتی تہ مکمل آتمہ سمرپن چھہ یمن واکھن ہند توجہ طلب  
موضوع۔ یوکر پیتھ خالی ترے مثالہ پیش

سوم کھار، سوم تڑا، سونے سومبراد  
سوم لاگ، سوم وچھ، سونے سار  
سونے زانتھ اوچ تار پڑا  
سُم تھ دیہ یو یو سہ تار



منہ آسنس ژے پمپوش و تھراو  
شکھ ناد سستی لائس ناد  
سؤہم شیدے ادگپت بوڑناو  
شانت لے گڑھتھے سپدکھ شاد



تہ پرن وائس آئند سدرس نگہ تہس جہ امرتھ چچ دعوت دوان

یود پرتھ دوہہ وون دکھ جانائس

ائس زائہہ نو لگی ژنہ کھ

بھیہ روس بیہکھ منہ زائپائس

دائس لوتہ سندر او اندرے

چندراجی تہ چھ جانائس مسلسل وئی دتھ ہزدیک ائہ ناپناوان تہ ائہ

زائپائس گچھ کرتھ ایشر مایہ لولہ للہ ناوان تہ اندرک اندری بال تہ کوہ ژھنڈتھ

روپہ وئک بہار چھاوان۔

ڈاکٹر بھوشن لال کول

برنائی جوم۔

(ڈی ایٹ)

خَم تَرَاو دَم دِیُو بوزِکھ ژ سُوہَم  
اوم رَٹھ شَم دِیُو دَکھ چھِ تھَم  
یَم تھر گَٹھِ ژلی ژنِ کَرم کَرم  
نَم تَس نَش چھِ سورِے سَم



دُور نو بُستھ چھِ مَنز پانس  
مَنز گہ ناہِ مَنز باگ نانہِ جتھ چھِ  
ژھانڈان ہرنِے سارِے چھِ پانس  
مَنز لب چھِ پانس گوہ تَس لے

مے چھِ دومیڈ ز ”پُزُک ناد“ پُرتھ باسہ توہہ ز چنڈرا جی چھِ نہ اکھ  
سادھنا زَن بھکتر اژ بکوکہ چھِ اکھ ابھیناس مدت شاعرہ تہ۔ پیہنژ لفظ ژاُر،  
استعار، محاورہ تہ کہاؤژ، مَر ژ گرت، مزاز، لہجہ تہ شبد وچ ہار چھِ پرتھ پرن  
وَالِس متاثر کران۔

شاعر چھِ پنی صلا حیو سترِے توسہ پچہ پٹھ تلہ چھاوے کران۔ سہ کتھ  
چھِ مَر ژ گران، یہ زانہ سے یُس اُندہ بکہ جتھ بے جان شلہ گری گری گلہ ہندی  
پاٹھو بولہ ناوان چھ۔ سہ چھِ دراصل کاری گرن ہند کاری گر۔

شاعر چھِ پنہ نس پرتھ شارَس مَنز زوان تہ پرتھ گرنس لولہ مَنہ لائے  
کران۔ اکھ مکمل شار چھِ تہندِ دِلک سکون بُتھ تَس حیاتی ہند جام نوش کرناوان

پہوان۔ پُزُک ارمان تہ تہماہ چھس کاپہ پہوان انہز تہ مارڈی۔ بڑا نڈ چھس کاسہ  
 پہوان۔ مونہر چھتس پُئَن پان گورہے پور پور کوالہ کُرن پہوان۔ پتہ چھ اَد  
 گور تہ اہندہن انتہہ کرنن سنان، اہنہز کزینیایہ تہ اہندہن کُرنن ہنہز مولہ وَن  
 تہ مولہ اُنکون کران۔ ییلہ تَس اُمس اندر پوز تہ شو دیکھتہ باو دز پٹھ یوان چھ  
 تہ پتہ چھ اہندہن زہم رتہ کھارہہ خاطر اُمس گور شہد دوان۔ پوز پاتر زانہتہ تَس  
 سَنگ ووپدیش دوان۔ اہندس جذبس، دھیناس، کُرمس چھ سہ اُمس پنہہ کھوچہ  
 پٹھ پُرکھاوان تہ رَنگہ رَنگہ پریکھنیایہ کران۔ ییلہ تَس پور ویشواس چھ گُوشان ز  
 بکھتر ہاچھ دھنہ پنہ مینانہ ہاومر و تہ پٹھ پکان۔ سہ چھ تَس اَد پُزُک کز پا کران۔

”پُزُک ناد“ ناوچ واکھ گونڈک ہن چھ شریعتی چندرا ڈاسی جی ہنہز  
 دویم واکھ سو مہرن۔ چندرا ڈاسی ہنہز گوڈنچ واکھ سو مہرن چھ ”چندر واکھ“ ناو  
 بڑوٹھے بازر پیہو۔ چندرا ڈاسی چھ زہنہ پٹھے گور ژرن ہنہز بکھتی وچہو۔ اتھ چھ  
 اہندہن مالہز واناوَرَن سبٹھس حدس قابل ذکر۔ پھندس گرس منز چھ سادہن ستن  
 تہ مہاتما ہن ہندہن گونڈ گونڈ پٹھے پکھ وَن رُودت۔ دپان سوامی ہرے  
 کزشن تہ اُس پھندس گرس منز واریاہس کالس روزان۔ اَد چندرا جی ہندک  
 سنسکار وچھتہ بڈیہ تمن تہ اہنہز پڑھ بکھتی کز اہنہز پزتی۔ چندرا جی چھ تمنہ  
 پُئَن گور و مانان تہ بھگوان تہ۔ سوچھہ نیمہ کتابہ ہند گوڈنیلے واکھ تہ گز ونان

دیکھشا گور ہنہز منہ گز رادوم

سُر رادوم سوے گہ پززلان

## گور کز پاپا

گور کز پاپا وراے چھنہ سون زہم سو پھل گرہن ممکنے۔ دپان چھنا ز  
 ”گورو پنا گت نہیں“ یانے گور پند وراے چھنہ نہ سادھکس کاٹھہ گتی میلان۔  
 یہ چھنہ سیزے کتھ ز پیلہ نہ وتہ ہاؤ کھے دیایہ پٹھہ آسہ۔ شش یا بگھتی کیناہ کر  
 اُنی کھلہ، کوت پکے، نارس دیا نر، گور چھ پڑس بگھتس اتھس تھہ کر تھ سیز وتہ  
 پگناوان۔ اتھ رُئی رُئی کیناہ منتر پرناوان۔ تویے وون شاعران

گور چھ اندھکارس منز گاشی گاش

گور چھ نظرن سانہن کڈون واش

مہہ غنڈراییہ سائلو گور چھ وڑوان

گور وند یو ژرنہ کملن بہ ٹاٹھری پزان

مگر پوز سادھک بنہ خاطر چھ تمس پنہ اندریہ موچھ منز رفہ پوان۔ تس چھ  
 وشن ہڑ گز ندیم دین پوان۔ تس چھ سمساری بند شو تہ بندھنو نشہ موکبار پزاؤن

سُمر نہ ستر لیمبہ پمپوشی پھولکھ  
تُر تھ بھو سہر گر تھکھ لکھ نروان

یُس آتمہ سورُپ بڑ ہمہ سورُپس ستر ملہ ناوان چھ تس چھنہ تس دس تہ  
پانس مَنز رتھ تہ بن روزان۔ تس تہ چھ واکھ شودی سپدان۔ تہ گن روپہ دید  
ہند ونہ کھر دیکھس تورچ گزکھ لُج تہ مند بُدی ہش گئیہ حاران تہ پریشان تہ  
تَمِتکار وُچھتھ۔ امہ رہسک اُو بھو گرتھ چھ چندراجی ونان

یو دکل گنی سو پلہ ہے سنی

ناد تاوے دزان ہزدیک سٹھان

کھنہ ماترس وریہ بُدی باسانی

منہ آسنس بنان پرمہ سٹھان

کڑے کرن واکھ چھنہ زَنپہ تہ ہاو باوس پتہ رو دُر مٹر۔ تَمو چھ گپت رو زتھ  
کڑکہ ناد تہ چکہ ناد وراے پُن زَنم رتھ کھارنچ اڑھین سادھنا کرمہ۔ دپان  
پانڈون ہنز مَاج اُس وُتھر پور پٹھ دوہش ملنگ پور وُڈر پٹھ بنے مِتس پانڈو  
مندرس مَنز پورا کرنہ گٹھان۔ اماپوز وِتھ اوس نہ کانہہ کُڈل۔ مگر دھرمہ تہ  
کرمہ بلہ اُس سو پانہ پانہ پٹھ تزان تہ پَنز سادھنا کران۔ دپان اکہ دوہہ  
وون تَمس پنہ نو وِسوتہ دُاسیو بیتر زِ کِناز چھکھ نہ رانی اُستھ گہنہ تہ سونہ وس  
لاگان۔ دپان تَمہ کُر اسنہ ہنا تہ دو پکھ اُنو کانو کُرک تہ تے لاگہ بہ۔ حکم سُد تہ  
کانو کُرک گئیہ پیش۔ تَمہ لاگر تہ دو پکھ وُلو مے ستر تہ دزلیہ ویتھ گٹھس



رژ رژے ییلے نے رُمہ نَوم

بُمہ پزَوم پزکاشچ کان

تہ متی چھہ یہ باوتھ تہ کران

دھیانہ دھارنایہ متری مَنہ گوپھ ژھونڈم

تُون دزاو زَن کاژ زُون تُوَر پان

مَنہ اُچھوے متری وار پزَر نووم

سَت گور رُوپہ وُچھے بھگوان

یانے سو چھہ دپان ز گورؤ مہاراج رُودر نے وو پدیش دوان تہ سَے گور مَنتر یا

گور شبد گنی روو تہ سَے رووئے پانس۔ اَد تمہ کی برکتہ لوب مَنے گینانہ پزکاش۔

دپان چھنال دبد تیکی یوت کُریے کل تہ کُہر سَہ تھہ شہر داتھہ پو۔

لَل دید کُری ناپتنس گورس سد مائس پیڑھ پیڑھ پوزاتہ پز وون پرم سَہان۔ نَہ

اوسا یہ ممکن ز نوٹ پھٹہ تہ پونی روز پھیکس پٹھے استاد۔ اُمی ژمعکارن کور

اُہندس برتھائس سورے شک دُور۔ سو ییلے وُچھن کھزاو پٹھے ویتھہ اپور تران۔

یا ہنس پٹھ سوار سپد تھہ ہری شور دودش گنہان۔ پتہ ژا پتی تھہ ہری مگر لکہ اُس

سنسارک جامن چاکہ دِتری۔ سو اُس شوس متری مپتھہ گاہن۔ تس اُس وا کھ سیدی

پزایت سپر ہو۔ ییلے تھہ ریش اکی ونہ دود چو۔ اُتھہ پٹھ وون چندراجیہ

حبس کر، حبس تھو۔ تھہ نہ حبسہ وے دَلکھ

وہر تھہ دُلتھہ گلی شپن زن پان

گر اندس پٹھ بہ پہند یہ واکھ درج نیمہ ستر مینس دس پٹھ سبٹھاہ پڑبھاو پو۔  
دے تھون چندراجیہ اور زوتہ سو پڑکرتھ رؤنس وتھ ہادان۔ واکھ چٹھ

ڑے سمرن ڑے تن من دھن  
ڑے روٹمکھ نبٹھ نون منز من  
شانت گپہ وشے وکار چھن چھن  
سوہم بوڑتھ گپس گندن

اوم شانتی!

پڑتھوی ناتھ کول سائیل  
پٹولی جوم

زیٹھ اٹھم 2005ء  
زؤنہ پچھ 2062 بکرمی  
جون 2005 عیسوی۔

پٹھ۔ تھئے تَمہ پائس پٹھ پود ترو سو ہیون پٹھن پٹھن۔ ستر واینو مورپان تہ  
 کورنس زار پار۔ تَمہ کڈی یم کڈی نہر تہ تر پانہ پٹھن۔ تہ تہ گئی ہوون یمن مایا تہ  
 یہ ہاؤ باد کو تہ خراب چھ آسان۔ یم اُس توتہ کانوی کڈی اڈ چھ نہ خبر ے سونہ  
 روپہ ستر کیاہ بنہ ہے۔ چند راجی تہ چھ مایا تہ دشین وش کرنہ کہہ تہ تہ گئی  
 ونان

ستھ گورن وتھ نے ہاؤم  
 پڑتھ نے کوڈم کامہ ہے  
 صہ شائے یاد تھووم  
 لتھ لایتھ آرامہ ہے

(یا)

نم نم روتھ شم کوڑم  
 خم خم گولم پانہ ہے  
 دم دم رتھ سم وچھم  
 سارک ہے نہر ونہ سے

بہر حال چھ چند راجی واریاہ کینہہ نیمو دوان، ہاؤ باوتھ کران، زغم رتھ  
 کھارنگر وتہ پڈر بد کڈتھ پرن والین تہ سادھکن خاطر ہونہنان۔ مے چھ  
 باسان مڑ چھ یم ساری وا کھ تہ منہ پرنس تہ یمن سہ نس منہ ے۔ جان روز نہ  
 پہنڑ یمہ سو مہر نہ بن وار پٹھن پرنہ تہ منس گئی راونہ۔ اڈ دپو لار کینہہ تہ تہ پٹھن

مے چھنے نہ پائس کنہیں تہ خبر۔ یم میانی واکھ سو مبر تھ چھا تھ تو بہ تام و اتا و نچ  
 پزیرنا چھے مے پتین رت یوہن والین ہنرے۔ یم مَنر سَرس چھ میانی پتی دیو  
 شری راج ناتھ ڈاسی۔ یم پنہ مرضی تہ شوقہ چھ نیمہ کتابہ چھا و نپا و نچ کام پانہ  
 و چھان تہ انتظامات کران پیہ پائسہ ٹونک تہ خرچان۔ تہنر چھس آبھاری تہ تہند  
 شکرانہ کرن چھم گوڈنیک فرض۔

بہ چھس پز و فیسر بھوشن لال کول صائب دلی شکرانہ کرنس مَنر فخر محسوس  
 کران یو میانی یہ واکھ سو مبرن پُر تہ پَنر تاثرات مے دی تہ میون حوصلہ بدو۔  
 شری پرتھوی ناتھ کول سائل صائب شکر یہ کرنہ وراے نیمہ تکیا زیمو کر  
 نیمہ کتابہ ہنر دوشوے لپی شود تہ تیلی نچ کتاب چھاپنہ تھ۔ تہند حوصلہ دینہ  
 واکر تاثرات تہ چھ مینہ خاطر مولو۔ تم چھ پوہن کامن مَنر یس بہ تس اتھ  
 روٹ کران۔ تم چھ پانہ ناماوار تہ شوہر تھ یافتہ بھکتی کوی تہ تہ تالپی ماہر تہ۔

بہ چھس تمن سارن ہند شکرانہ کرن فرض زانان یو سوخنہ یا  
 قد مے مے تھ کامہ مَنر ہمدردی ہند تو بوتھ دیت۔ یم مَنر کمپوٹریکشن شری  
 رنکو کول تہ شامل چھ۔ اُخرس پٹھ چھے مے پور آش ز پرن واکر دن میانن  
 و پزارن داد تہ پَنر نپک مشور تہ سوزن مے۔

شکر یہ۔

چندرا ڈاسی

## شوب پزیرنا

اوم جے ہرے کرشناے! دپان چھ سنت تہ یوگی چھ تھی ژندن ٹلکو  
 پاٹھی آسان پھند سو بھاو پڑتھ کاٹھ پڑیاں تہ خوش کران چھ۔ تھ زن زہر پلہ  
 سر پھ نہر کہ تاو دڑتھ نالہ متہ رٹان چھ تہ پٹن دو دمت بدن چھ شہلاوان۔ او  
 ژندن گل چھ پٹن شہلت تہ شہجار دتھ تمبن ہنز تپش ہو مراوان۔ مگر تس چھنہ تھند  
 ویہہ کانہہ اثر کران۔ وٹن چھم سنت اُس سوامی ہرے کرشن جی میانی گو رو  
 مہاراج۔ او تھنزی پڑیاہ، بکھی بکھی تہ مٹھ مٹھ دہہ ستر بڈیو وے تہ حوصلہ  
 دے ناو سورنگ تہ دیہ بکھتی ہنز وتہ پلنگ۔ یہ کینڑھاتہ وڈی کین بہ چھس یہ  
 چھ فقط تھندے اٹو گزیہ۔ بہ کتہ انہ سو زیو تہ تم لفظ تھہ بہ تھنڑ شکر گزاری  
 کر تھ ہیکہ۔ میون چھکھ جے جے کار! تہ مے رو زن تھنڑ شوب پزیرنا انتہ سمیس  
 تام پتھ پز درشن تہ رہبری کران سوے چھم بڈیڑھ تہ گو رو مہاراج کر دتم پوڑ!  
 واکھ وننگ یا وبتھ کرنگ باش دہہ وول چھ مے کیا ہتام ونہ ناوان۔

(1)

بڑہما، وشنو، روڈر گور مونم  
سورے بڑہمانڈ زونم سے  
پڑتھ اکرے منز سے پڑزنووم  
پڑاوم شانتی تہ لوہمو سے

حاصل  
۱۸

(2)

پرنے پتھ بے شرے چھس ثیے  
درے شیتل دیاے چون  
تون نیران باوے سورنے ژے  
گرے نہ کیشہ یس سایا چون

(3)

اسے ون روپ چون بسے ون ہڑدیس  
کھسے ون ہیور ہیور تمہ دیاہے عتر  
سارے کڑپا چانی آسی اد یس  
پانس عتی سہ تاران عتر





(7)

*short* دیاں سوئے ناو پرئے  
 بُو سرے تئے تئے چھے  
*long* کرم تے ارپن تے *pl.* کرئے  
 او زئدے مرئے تے چھے

(8)

*commonplace*  
*tourism*  
*poetry* \*  
 ہا میانہ مورکھ منہ  
 تے کونہ چھکھ تینان  
 نشور یہ سنسار سورے چھے  
 تے کونہ چھکھ مانان

(9)

*Pale copy*  
*of*  
*Lahore*  
 اوئے. پورم، اوئے سورم  
 گورم اوئے وونڈے منر  
 یڑھالیہ دوبرتھ تڑیشنا مارم  
 کوڑم گتہ گس شہے منر

سنگ

(4)

سَہ ننگے ستر شود پان تھووم  
منہ منزلس منز سووم سے  
گور شبدے ستر من شو مرووم  
پز نووم تے گجو دے

(5)

کاژاہ دیا ژے داتو کر تھم  
بور تھم ہر دیس منز میے باو  
پنہ نئے ناوے پانے پور تھم  
اڈ چھاوس پیٹہ او تھم چھاو

(6)

پانے شو چھکھ پوزنہ یوان  
پانے پوزان پانے پوش  
سیریس ژندرس زہ باگراوان  
پانے دوان تورک ہوش

(13)

بار چھئے نہ شاننِ بی آس مانن  
 کر ارپنِ تَس پان پُشراو  
 وِگیا نِک گیانِ بَری تے بانن  
 لوٹ روزِکھ موکلی ہاو ہاو

(14)

بی کزِکھ تَس ارپنِ کر تے  
 بیونِ روڑتھ کر سور وِہار  
 کِروہ نہ کڑیاپہ روزی نہ اِد بے  
 شَم دم دتھ لوٹ گزہیو بار

(15)

کیاہ کِروہ کس گوٹ کیاہ چھم  
 وِہ نہ نس تھوؤم نہ وار مدین  
 دُور نو چھئے یہ سنسار وِچھم  
 گزہان چھ پیتہ سَمہار بدن

(10)

مِنے داغو بُرتھ وچھم  
 چھم بکھتی تہ چھم سے  
 پاڑ پانے پانس تو چھم  
 سہ چھم پززلان پانہ ہے

Common  
place

XI

(11)

دے چھے نہ میلان اتھ بٹھ چھلے  
 نہ چھ میلان ولہ نے اطلاس  
 دے چھے میلان منہ مل گائے  
 پھولہ نے پوش کروٹے ووپہ واس

Common  
place

In for

(12)

نہ چھ میلان دے دُم دُم کزنے  
 نہ چھم چھم کرتھ نونے ستر  
 دے چھے میلان منہ منہ بیہنے  
 ورتھنے شو مراوتھ میلو کتر

(19)

یو دَوے بۆز پَنہ ہیکھ ٲے ساءے  
کاءے زانہہ نو کزی ٲے ٲتھ  
مُہس کزؤ دھس لو بھس دِکھ داے  
ٲیالِن بری ٲانہ لولہ امرتھ

(20)

ٲۆز ٲانہ اُستھ اُٲزس ٲلاران  
تگہ یے کڈ اُٲز مَنز ٲۆز گاش  
اُٲزس مَنز رٲز رٲز چھے نیران  
گمہ تانی ست سر دیک ٲزکاش

(21)

ستھ سُمرتھ ٲے کتھ کر زیو  
مچھر ووپدی زیو ٲانے  
ملہ ٲار چانہ ستری خوش گزھ شود  
وشنار ٲن کر ٲیا گزھ جانے



(16)

اُندری یَمِ بَیہ سَیَندِ رے گِیم  
نَیَندِ رے جِیم تہ جِیم تھر  
اَسَن شُور مَس چھَندری چھَندری  
بڑہمہ رُندری مَنز وُچھَم سَتھ گور

(17)

پانو مَتہ آستہ وَن وَن کران  
ہارتھ وُنی وُنی ساری گے  
ژھوپہ کر پانو روپہ سَنز ژھوپہ چھے  
دے اِد گِٹھ یو پانے دے

(18)

پارس بَنان مَن زپہ چانے ستر  
گُندن زَن چَمکان سُمرنہ ستر  
نظر صاف گِزھان مَن تاوَنہ ستر  
یتھے پاٹھر تَسر مِلتھ گِیہ ستر

(25)

بندگی ییلہ ییلہ صاحبس کران  
پانے چھے اچھ بند ژئے گڑھان  
تو بؤت اندرے آسنگ یوہے چھے  
تیلہ تیلہ تس بندگی واتان

(26)

پانے پچ تے پانے شراکھ  
کٹھ ژے پانے پانے گڑاکھ  
پانے نارس پٹھ دوان پاکھ  
شو چھے پانے کانہہ نو بیاکھ

(27)

واہ پچن داؤن رام موختہ تار ناو  
کھسہ وسہ وار وار گڑھ جانے  
منہ چے گوپھ مژر دیا نے وار ناو  
ساس گاہ پچھ توں نیر پانے

(22)

اَغس پڑژھوم کتبن بہ زاکے  
گمہ زاکہ ستبن میلہ ہم ژے  
دو پنم باو پوش لاگ انوراکے  
امہ لاگہ ژے نش یمہ پانہ بے

(23)

وِشے مارتھ راج کر منہ سے  
باج نو اد شیتھرے پیہ کاٹھہ  
لبہ ہن اتی یس لبتھ منز تنہ سے  
زگتگ رازے شہنشاہ

(24)

دور نو بستھے چھے منز پانس  
مرگہ نابھ منز باگ نافہ یتھ چھے  
ژھانڈان ہرنے سارک سے جھانس  
منز لب پانس گڑھ تس لے

(31)

مَنہ خاک تِنہ اُطلاس وَل زہو  
مَن ووٹہ پیہ یو اِد پانے  
پڑتھ کائسہ باو مَنہ سان کر سپو  
لہ کھو مَنہ گوچھ جانانے

(32)

ہا مَنہ رٹھ رز تَثیرِ لتایے  
مایے سورن سے آدن یار  
زاگ لاگ مو کر کائہ پل ضایے  
سایے تھوی یس چھ پانہ موختار

(33)

کیشہ نو یس نش تَس سورے چھے  
سے لورے چھے تَت سنگس  
دویو کھورو ہیون مورے چھے  
نیندر تنکس چھے پٹھ پرنکس

(28)

کوٹلیا تہ ہند مل مے زالتھ  
مول مے کھارم زہ زارے  
شود ہزدے میون وچھتھ تنبلکھ  
یتھ بنکھ سوداگرے

(29)

رُمو رُمو اوم اوم پورم  
پزرتھ تھر من سپدم شاد  
اندریے ژورن رُمہ گنڈ کورم  
مارکھ پانے کرم آزاد

(30)

سُمرنے منز چانہ روزے  
گرتھ لپن ماتھ وشے  
دور لارتھ پیکھ ژ پانے  
وچھکھ پانس میے نشے

(37)

پڙتھ ڪھنڊ آگر ڌ آسان گڙزان  
 دَزان ٻاوان نار سنسار  
 اُتھ رُوس وٺان چھي پيٽه بوزوان  
 پڙوان روز پوز لولہ دربار

(38)

لول چھ سته زبته لولہ امرتھ  
 پڙتھ گنہ گرنتھڪ چھ لول سار  
 لولہ رُوس گنياني تہ گوڙهان بھرميت  
 لوک سگ چھ اشہ جي دار

(39)

سپولہ شرناگتي چھ ميلان  
 گوڙتھ شرن سَ ڪڙپا ڪران  
 ڪڙپا مايہ پردے تٺان  
 سَروگيہ گو لوک چھ ميلان



(34)

لولہ نظرے چانہ نرلیف کُرس  
شاچھ پاپ عاب غاب گئیہ پانے  
سایس رُوژتھ بڑوئہ پکناؤتھس  
ساس سِررِیہ نوں دزاکھ تیز وانے

(35)

گئیہ وے یُوژتھ منہ مَر سُرراو  
گُرراو لول یِتھ نہ پٹھر کاٹھہ چھے  
ٹہہ پتہ ٹہہ پاپ پَر وے تَر راو  
بُرراو پَرمہ ہَنسن ہُنڈ سے

(36)

سَٹھ گورو بس چھم چائی آشا  
باشا کَر وِنی نیشیو چھس  
پیمز زَن چھس پزانہ رُوس لاشا  
گاشا اُنم دس بستہ بے چھس

(43)

ابھیا سہ کنز منسے منز گورم  
 ماہم منہ جی اندریے آش  
 تپلہ دار زن من اکھنڈ لوگم  
 پڑووم گورہ رپہ پرمہ پڑکاش

(44)

آشا تڑیشنا سارے تڑاوم  
 پڑووم منہ اندریے ووپہ واس  
 ستھ گورہ تڑنن تل پان تڑووم  
 تون دزاو پانے بھاسکر ساس

(45)

بھے تڑاوتھ انتہہ من شانت گوم  
 بڑانت گپہ غاب تے ژجمو کھے  
 نے وڑ پانے چھے ونان اوم اوم  
 چومو پرمہ دھامک لولہ نے

(40)

اؤدھو اوسے لولہ رؤس گئیانہ وان  
گوکل سوژن پڑاو اد لول  
نت مستک روڈے سے یوز وان  
وچھن گوپین ہند ہڑدے کڑشنہ اول

(41)

اٹدري پادَن ہند ديان داران  
ژھاران ژھاران وچھمکھ پور  
دژتھم اچھ ییمہ آسم تھاران  
وچھمکھ ساس بھاسکر گئے تور

(42)

گیناس تھود نو شرودڑ راوی کانہہ  
گوپ دیناس تھود نہ بیہ کانہہ ديان  
سمتایہ یوگ گینائیس چھے ووپدان  
پانے سمیس پیٹھ آتم گینان

(49)

گُنے پَر تو گُنے سور تو  
گُنے وُجھکھ سارِ یگ سار  
گُنے آسہ وُن چھے انتو  
گُنے دِوان بُو سہ تار

(50)

ستھ گور مَنہ مَنزِلِس مَنز سووم  
واو داو وِستَر دِزَمِس زیر  
سوہم شبدے اُدھ گیت گووم  
نووم مَن تے بووم سہر

(51)

صاحبو زیر دِنہ ہے بے لگیو  
سگہ یو دیکھشا لولہ اشہ ہے  
کلپہ وِزِیچ پاپن لگہ چھگیو  
میوٹھے پھل نیر کھیاو تھو تے

(46)

گرمس سردس منز ہیو روزی  
 ہیوے روز مان اپمانس منز  
 سوکھ دوکھ ہے منز سمتا تھاوی  
 پزاو پریمہ آند پانس منز

(47)

ہاپانہ اپرس منز ژھالہ ماران  
 روؤکھ پُرس نش اوے ژ دؤر  
 اپرس منزے روز تو ژھاران  
 سٹک پڑکاش پوز نیر بر پور

(48)

کتھ کر سته چي سته سُمرن کر  
 پتھ مو روز اکھنڈ پاٹھر سور  
 وتھ لبکھ پتس متس موٹھر کر  
 پڑتھ تنہ ہے وچھکھ سته گور

(55)

شَرِے زِے چھس پُترتھ سورے  
 موئے زن او برس چھس نژان  
 شاپھ گالتھ ترووتھ یلہ تورے  
 پورے کھارتھ ژ پانہ پڑان

(56)

وِشین پتہ وائس راو راوم  
 ہاو باون بیتہ تھانم نہ زان  
 سمر نہ گئیائس شانہ نو مراوم  
 پزووم آند رتھ کھوت پان

(57)

یُس اوش کھاری آہستھائس  
 جانائس گوڈ دیہ اُندرے  
 پمپوش پھولہ نس سیکہ مادائس  
 پانس منز ڈیشی سوندرے

(52)

صاحبَن دَوچَنم کُوتاه پَرَک  
رُٹھ کپُل اکھ دِیہ سُنَد ناو  
اَنتہ رُوس سُدَرَس رَکتھ پُٹھ رَکھ  
دَم دیو نُون نیر سُوہم باو

(53)

کَیَہ جَلو چھ تَت مَارِی فَنس  
سَنس اسَنس بَس وُن سَے  
بَیہ دَز وِنس آدِی رَنس  
ہَنس مَارَٹھ نِر لَپھ سَے

(54)

صاحبو لَکِیو چائِنس ناوَس  
واوَس اَتھ کُنِی شَچھ سوزان  
زَنما دِکن ہَنس گالان لاوَس  
سُہز سوباوَس پانہ بوزان



(61)

اَپَرَس دَم مَارُن چھنہ گاٹہ جار  
چھکھ وَنان گر بار کران بے  
کے ییلہ پھٹی اَد پونے سار  
بے بے کُرُن تراو سورے سے

(62)

گور سُمَرَن کر گور چھے دیاوان  
رتھ پان کھاری اچھ وڈتھے  
کنہ نے سَن تے گتھ یو کنہ وان  
بوٹھ کھاری یوڈ تے چھکھ پھٹتھے

(63)

لولہ اوش تراوتھ وچھس وتن  
ہتن منر پرزناون سے  
گنی رنگہ چھے رنگن ستن  
نڈونہ ورتھ شو مراؤکھ تے

(58)

مایا زیون نژناوان چھے  
 ستر روزان چھے زن ژھایا  
 کایا آپڑے پڑ باسان چھے  
 بگھنوی لی گئی بھگوت مایا

(59)

اٹھے روس سمیس دوران روڈکھ  
 بزوفہ دورے ستر دؤریوے سے  
 پوت پھیر پانو تھر وشین کر  
 ہر ہر پرے لبہ ہن سے

(60)

ہا زیو اہنکارن دولہ نکھ  
 لوسہ وُن برریہ ژ اچھ ز کھول  
 زٹمن پھیرتھ ژ کوٹاہ دولہ نکھ  
 سلہ گر پونی پاچھ پئی تول

(67)

گَزِزُونِ ساگر گَززانِ روزان  
دَزانِ روزانِ شاہچہ تہ سَنَناپ  
دھیانے تکر سُنَد کرمَن بُزان  
گیا ننگ بھان گالان مَنہ تاپ

(68)

سُمرَن گالان زَمَن ہندکِ شاہچہ  
تڑے تاپچہ موکلان سپولہ ستر  
دیانے تکر سُنَد مَنہ تراوان چھاپ  
ماف سورے گنڈھان باونلیہ ستر

(69)

مَن دُنجہ تھاو تھے پزان ہنڈور ہنڈور کھار  
آتمس ستر روزِ مِلہ وان تار  
نگھ و سن زَنما دکن ہندکِ پاپہ بار  
ویدن تہ شاسترن ہند لکھ سار

(64)

پونپرنی گتھ کر تس جاناس  
منہ زائپانس منز چھ بُسرتھے  
دھارنایہ پزان کھار آستھانس  
جھانس نشہ ہیور گرہکھ کھسرتھے

(65)

بوچھ ہوت کھیاو نہ ترفتی یوان  
اتھ منز پئن تماہ چھے  
سورے پُشرتھ پھل روز دیوان  
بگھتہن شوبان چھے ما دے

(66)

منز بگھتہ باوکس لوس لین روز  
شپینہ ماڈی من ایکاگر گرہرتھے  
پڑتھے کرمن مو وونی دین روز  
پن بوزان گرہکھ ہیور کھسرتھے

(73)

وؤنمٹ کفو ژئے یوزتھ پانے  
 جہانے سارگے ژ آسُون سار  
 ٹاٹھسِن پٹھ روزُون دیاوانے  
 کٹھنے بُو سَر دوان سے تار

(74)

سوَمبران سوَمبران پان مو گوبراو  
 سوَمبرتھ کینہہ نو نین چھے ستر  
 لوٹ رُوژتھ ژے یژھالہ دوبراو  
 مَن گنڈتھ تار تڑتھ گئے ستر

(75)

مَن لاگ تس گن کن وُٹھے تھو  
 دَنہ تڑیشنا تراو رتھ تن کھار  
 بوژکھ پانے چھ آگر گرزوان  
 پیر گامتس پانس لگہ تار

(70)

دے نو دؤر چھے سہ چھ منے منز  
منے رپہ پانے چھے ست گور  
نیرم بند کر اندری اژھ اندر  
ٹاکار پٹھر وچھہن سے سوندر

(71)

زیر زیرے پوش لاگس شیرے  
نیرے تون سے آدن یار  
نتہ یود دڑستس جہانس تہ پھیرے  
گنہ نو لبہ بھو سرگے تار

(72)

سون تھاتھ ژے تون موہاؤن  
تھاؤن زور ہتھ نافہ آسان  
لولہ سؤدرس منز غوط دیاؤ ناؤن  
پڑاؤن لیمبہ پمپوشستھان

(79)

کُنچے کھنیاوان رُوڈکھ پاران  
اتھ نو روزی خاک تے سُر  
وِشین تھر کر اوم روز سوران  
پزلی کالے تے بَنکھ پُرور

(80)

قطرس مَنزے سِدِر چھ بُستھے  
سائرے کالینا تھ اتھ مَنز چھ  
زو تہ وِلی زِتَر نہ دُور چھ سورے  
سَن اتھ دُور گرش سورے بھے

(81)

زہو وِلس ستر پزرج تھولے  
کھے گلتھے پزِر ناوکھ پان  
رِتو کر مو بنہ کھو نہر بھے  
لولہ نئے وِز نیر امرتہ کان



(76)

سَنسار وِزکھنِک پھل چھے نَشور  
آسان ٹیوٹھ تے باسان میوٹھ  
بھڑمہ سَدَرے مَنزِ نیرن دُشوار  
زھوڑتھ رُن سے پگھ زیوٹھ

(77)

کرنس مَنزے نہ کرن باسی  
آسی ست زتھ سورُون سے  
سورے کَرِتھ روزی ووداُسی  
سنیاسی مالہ آسون سہ چھے

(78)

پیہ پندِ ستی پھڑٹھ نو گرھبس  
نو کر پنہ نئے وٹھ کائہ زائہہ  
زٹھ کاسہ پنہ ہے کھسہ منہ یئدَرس  
زپتھ گرٹھ سے شترے کاہہ

(85)

گور تَرَن دِیُون مَنز تھوَد آسان  
زَنما دِکن ہندِ کاسان بھے  
شَبَدے وِشین گنڈ کَرِناوان  
ہاوان سارِنے مَنز چھ پانے دے

(86)

مَنہ کَتری سَت گورِے گڑھ شَرِنے  
اِدِ پَزِ ناوکھ پَنے پان  
سپو تَمُر سَنز زپو پانے تَرِنے  
پِرِنے اوم گڑھ مَنہ رُٹھ پڑان

(87)

کرمِ تَجَلِہ پوڑی ساران ساران زگ مؤد  
گڑھان یم کوَت زانہہ سَنیو کھ نہ اور  
وُنہ چھے سُل بس دِیہ ناوے رُود  
سُلہ گر سُمَن کر کھلہ تور

(82)

لوس تھوڈ نو کانہہ منتر چھے  
 منتر تہ نو واتان لولہ ہے  
 لوس نش حاران تنتر چھے  
 صاحب یس ٹوٹھان لولہ ہے

(83)

ستھ تھاد تکر ستر وتھ ہاو پانے  
 کتھ موڈرے کر پپی شہجار  
 مایا پر دے پتھ تراو پانے  
 لکھ لاکھ کھسکھ ہنور سنسار

(84)

رتی بھوگ بھوگان وائسا گیہ یو  
 پیہ یو نیندر ژیے دونی وکھ ووت  
 تراو آسکتی یہ بڈ کڑے چھیہ یو  
 لے تس ستر تھو وشنین د دزوت

(91)

شم دیو دم دیو زپتن رُو زتھ  
ویشین گنڈ کر تہ ترھ زے  
شن ہندس سائیس شچھا سُو زتھ  
شیو بہ مورس مارکھ زے

(92)

موت کھار پڑانے اپانے لوت تراو  
دھارنایہ دیان دار منہ منز تھاو  
منہ کس یئندرس شبدک پن کھار  
راز ہنس بنگھ یو د ز اُسکھ کاو

(93)

دوہہ دوہہ گڑھتھے کال پتہ دوریوم  
بُتھ بُجرے آم چھس تھاران  
پزاران پزاران لوکھ چار سوریوم  
ہا پانہ شو شو گڑھ سوران

(88)

دیانہ دھارنایہ ستری منہ گوپھ زھونڈم  
 نون دڑاو زن کاڑ زون نور پان  
 منہ اچھوے ستری وار پرزنووم  
 سنگور روپہ وچھے بھگوان

(89)

ژوپاری ڈیوٹھم ساریے اندر  
 پرزلان پنہ نس گرہے مژ  
 میون میون کرنے پھڑ مژ سمندر  
 بے نو کیشہ سے ساریے مژ

(90)

ژپین اُستھ موڈے مو بن  
 سمرنہ ستری منہ ہے سندر او  
 پڑانہ ژور رُٹھے کنہ نے دیوکن  
 گیانہ گاہہ پنہ نی پان پرزلاو

(97)

بَند اُچھ کَر تھے پُرکاش وُچھکھ  
 وونڊ صافے چھ سبند وُزوان  
 گرزُن گنگایہ ہُند بَند کَنو بوڑکھو  
 نر دوند چھی اَنڊ وَنڊ بُوڑ وان

(98)

نَٹ بَنتھے ٲرے آکھو زہو  
 کرنے نَٹ روپک وِو ہار  
 آسی یوڊ رُت کُرُت زان ہیو  
 کَر تیتھ یُتھ لگہ بُو سِر تار

(99)

سۆم کھار سۆم تراو سۆپے سۆمراو  
 سۆم لاگ سۆم وُچھ سۆپے سار  
 سۆپے زانُتھ اوپچی تار پڑاو  
 سُمہ دتھ دیہ یو بُو سِر تار

(94)

گون تڑیے چھی زیوس پزکُرژ مَنز  
ستھ رَج رُٹھ تموگن ووپدان  
یتھ ست تم رُٹھ گزنھان رَجے مَنز  
زیو رَج تم رُٹھ ستوگنس ِ پزان

(95)

حبس کر حبس تھو یتھ نہ حبس ِ وے ڈلکھ  
وہر تھ ڈلکھ گلی شین زَن پان  
سُمر نہ ستر پموشی پھولکھ  
تڑتھ یو سہر گزنھکھ لبکھ نروان

(96)

ہا جانانو وند یو بہ پزانو  
کُنر شچھ وُتھم سبٹھاہ مولہ وان  
سُرتھے سوے گزنھتھ بُرتھ آم بانو  
پزانے ہیور کھوت پزکاشستھان



(103)

اگنیانہ کنی باسان سورے میونے  
گیا نک گاہ بس پوز ہادان  
شاستر ونان پڑ ہے گڑھ سنہ نے  
پوز وچھنے گو لبین بھگوان

(104)

دے چھے رڑ رڑ بسہ تھے پانے  
شپنس پونی رنگ مائڑے جان  
ابھیاسہ کنی نون نیر جانانے  
ہیو روضتھ رٹھ ژ مان اپمان

(105)

یود کل گنی سہ پھلہ ہے سنی  
نار تاوے دزان ہڑدیگ ستھان  
کھنہ ماترس وریہ بدی باسانی  
منہ آسنس بنان پریمہ استھان

(100)

کِنے کَن دتھ روز تو پانو  
لوتہ لوتہ بوزک شبَدے سار  
دھیانے دھارنا تھو بوز سانو  
مؤدرے وزان کیاہ سورچ گنج تار

(101)

پانس بون کن نظرے تھاءوتھ  
شانت من گرتھتھے بڈیو باو  
کتھ زچھرس چھکھ ڈے تھھ گرتھ  
چھ ورن یوتے تیوت کھور وہراو

(102)

شاردایہ ہند چھے دیا رپ چوئے  
اُتھ روس آسان امہ گئے لول  
یوت ورتاواک بڈان چھ تیوتے  
خرچنہ ستر نو چھے گئن ول

(109)

یگدم دین سہز منہ ہے منز  
کاٹھہ وتھ ترچ نہ باسیہ میے  
نوں نیر ٹیے نر پاٹھر ووتھم  
کر منہ دیان تارتھ بہ پانہ ژے

(110)

زلہ منز نیرج ٹیے پھولہ رووتھ  
دوہہ پورنمایے دیا کرتھ ٹیے  
ترن بھون ہند سار ہیچھ نووتھ  
اڈ چھاوس چھاو اوٹھ میے

(111)

تن چاڑ اُستھ من چوئے چھم  
ان سورے چوئے چھم دن  
کن دتھ کن سنن چوئے چھم  
چھن چھن بوز کر گٹایہ ٹھن

(106)

ہا ست گورِ ہا بڈ مہاراجو  
تاو کوڈتھم من مے سون چمکان  
دیان چون کران پاپن تحراجو  
بگھتہ پڑکاشہ سورے زوتان

(107)

سلہ کن تھوڈتھم میانن نادن  
لاڈن بس چھم اکھ مے چانی  
دیایہ ستر کھبے کرؤن اپرادن  
ناو چون یو سہ تارانی

(108)

پھٹو اءس یو سہ سے منز  
لوکھ زور یوڈ کھارٹھس ڈیے  
گنلہ وانہ ناوڈھ انتہہ ہاوتھ  
کڈ داغو برتھ ڈیٹھم میے

(115)

با پانہ یہ کینڑ شاہ پیٹہ میلان  
تتھر منز سننوش کرن گو جان  
مو روز الاندین تھپہ دیوان  
سوکھ دوکھ ہے منز ہیو تھو پان

(116)

یڑھ اہم برپور گئے ہڑ  
دودون اوس باسان سورے  
اندے گلیانچ جیوتیاہ زالتھ  
منہ گر رٹھ تر ووتھ تورے

(117)

کل کل کر تھے پل پل ما گوم  
زھل کر تھے ما سنسار گوم  
مل کڈر تھے داغو نشہ دور گوم  
منہ وشین زور پتھ تور پیوم

(112)

یاؤن زولمت اوسم کامن  
کڑودن تہ زاجمڑ اوسم کالے  
مؤہن لوہن اوس وولمت دامن  
نؤن دزاکھ بھاسکر غاب گئیہ ژھالے

(113)

نشور سنسارن ژے وولمت  
بوز ہیتہ کام پیٹہ پوز کیاہ چھ  
لی ریشو اوتارو وولمت  
منہ اچھوے وچھ ستھ استھ

(114)

مُزری توشکھ مُزری روشکھ پانے  
مُزری ہاتھ گپت پنہ نے پان  
مُزری ژیے سمرن دژتھ کیاہ جانے  
ہا گور وندہ یو پنہ نے پزان

(121)

ہا زیو اندریے منہ رؤس چھ آسان  
 من اندریو سوس آسان چھے  
 زیو یود نیڈرایہ منز تہ چھے آسان  
 اندریے بند تہ من زاگان چھے

(122)

گور دیکھنیاہ رٹھ نم ژبھ ناوے  
 نور ڈینشتھ تراو پوری دور دور  
 ستہ چے وتہ پکتھ من اہم تراوے  
 پڑاوے پریمہ آند سہ پور پور

(123)

مو ہاوتس یس نو چھے یڑھان  
 کوتاہ چھ یوڈ سے تہ تگر سُنڈ باو  
 مؤڈس چھ وئی وئی کئی پتر گڑھان  
 بڑی بڑی نوان چھس ورزن داو



(118)

مندر مسجد تیرتھ تہ استان  
 مو ژھانڈ پانو اتہ چھے نہ سے  
 پُر لولہ منہ گئے بنتوستان  
 بڑوٹھ کنہ وچھ ہن ژھوپہ کر تھے

(119)

سور ملتھے نور برتھے چھکھ ژے  
 تنہ سہم مسلاہ ورتھے ژے  
 کھوپور کنہ بیہناوان رنہ ژے  
 منہ گوپھ نوں نیر پڑینہ پڑون ژے

(120)

دیا رؤپس چائس چھے نمسکار  
 نہ چھس سُم گنہ نہ گنہ تار  
 یس سدرس بوٹھ کھارتھ سنسار  
 پان دتھ پئن تہ روزان بے قرار

(127)

منس بُوگن ہنز آہوتی دوان  
زَنماد زَنم گئیہ یو ہُمان  
کم کر ہُمئے تم سَنزے کنہ وان  
اُتھر منہ ہے منز وُچھن بھگوان

(128)

کن تھو ستھ کتھنے ست ورتاو  
وتھ اتھ پرتھ وُچھن پانہ سے  
سن پور منہ گئے ناگے وُزناو  
ژھالے گلتھے چھے ننہ وانہ سے

(129)

ست گورن وتھ مے ہاؤم  
پرتھ مے کوڈم کامہ ہے  
صُب شامے یاد پوؤم  
لٹھ لایتھ آرام ہے

(124)

گاٹل یُس چھ تَرُکے سہ آسان  
 باسی یوڈ مؤڈ سے گئیانہ وان  
 اکہ اکہ گون ژاران مَنز ساسن  
 زغنم رتھ کھستھ لبان نبروان

(125)

ہرے کڑشنہ ستگور آگر ژ میونے  
 گاگر ژے لوچ برتھ کتیاہ جان  
 منگ ساگر وُز نووتھ پزوئے  
 اکہ زیر کڈتھو امرتہ کان

(126)

منہ چے تڑیشناپہ نو انت آسان  
 وچھ وچھ تہ یوزی یوزی بڈان چھے  
 گنڈ کر رُمہ رَزِ میٹھ مَن مانہ آن  
 گئیانہ وپڑا ستر کرتن لے

(133)

کرؤر کرمن ہند گوہ بورے ژئے  
 ڈکھ رۄرتھ نگہ ووتھ سور  
 او ژئے نش وائس باو سانے  
 رچھتھس مۄرتھ بکھتی تور

(134)

منگنہ نشہ رچھتم جانانو  
 زنمس رتھ بس مونگہ مکھ ژے  
 پزانن منز باگ دورم دھیانو  
 مرن جانے منگنہ نشہ چھے

(135)

لوکھ سبتے لکھ نو شاٹھس  
 گاٹھس واتکھ پانے ژے  
 پمپوش پھولہ نے ددرمتس کاٹھس  
 پاٹھس پزس نو چھ کاٹھہ پاٹھے

(130)

نانا رو پو وچھمکھ صاحبو  
گئے پزان سارے منز  
پنچ بھوتو ستر کھوان دانا  
بھانا پو سر تارے گئے ستر

(131)

ڑے اءگن پون آکاش  
پزکاش گگن تہ بھوتل ڑے  
رج تم ستکے چھکھ پزکاش  
گیناک گاش منہ وڑ ناو ڑے

(132)

کوٹ گنھان ب مائج باندھو ساری  
شُنیاہس میلٹھ شُر سپدان  
روزون نو پیٹہ کیشہ سنساری  
پزانہ ژور رٹھ پتہ لاری نہ سوان

(139)

زاگرت سوپُن سُشپتہ تورا  
اوستایہ زور یوگین ہنز چھے  
ابھمان دیہک تھاؤن چھ میتھیا  
سلہ پرزناؤن گرھ تَس لے

(140)

شُنی اوسکھ شُنی آسکھ  
شُنی روزان چھے پتہ وتھ  
شُنس منزے کیاہتام لبکھ  
شُنیک سائی چھے اکھ ستھ

(141)

زہتھ تے زپتن گئے گرہ  
ژ تہ بہ کاستو پانس ژے  
پرماندس پانے ورتھ  
میل تَس ستر گرھ گلیوڈے

(136)

پانے سِرِیک پَرژنڈ تاپہ وان  
سُکند پرتھوی ہند چھکھ ژے  
اوشدین پور پور بناوان  
رَسہ رُپہ ژندرم برسان ژے

(137)

کتہ ژھانڈتھ بے لوتہ لوتہ ہاوم  
کتہ نے آسان چھے چون دار  
منہ منزلس زیر دینہ سے تھاوم  
نگھہ وَاُم گوہ پاپن بار

(138)

ہا زیو متہ روز تہ پرتھ کائسہ منگان  
نگ رچھ ننگن تہ ست سنگ کر  
رچھی سہ پانے مؤلن تہ لنکن  
منکن منکن تراو زندے ژ مر



(145)

سَنسَارِ یَشہ کی نَشہ نے وُلنکھ  
نیشکام جامہ کونہ چھکھ پاران  
مہہ نیندرے ییتہ وارے وُلنکھ  
ثبتہ پھرناہ کونہ بیہناوان

(146)

نظرن منز نظرِ ستی گاہ ترأوتھ  
کرتھ عاب غاب منہ پرزلیوکھ ژے  
ناوک موختے واو داو تارتھ  
کھارتھس ہیور یمہ سدرے بے

(147)

اورے پانے تورے ترؤوتھ  
سورے بووتھ تہ ہووتھ ژے  
وہزار دووتھ منے سووتھ  
پھولر ووتھ پوش چھووتھ ژے

(142)

وہمے گئے گر تِس کِیت تھو ناوتھ  
 پاوتھ تھاؤکھ شترے ژور  
 اندر یہ موختے تھ جرناتھ  
 چھاتھ گوشکھ اوستھایہ ژور

(143)

پنہ نے پان پڑناوتھ مہ آسے  
 گزاسے سرو سنکپین ژ کر  
 تراو ساری تلہ پٹھ تلہ واسے  
 ست سنگہ گئے ووپہ واسے کر

(144)

یودوے من گوشہ بڑہمہ وہزارس  
 گر بہتھے کرکھ یاترا ژے  
 پڑکھن پانے گوشہ آزارس  
 پڑزارس کیشہ نو کرنے چھے

(151)

تس رُوس کیشہ مَتہ سورتو زیو و  
پرتو نیشکام تکر سُنڈ ناو  
سے زانتھ کر پڑتھ کائسہ سپو و  
نبروان پد اوناشی پڑاو

(152)

انتہہ شود گرتھے سؤم ورن  
سنتوشہ تم کڈ اؤم رٹھ پڑان  
گمپرتایہ شاہ والن تہ کھارن  
گلی شک وچھکھ سارنہ گن پڑان

(153)

وکلپے بوز چھے بڑمہ راوان -  
سنکپ دڑڈ کر تہ رٹھ من پڑان  
دھیانے گرتھے لوت تڑاو اپان  
دون بُمہ نے منز پڑکاشچ کان

(148)

ناکارِ گس چھے گس چھے جانے  
اَنگے بیون تھو کوسنگہ نش  
ست سنگہ سستی رنگ دیو جامے  
مو منگے چھے پانس نش

(149)

ژھنیوٹ شرؤژ کر تھے کُن نو واتکھ  
لبگھ نو گنہ اپارک پاو  
شرؤژ یگ شرؤژے ژگنئے آسکھ  
سبق یی منہ چھے ساریگ سار

(150)

زاوَجہ رَز تھپہ تار دیو پانس  
دانہ دانس کھنہ واکر سُنڈ ناو  
کھنیاوان سئے مو گرژھ ابھمانس  
واتکھ تھانس بڈیو باو

(157)

ہا صاحبو تیرے مڑتھ تاری  
نگھ وٹھری باری یم اُسم لاری  
یس صاحبو تیرے چھکھ کران یاری  
تھرے شمتھے وڑتھ گئیے ساری

(158)

مایا بے ستر بنان زہو چھ شاری  
زانان بے چھس ونان چھی چاری  
یس واتان یمہ وڑ چھے واری  
سہ گڑھان سنسار مڑ ہاری ہاری

(159)

زہو و ڈیکہ ڈوئی کیاڑ پھڑاوان  
اسمانی گاڈ چھکھ بڑی بڑی کھوان  
کالہ تہے دہہ یمہ پوان  
گس مود گس رُود بن وہڑاوان

(154)

کُتھ چھُکھ بوزان اِندریہ چھونے  
 ترُکے وَنے ژپتن روز  
 سَنَس روزان چھے مَنز مَنے  
 گنے شبدک ژ ٹھنے بوز

(155)

ہا پانہ سُر گڑھان نورِ تَنے  
 کھن ہنہ ہنہ دَیہ سُنَد ناو  
 نَتے تَس یُس مَنے سَنے  
 سُرُوپ بنے بڈیو باو

(156)

اُخرس پوان چھے تَس کَنے  
 اَنے اُچھ یُس تھوان سَنَسار  
 مَو کر مَکھَر وونی نِشہ رَنے  
 کر دھَنیہ دھَنے لَکھو سار

(163)

یُسِ نَمہ چانے اَتھ پاؤِ جوڑ  
اِدِ نوپورِ تَسِ یَمِ تے کال  
تَسِ تَرَن بھونِ مَنزِ نو سور  
گلہ نَسِ بھرمِ تے ژھنہ نَسِ زال

(164)

سَنکَلِپِ شَنِہ کُرو تھے سَے گا رُن  
ما رُنِ پَڑِیَمِ سُدَرسِ مَنزِ ژھال  
کپولِ اُسْتھِ کپولِ ژھارُن  
تارُونِ شاہِ تَسِ روزِ نالی نال

(165)

مَنہ آسَنسِ ژِے پمپوشِ وَتھراو  
شَنکھِ نَادِے سَترِ لایِسِ نَاد  
سُوہمِ شَبَدِے اُدھکیتِ بوزِ ناو  
شانتِ لے گُڑھتھے سَپَدِکھِ شاد



(160)

سَکُورِ تَرَنِ ناوِ بَنّاوِ تھ  
شِبْدِ کہ پھہ گئے دِوانِ گزھ زور  
تَرَنِ پَرِ مے دھامے سِدِ تھ  
پَرّاوِ تھ گزھکھ اوستھاپِ زور

(161)

کَنہِ وے بُوڑِ تھ مَنہِ ہے سَنو  
وَنو کِنّا زِ گئی دُلی بَرّا ر  
ناوِ ٹونگرے سترِ واوِ دُور کھنٹو  
بَنو پوڑِ شودِ اِندرِ پیہ نَار

(162)

کالِ چھے اُنڈِ اُنڈِ گرِ گرِ پھیران  
گَنہِ وِزِ دِگِ دِ تھ نِی سَنسار  
بھڑمِ سَنسارِ مَنہِ نیرِ تو تِ دوران  
تَٹھ زَاوِیلِ زالِ لَبکھو سار

(169)

دارِ دروازِ اِندریئے یَٹھ پانس  
پڑتھ جانس منز سُمرتھ سے  
کر بند اُندری سُنراو دانس  
اُنس کھے گلہ نہ وانہ چھے

(170)

ہا گوہر کتہ ژھانڈتھ لبتھ کتہ  
متہ رَاژ ساریئے ڈاکر گئے مینے  
سُمرنہ چانہ واژس اصلچہ وتہ  
سوتہ سوتہ دیدار ہووہم ژیئے

(171)

پڑانس اپانس گئے گرتھ  
وارِ وارِ دم دیو منز پانس  
سَنکَلپ ساری شو مراوتھ  
منہ ہے پزولاو جانانس

(166)

اَنہ وَاَرِی مِلتھ سِر کر سَنسار  
مِر مِر تَلہ وُچھ پَنڑی اَسرار  
تھر کَاسِتھ نون کڈ پَز کُے سار  
شَر نِر سُم دِتھ لَکِیو تار

(167)

دِیہ بَتہ شَوَرھم باوے پِہر اُڑ  
بھو شَوہرژ رِشہ رُچھتھس بے  
لولہ رَاژن پِیتہ بَنہ ہَاں دِہہ رَاژ  
یوَد عَاژ شَرن آسہ ہے نہ تِیے

(168)

کَم کَم گزٹڈ وُچھ پُتھرس لارِان  
سارِان پَوَت کَرمن ہندِی بَارِی  
کِشہہ رُوڈِی کِشہہ مُوڈِی کِشہن چھ تارِان  
پزارِان کِشہن گِیہ زَنے سَارِی

(175)

ہمسو کران منہ منز ٲھوئدُم  
نر ادِ میے وُنہ نم گز کتھ  
اُنر گئیائک دھنیہ مے پڑووم  
سار بووم میے پتہ وِتھ

(176)

بگھ دتھے ٲوپاری وونم  
کرکھ ٲر میانی بوزتو  
کیٹھہ تہ نو روزی یہ اپڑے  
پڑیمہ باوے ٲر روزتو

(177)

انہ رؤس وشیو کوتاہ وولہکھ  
وولہکھ دانہ زن کنڑے منز  
تلہ وانی دائد سندر پڑدھسن دووبگھ  
موثر رووبگھ سہہ شالہ سندر کرنڑ

(172)

یو د پوتھ پرک تہ پوزا کرکھ  
 تیرتھن پھیرتھ گالکھ پان  
 باو روس زپے پانس پھرکھ  
 ترکھ نو بھو سر لبکھ نو استھان

(173)

شیو تھام کار موڑتھ  
 تنبلاوتھ باوہم پوشہ وار  
 پوز زانتھ شاہہ گیم راوتھ  
 کلہ چھاوتھ پلہ نے ڈلہ بار

(174)

پز اپزے یم دوہہ راو راوم  
 پیادان رازے بنووم پان  
 کوکرپے پیٹہ موختے چھوگم  
 منہ راو راوم کھڑم ہان

(181)

باو لولہ سستی پڑتھ ستھ گورس  
چھم کیاہ کُرُن تہ رکتھ تر بو  
پان پُشر اوتھ سُمَن کرتس  
پڑتھ یوَد تھاو کھ تہ تر کھ ہو

(182)

کائسہ ہند آہ مہ ہتو زیو  
آہ غریبہ سُنڈ چاہہ چھ کران  
بیون روژتھ کر پڑتھ کائسہ سپو  
شاہ بختی پڑاو کھ نروان

(183)

سے بہتھ منز ناہستھانس  
ہز دیہ ستھانس منز چھے سے  
بلر چھکھ گوٹ ژے ابھمانس  
ادیاتمہ گیانس ژینو ژے

(178)

گئیانی گئیائیکہ بجرے چھ لبان  
طوطہ سبز رٹ کینہہ چھی لگاوان  
وُنی وُنی ہاتھ کُن نوواتان  
پڑیمہ تھنر بنہ کتھ تھنر تھو دھیان

(179)

کرؤ دھس ہیو نو کانہہ شیتھرے چھے  
گنجے رڑ رڑ رڑ نون زالان  
زبوس پاری زان مشراوان چھے  
بوز بھرمہ ہے مژ چھے تراوان

(180)

ہا زیو ستھول دیہہ نو چھکھ ژے  
نو سوکھم چھکھ آسہ وُن ژے  
آسُون چھکھ دزشت آتما ژے  
آمت مڑتیہ لؤکس یہ زانہہ ژے



(187)

پوتھن تہ گرتھن ہند چھے یہ سار  
منہ سے مار تہ برس پیار  
دون بُمہ نے منز نظر کھار  
سارنے بوز مو کر تکرار

(188)

اگیاہ وئل پُشمن پٹھے  
میوٹھے باسیو و کرؤٹھ سَنسار  
دلہ کئے ستھ تہ استھ ہو موٹھے  
دوہہ اکہ تلن ما ژور کھار

(189)

آتچہ تریے اوستھایہ آسان  
زاگرتھ سوپُن تہ سُشپھتی  
گنیانی پرِمہ پدس چھ ونان  
تورِ یاتیت آتما چھ آسان

(184)

ژوڊِہَن بھونَ یس سائی چھے  
یس تھوڊ نہ کیشہ منز تر بھونسے  
ریہ ہند رونہ شبدے بوزون چھے  
وید شاسترن ہند اومکار سے

(185)

کھنہ ماترس منز تارن وول سے  
مارنہ وول ہیور کھارنہ وول  
بگھتنن اوتار وارن وول سے  
منہ گارن بر شبدن لول

(186)

لوچ دگے غار کیاہ زانے  
زانے کیاہ سہہ گزرنے بزار  
سوہم شبدے کار یس فانے  
تس لیوکھ لانے لچس نہ تار

(193)

دے چھکھ بوڈ چانی دیا چھے بُڈے  
کُنڈے مے داغو بُرتھ اُس  
رُم اوم پرتھے دو گنیار کوڈتھ  
اڈے اُسٹھ پور کرٹھس

(194)

سَنسار چھے اندھکارن وولمت  
بازار وولمت مایاے  
ست وپزارک ہوش چھ وولمت  
لگہ تار ست گور یڑھایے

(195)

بڑہمہ وپزار دیتنم گورن  
کتھ ونہ نے وونم سورے  
وپزار آم تہ پیہ سس پرن  
شرن گیس مژرن تورے

(190)

کینژون وچھے نہ کھنَس دانے  
کینژون بانی بُرتھ چھی  
کینژون کھتھ چتھ یڈ چھے ودانے  
کینہہ کھنہ روس تڑپتھ آسان چھی

(191)

یود وے عابھ تہ غابھ کرکھ  
سورکھ نہ دیہ ناو زانہہ تہ ملیہہ  
وہڑا روستے پوش ہیو مَرکھ  
پھرکھ پانس تہ کرکھ نو کینہہ

(192)

کینہن ژھانڈان گپہ زَنم ساری  
مور گوکھ مؤژتھ سپدیوکھ کرژن  
کینہن نادچ کرکھ یاری  
کینہن میولکھ گرے منز

(199)

سَٹھے چھ سَت گور گز زُون چھ ساغر  
وید گزنتھ شاستر نے ہند چھ آگر  
یس ناوِ نم رٹہ ژلہ تس یمز تھر  
اکہ نظرِ ستی ویہ تار بھو سر

(200)

اومکار رز ہر دیستھانس لوْمَن  
ہوؤن اَ (اُ) تہ م چھس بے  
گئے اہم اکہ نظر شوْمَن  
ہُمَن پانے تہ رچھنس بے

(201)

یس میلی تس لول برژے  
بے کرئے تراو سورے سے  
زپوس بوچھ تریش بیہ کھیاوان سے  
بس سے چھے، بس سے چھے سے

(196)

شَن مَنز بہتہ شچھا سُوَزن  
 اچھوے اچھن وِزن کتھ  
 مَنہ سے سَنتھ کَنو بُوَزن  
 لچھ وے مَنزے پڑاوم گتھ

(197)

نَم رُوَرتھ شَم کوَرم  
 خَم گوَنُم پانہ سے  
 دَم رُوَرتھ سَم وچھم  
 سارے نَنہ ولنہ سے

(198)

اَندر اوَسُم بہتھ سہ پانے  
 نَیبر اَسس ژھانڈان بے  
 بَنڈ کُرتھے پُزلیو پانے  
 شَبر راپے ڈیوَنٹھمے

(205)

خَم تَرَاو دَم دِیُو بوزَکھ ٲِ سُوہَم  
اَوَم رَٹھ شَم دِیُو ٲِکھ چَٹھ تَہَم  
یَمِہ تَہر گَٹھ ٲِلی ٲِلی ٲِلی کَرم کَرم  
نَم تَس نِش چَٹھ سُوَرِ سَم

(206)

دِیکھشا گورِ سَنز مَنہ گِزِاَوَم  
سَنزِاَوَم سوے گِیہ ٲِزِلان  
رَٲِ رَٲِ مے یِیلہ رُمہ نَاَوَم  
بُمہ ٲِزِاَوَم ٲِزِکاشچ کان

(207)

بَارَمبار بے یِٹے وَنَے  
لَبَکھ مَنز مَنے اُتی چَٹھ  
ٲِتر تَہن اَسْتان سَے چَٹھ نَے  
بُمہ نَے وُچھ مَنزے اُچَہنَے



(202)

وېژار کر پانہ کر تو آزار  
 پزان مَنزے پزان ہمہ ناو  
 نتہ یوگی بنے چھے دُشوار  
 ہمسو سوہم پر اوم پزاو

(203)

مایہ بھرمک پردے زٹھ  
 رٹھ تھاون اکھ اومکار  
 شن مارتھ تھاون کھٹھ  
 وٹھ اد روزی پنی کھار

(204)

وچھان لوسان وئی سورے پزانو  
 مانیو نہ زانہہ کاکر ما ووتھ بوج  
 موکلن ییم دوہہ یہ ما زانیو  
 خالی کلہ کھوپرن نہ سوچ بوج

(211)

زیو پُر تھے روز کَنو بوزان  
آنند امرتھ پوان گزھ ڈے  
زأژن ہند دو گنثار پانہ مو زان  
آتمہ رؤپہ روزان سہ پڑتھ اکر ہے

(212)

ست سنگ چھے بوز ہند آہار  
امہ گئے رس سوے پوان چھے  
رؤپہ رؤس اُستھ کران وپوہار  
بھرمہ تم گالان امہ جی لے

(213)

ہا پانہ نم تراو کلہ کتھ گلہ وان  
پلہ وان روز لوتہ سور دیہ ناو  
اتھ ہیو نو بیہ کیئہہ چھے مولہ وان  
گلہ وان پانس چھے ہاوباو

(208)

وہزار کُرن تہ سے سورن  
ورن شے تراوتھ غے  
اوپے گرن رمو پرن  
مرن زانتھ تھرن نہ ثیے

(209)

اندرین چھے زیو تہ یوان  
پانے ونان پنز اسرار  
یتھ ژپٹن منش چھے وچھان  
پنژ گون اوگون بر دربار

(210)

منچے زیو ستر پر سوہم سو  
ہم تراوتھ پتہ روز سو سو  
دم دتھ نوں نیر پانے ہم سو  
ہمہ گے گلہ خم چھے سو سو

(217)

اچھ بَند کُرتھے گورِ سُنَد دھیان  
وچھہن بڑوٹھ کَنہ وچھان سہ تِیے  
پزائس سَم گڑھ پانے اپان  
لولہ رَس چِیہِ پیہِ چاوی تِیے

(218)

دَم دیو شَم بہتھ دَم دیو  
غَم گالٹھ تُلے راوی ماے  
سَم سَنسارے وچھ پیہِ گُمیو  
سوڑے بھڑم زان پزِزلی کالے

(219)

مَنہ چَن تارَن گنڈ کر پانو  
کھارُکھ وارِ وارِ سورگک ساز  
کَنو بُوڑتھ مَنہ تھو دھیانو  
سوہم ہمسو بوز آواز

(214)

اچھ بند کُرتھے وچھمکھ اچھ نے  
منز بہتھے گاہہ تراوان ژے  
وہ ہار و تگ وچھان اچھ وے  
بس چھکھ ژے، ژے بس چھکھ ژے

(215)

سنسارک پار اپار آسہ وُن  
گنہ غمخار گنہ چھے رنگدار  
وَزُون نار گنہ، گنہ چھے سبزار  
اتھ نو تار گنہ چھے یہ بازوگار

(216)

یوڈ ژے ہوش کرکھ منز سنسار  
وَزُون نار تہ دپے شہبجار  
سہلے باسے اپارس کرن پار  
نہ گنہ بازوگار نہ غمخار

(223)

اوم تَت سَتگے گیان الگ چھ پرنے  
 اچھ بند اچھوے چھے ہاوان  
 زپو منہ کنر چھے پانے پرنے  
 سمیس پیٹھ چھے یوان بھگوان

(224)

ہا لالہ رٹہ ہتھ لالہ منر تڑے  
 تڑور تھو ہتھ ہتھ نافہ آسان  
 منہ جی لاکم رٹناو ہتھ تڑے  
 بے غم روزتھ روز گتھ ماران

(225)

یُس لوچ دگ چگرس ژالے  
 والے اچھوے اشہ نی دھار  
 تس رت آسان تھد تھود طالے  
 وسان ژرنو تسد دھرتی بار

(220)

پالُن سہ گو وار وارے والُن  
کھارُن تہ رُن نا بھستھان  
بزہمہ رُن دَرَس پٹھ نظرے دارِنی  
اِد ہو پرکھٹی پانہ بھگوان

(221)

ژ ہاٹھ قسمہ سپن ہند چھکھ ژے  
تبیہ ترہہ کرور ورگ اتھ منز چھے  
پھیرُون یمہ وے ژویہ شیتھ لچھے  
اکھ تارِی منش زنجے سہ چھے

(222)

گیانہ وگیا نک بھنڈار برتھے  
منہ زبوس چھکھ وژناوان  
حاران چھس کینا کینا ہوان ژے  
کس چھے پران کس پرناوان



(229)

تھمر پُرزے کنیاہ عجب بنے مٹر  
کم کم تارِ اتھ لاجمڑ چھے  
بڈر بڈر وگیناہ وان اتھ چھ سنے مٹر  
ہارِ تھ نہ ہبکان کُرتھ کانہہ یہ کڑے

(230)

رتھ ماز اڈجو بُنتھ یہ پاناہ  
فاناہ کران سوغاشن چھے  
کتھ چھکھ شولان چھ میونے جہاناہ  
بہاناہ کُرتھ کنہ ورنوان چھے

(231)

وچھم دپن مَنز چانز نیتہر جوری  
کُرتھ بندہ روزان چھم میے وچھان  
گیس شرن داس لُجس بہ پاری  
دوپن پڑتھ دُہک چھس حساب چون تھوان

(226)

سَنَسَارِ دوکھوے تڑپٹھ تڑووکھ  
چھاو نووکھ کلہ پلہ نے تڑے  
واو کھوتہ زأوجہ داو دَب دووکھ  
وہرود و بگھ چھے نہ سام۔ رتھ سے

(227)

مدھرے رُپ چون سوندر چھ کنیاہ جان  
شہیل نظرو دوان شہجار  
اُچھوے ستین ارپن تڑ کران  
ما دھریہ باو یُس چھ ساریک سار

(228)

مَن زین چھے نہ جنکس نیرن  
نہ پھیرن وتہ وتہ بُتھ فلوا  
مَن زین گو مَنہ مَن تھاون  
أتی بیہ ناون وچھن جلوا

(235)

ہا نَوْر مَنیو سُوْرے کُوْر تھَم  
اِدِ ہِچھَنّاو تھَس مِزِرِی تَارِی  
مَنِہ کِیْن کُوْن پَرکاش بُوْر تھَم  
ہا وِک تھَم یَم چھی تَم رِ پھ سَارِی

(236)

اَندرے نَوْر تے نیِرے نَوْر  
اَسہ وُن سے چھے نَوْرک نَوْر  
وِشے وِکارَن کران سُوْر  
بگھتَن چاوان پیالہ برِ پُوْر

(237)

بھ بھکتہ برن پوِشن کران  
ک گئیانچ پڑا فتی کرِناوان  
ت سوکھ گئے اَو بھو کرِناوان  
ای سارِی کھوتہ بڈ آسان

(232)

یود پرتھ دوہہ وُنی وکھ جانائس  
اُنس زانہہ نو لگی تے کھے  
بھیمِ رُوس بیہنکھ منہ زانپائس  
وانس لوتہ سَندراو اُندَرے

(233)

پاتال رُٹہ تھے آکاش وُچھکھ  
لبکھ رُوس پنہ نی گرے  
اُندریے تھورن پانے مچھکھ  
سبق وارے کرکھ سرے

(234)

اُندَرے پائس روز دتھ کئے  
شُنئیہ منز بوزکھ شبدے سار  
لڑے تڑاوتھ سؤم کھے اَنے  
چھوڑی گڑھن پانے پاپنر بار

(241)

وَنہِ کِیَاہ چانہِ نَظَرِے ہُنڈِ بِلے  
 تَھلے سَنسارے مَنزِ سوے کڈان  
 سار ہنچھ نَاوتھ دوانِ آتمہِ بِلے  
 نلے نہ گزھان گیانِ تَس بڈان

(242)

وَنڈِ یو رتھ پادَن میانہِ گورو  
 کوتاہ بوڈ تِ تہ چوئے باو  
 سَنسارَس مَنزِ پُر اَس گمڑ  
 بوٹھ کھارتھ دِیتھم لولہِ تاو

(243)

بود تھنڈ تھَاوتھ سوکھ میلانِ چھ  
 تڑاو سَنکپے تہ پیہ وسواس  
 لائس لیکھتھ یہ آسی تہ میلی  
 سَر پھرا آسکھ تِ یا سنیاں

(238)

کر بکھتی چھے اتھ سارے شکتی  
 موکھتی تہ اتھ نش کیشہ نو چھے  
 زَنَمَن ہنز کاسان آسکتی  
 بھے گالتھ چاوان لولہ مے

(239)

اُنڈرِ مندر چھ سبٹھاہ سوندر  
 گندر چھ اتھ منز گاہ تڑاوان  
 سارے کاینات ہاوان اندر  
 گیانے گپت پاٹھو پرناوان

(240)

اکہ نظرے سنسارے کڈتھس  
 دوئے کڈتھس منز اگیان  
 تڑیے پانے سارے ہاوتھس  
 ژورِمہ اد دیتھم آتم گیان

(247)

آیس کتہ آچر ہے بہ گامز  
نر گوہ منزے سوگون یہ دژاو  
سگونس نرلیف پاٹھر ورمز  
مادھر دیہ باؤک امرتھ نے چاو

(248)

ژے سمرن ژے تن من دهن  
زے روٹمکھ نتھ تون منز من  
شانت گیہ وکار چھن چھن  
سوہم بوڑتھ گیس کندن

(249)

پڑژ بوز نژوہ وژژ شو مراؤکھ  
ہو مراؤکھ گیانہ اگنس منز  
سوہم پڑتھے تھہ رمہ ناؤکھ  
شو مراؤکھ یتھ سگونس منز



(244)

پانے سو گوئک و پوار کُر تھے  
 نرگون ہے منز ملے ناوان  
 شہ کس دیانس منے ورتھے  
 ژور مہ اوستھایہ واتہ ناوان

(245)

دہہ چھے گنڈ شکتی چھس منزے  
 یوگر یتھ گنڈلنی شکتی ونان  
 موہہ نیندر زہوس زاگرت کر تھے  
 بھرم گالتھ لولہ مس چاوان

(246)

ژال تیتھ وال بانہ سدرس منزے  
 زژ پمپوشہ پادن شرؤ پراو  
 کاژ زؤن زن نیر نرگونہ منزے  
 لہ ہن یار تس پان پُشراو

(253)

ژندرس زَنے گَوے ژِیے ژھانڈان  
اُخرس ہئوتمکھ لولہ سے مَلو  
لولہ مَوَت گور آو لولس گنڈان  
حاران اءسس گمژ بہ بَلو

(254)

مؤلس تچھ دیو نون نیر پانے  
مُو پھیر لَنجہ تَتہ چھنہ سے  
ستھ ژکر مؤلے زاگرتھ گرتھی  
مژگہ نابھ منژ کوستوری چھے

(255)

نبرگون مان یا پوز سگون  
دونوے تس عتَر ملہ وان چھے  
نبرگونس منژ لپن گرتھ دوگن  
وژژ گوپیہ گندان سگونس چھے

(250)

وچھ ٿڙے لوچِ عجب شکتی چھ  
 ترفتی اترفتی دونوے چھس  
 وشے وکارن نش یوان ترفتی  
 اترفتی لوچِ بڈان چھ بس

(251)

ور دم ٿڙ دیو تھر ٿلہ منہ ہے  
 شر نیر زنمن ہند سورے  
 سپوے ٿرن چاڻی پھل دم سپوے  
 پھلگ پھل ارپن ٿیے سورے

(252)

یود بڑہا وشنو رُور پد ٿیے میلی  
 لولہ رؤس یم چھ شتر آسان  
 لولہ پد آسان یمنے تھود چھ  
 کیا ز لوس یم چھ ملو میلان

(259)

گس وَنہ کیاہ گوْمَت چھم پانس .  
 دَرِ وِنس جہانس کر کیاہ بو  
 مایہ تھالے سارے آسمانس  
 سندرود دانس گیس شاہ بو

(260)

گورن سورے ہووَم اُندرے  
 شش رچھنس ژرن تل بو  
 یڑھالہ تڑوون ویدیاہ برے  
 شبد پرنگ پچھم ژھل ہو

(261)

واو داون دون گئے گرتھ  
 مارتھ واسنا سورن ژ دے  
 کنہ نے کن دیو شبدے پرتھ  
 دون گن گڑھ تھے روز نہ بے

(256)

یوڈ تے بڑہم وینارس گرٹھکھ  
 بے نو گنہ تہ لبکھ تے  
 دو گنیار اد تے پانے چھکھ  
 وچھکھ پرتھ زہے سے سے

(257)

پانے روٹمکھ اند تے نالے  
 لالے وچھمکھ وچھان میے  
 زما دکن ہند گوٹھم ملالے  
 لالے لالں لپتھ تے میے

(258)

پانس اندرے پزلاں وچھم  
 وچھم سوڑے تہ برمس پڑے  
 آہارس نو پیٹہ زیاد توچھم  
 سہ چھم شاہد تہ کوسم بھے

(265)

آغس زائے مَنے کس باغس  
لاگس گلاب تے پمپوش  
زیتَر دتھ گوم وَنہ وَا رَاس  
کاغذ قلم دتھ دیتنم ہوش

(266)

وَنان پانے، لیکھان پانے  
پانے پڑتھان پانس گس  
پانے بُستھے چھے دانے دانے  
ننہ وانہ وَنان بس بے چھس

(267)

سُدر ہیو وودر چھے سَنہ کھوتہ سونے  
زائہہ نو پورتی تہ ترفتی یوان  
یُتھے سون وِشین ہند ساغر چھے  
یوتاہ دہس تیوت تریشنا بڈان

(262)

دَم دِیو پانو دَمَن ہالہ  
 اِدِ مالہ نئی پَنزِ ذاتھ  
 سُوہم کَنو بوزکھ تالہ  
 ژہالہ لبہ ہَن ویتال ناتھ

(263)

اُچھوے اُچھو کتھا کُرتھ  
 مَن آتمس ستری ملہ وتھ گوکھ  
 اندریے ژوؤرن رُمہ گنڈ کُرتھ  
 گپت پاٹھر گیناے پلہ وتھ گوکھ

(264)

ستہ چے وتے زیو و پگھ ژے  
 گنہ وِز پانے لبہ ہَن یار  
 سار سنسارک یُس آسہ وُن چھے  
 برہمہ سمر منز سے دیو تار



(271)

سَت گورِ ٹوٹھنوکھ چنڈرس ٹاٹھ ناو  
 زگہ داو داو منز چھکھ بستیہ  
 مایہ بیہناوتھس تھیے پنہ نے ناو  
 تھیے تھیے کران مچس تھیے بے

(272)

دھنہ کھوتہ ٹوٹھے چھے زنی آسان  
 زنہ کھوتہ آسان پنہ نے پان  
 پانہ کھوتہ چھے ٹاچھ یئدریے آسان  
 اندریو کھوتہ چھے آسان پزان  
 پزانو کھوتہ ٹوٹھ آتما چھ آسان  
 آتما پتہ وتھ چھے روزان  
 ہا زیو حبس کر چھکھ آتما زے  
 آتمس ستر تھو زے پور زان

(268)

سوئے ہُمان گزھ زَٹھر اُگنس  
 ترفتی پیہ یو اِد پانے  
 بود ژے ارپن کر تو سگونس  
 من موکلتھ گزھ قَاد خانے

(269)

شاہانہ پانو روز آزاد ژے  
 داد ہے تگر سہنر مایاے  
 تھہرے منز باگ نبرلفے چھے  
 میژ میلان چھ یمہ کایاے

(270)

پانس منزے ژیے پرناوتھس  
 ہووٹھم سورے منز پانس  
 سوہم شبدے سر کرناوتھس  
 پرزلیوکھ پانہ منہ زانپانس

(276)

کھوورک دچھن پتہ بڑوئہ سے چھے  
 اُندر نیہ ہیر بونہ چھے پانے  
 وچھ وُن بوزوُن بولہ وُن سے چھے  
 تس وراے گنہ نو ملینہ دانے

(277)

رَٹِ رَٹِ جماہ کُرتھ تڑے تھاوکھ  
 اُخرس کینہہ نو نین چھے ستر  
 باگرہ ستر دھنہ منہ پڑناوکھ  
 بی کُرتھے پیٹہ تڑتھ گئے ستر

(278)

دان دینہ سستی شان چھے بڈان  
 پڑ اپڑیگ چھے بڈان گیان  
 پاپو منہ منس چھے کڈان  
 پانے شانتی بڈان زیہ سان

(273)

یود ژے راز بنکھ توتہ کیاہ گو  
فقیر یود چھکھ تہ گو توتہ کیاہ  
مور بدلآوتھ پھیرتھ نہ وچھکھ  
اوسس بہ کیاہ تے وونی چھس کیاہ

(274)

نرمس منز بل آسہ ون سورے  
ترکہ جار کتھ چھے بکار یوان  
زیو چھے نرم تے شکتی سارے  
اڈر جو روس اڈر جہ ٹاپہ ناوان

(275)

پانس منز چھے اندرینیہ پٹھ پٹھر  
رژ رژ کھٹھ زنس منز نار  
مائزے منز ووز جار چھے پٹھ پٹھر  
تتھ دے بستھ منز سنسار

(282)

کل گنہ نی گئے پوئیر بُن  
پنہ نس انتر آتما ہے  
مل کڈتھ انتہہ چھلن  
ولہ نئے گینا نک اُطلا ہے

(283)

یود ما چھس بوڈ راوکھ مجھ ژے  
کھسہ ہئور بیہ ما چھی روز صاف  
آتم گئیانی سُنڈ آتما چھے  
مل پتھ تہ صاف آسان نشاپ

(284)

یتھ پارڈ چھے نہ ٹھیکتھ روزان  
پکے وُن زل یتھ نہ چھے ٹھہران  
ژلہ وُن واو یتھ نہ موچھ منز روزان  
تتھے ژینژول من چھے نہ ٹھہران

(279)

زَنَمَسِ یتھ کِیاہ پانو پڑووتھ  
 راوِ رووتھ اپزس منز پان  
 لوکہ نینڈیاہ کن ژیے دُورتھ  
 ووٹھ سارِے نش بے چھس جان

(280)

ہا گوہِ رُمہ رُمہ اوم پَرِ ناوم  
 وارِ وارِ ہاوم پان چمکان  
 ستھ وِزار پڑتھ وِ کرناوم  
 وِزناوم پڑون آتم گیان

(281)

تھ وِزارسِ ییلہ ژ سَنکھ  
 وُچھکھ یہ سورے استھ پُور  
 اندریے وشے دانہ زن چُھکھ  
 بنکھ پُور تہ وُچھکھ نور

(288)

لالا لگیو رچھتھس بالا  
تھالا ستہ سہ بورھم ٹیے  
دھیانس دیت تھم تورک خیالا  
پیالا بورمت چووتھ میے

(289)

دے چھے نہ کز تے تھپے ستر زینکھ  
مینکھ تہ ونکھ ژیتھ چھے دے  
دے چھے آبھاس سادھنایہ زینکھ  
پھینکھ زاولہ پر نے ژے

(290)

لگیو پاؤن تھاتھم لاؤن  
ناؤن پانے کن دورھم  
گیانے بووتھ منہ سموؤن  
نمہ پاؤن لی آؤن چھم



(285)

سُمرن کرنہ ژلہ مَنچ وودا سی  
 ووپا سے سنکپین کُرن جان  
 پڑتھ کرے گڑھ کُرن وودا سی  
 پانے کھنہ کھنہ بڈیو مان

(286)

کنہ وے بوزتھ منہ سے سورناو  
 پنہ سے بومر یئیر زلہ ژے  
 تتھر گامس منز پانے ڈلہ ناو  
 تتھ لولس چھ جے کار میونے

(287)

مو دور پانو سورنو سنسار  
 میئمہ سنسار ہارتھ سارک گے  
 مایاہ پردے ژھنن چھ دُشوار  
 تراو وسواس سائیس سے چھے

# لپلا

کن دور تھم لولہ بُرتن نادَن  
 ست گورو چھم کڑ پا چا پئے  
 لولہ پونی وُز پانے ناگرا دَن  
 ست گورو چھم کڑ پا چا پئے

سُمرَن پَنی کرنا وگر گر  
 وِشَن مَنز مہ راو میون پان  
 شر نے گڑھتھے تے پمہ یو پادَن  
 ست گورو چھم کڑ پا چا پئے

مہہ نیندرے چھے اُس وِ وِلمتر  
 وِلمتر چھے اُس سَنسارن  
 پھولراو گولاب زَن چھکھ سون آدَن  
 ست گورو چھم کڑ پا چا پئے

(291)

وُزِ مِی دِزِ مے سَارِے وَتہ وَتہ  
کِتہ رُوڑتھ ڑے مے تہ ہاو پان  
سو تہ سو تہ نَنیو کھ مَنہ سہ ہا مَتہ  
گِتہ ڑے گوڑھ ہم تھہ پَزِلان

(292)

سو پَنس مَنز سو کھ دو کھ چھہ باسان  
زاگرتس ساری چھہ موکلان  
آتم گِئائِیس گِیان ییلہ، وو پدان  
سَنسارِ سو کھ دو کھ بھرم باسان

(293)

ستھ نو سَنسار بھرم تے بازِگار  
باسان پوز، سورے اپڑے  
تھ زَاوِیل زال یو د چھہ دُشوار  
دِیہ ناو تاران چھہ پھٹ مَتے

سیرِ نظرے چاہِ نر لپف کرئس  
 سایہ تھو و تھم پگہ نا و تھس بے  
 واپہ تر ا و تھ پکسو ستر سادَن  
 ست گورو چھم کز پا چا پنے

ویدیا یہ ہنز شکتی چھکھ پانے  
 ساری جنجال تڑپ و ن تڑ پانے  
 باو سان چہمہ یو پر نے پا دَن  
 ست گورو چھم کز پا چا پنے

کھنبہ کھنبہ شرنے گڑھ ہرے کر شنس  
 کرتی یہ پز چنڈرے کر نے  
 کر تڑ بگھتی پڑھ کر پز ہلا دَن  
 ست گورو چھم کز پا چا پنے

کن دور تھم لولہ بر تن نادَن  
 ست گورو چھم کز پا چا پنے

☆☆☆

﴿ اوم ہرے کر شنے نمرہ ﴾

چھس نو ہبکان وونی کھر انتہہ گئے

آبھاسہ چاہے ستر صاحبو میںے

دادژیے دیئت تھم لولہ سمودان

ست گورو چھم کز پاچاے

شم دم دم بیہ سمرن پنی

لولہ اشہ چھلہ ہاے پادچانی

پتہ بز ونہہ کن کر یو آرادھن

ست گورو چھم کز پاچاے

کینہہ تہ نو پوز چھے میہ سنساری

بب ماچ بیہ ہاے باندھو تہ یار

تارن والیو چھم چانی لادان

ست گورو چھم کز پاچاے

گنیکا تر تھ گپہ اکہ رامہ ناوے

شیری تر تھ گپہ پزیمہ باوے

پشہ تر او پانے ہونزن تہ رادان

ست گورو چھم کز پاچاے



# پرزگ ناد

(واکھو مہرن)

چندرا ڈاسی

